

Ludovici Molinæi

PETRI FILII

APOLOGIA

PRO

EPISTOLA QVÆ

Nupere prodiit sub nomine

Irenæi Philadelphi

Adversus

Argutias THEOPHILI ISCANI.



Hilarius.

Veritas, si arguatur falsi,

Se prodit apertissime.

LONDINI,

Typis E. G. pro T. W. 1641.

Ludovici Molinæ

PETRI FILII

APOLOGIA

PRO

EPISTOLA QVA

Nuptere prodit sub nomine

Irenæ Philadelphi

Adversus

Agustas Theophili Isaacii



Millanæ

Veritas hæc præcipue
se præcipue obversant

95:59

LONDINI

Typis E. G. pro T. W. 1644

REVERENDO

&

CELEBRIMO

VIRO

DD. Petro Molinæo,

SS. THEOLOGIÆ DOCTORI

ET PROFESSORI; PATRI SVO

PLURIMUM COLENDO,

Ludovicus Molinæus

S. P. D.

Non dubito, Pater observandè, quin
supervacaneum tibi videatur, me
Apologiam aggredi pro Epistola ad
Renatum Veridæum, adversus adversarium,
cujus Scriptio in me tantum abest, ut mare tra-
jecerit & ad manus vestras pervenerit, ut
vix Londini habeat emptorem, & non nisi
augeat numerum librorum in officina Biblio-
polæ, destinanda tandem Pharmacopolarum
cucullis: Atque parum prudenter me suscipere
defensionem argumenti quod extra Angliam

neminem contra pugnantem habet. Sit enim
fieri, ut dum Scriptione quæ publici juris fiet
operose amior a me crimen calumnia & ab-
stergo maculas, quibus unus tantum homo vix
de nomine notus me æfferat, quantulamcunque
quam hæc Epistola de me creavit opinionem
si non prodigam, saltem in dubio collocem, &
dum indico me erroris accusatum fuisse, hoc
ipso in suspicionem culpa cadam. Quocirca,
quo tibi constet ratio hujus perinde otii ac
negotii, & nulla te incessat admiratio quid
mihi cum hoc genere studii? & unde mihi
tantum temporis quod huic operi impendam?
utriusque causam paucis accipe. Mensis jam
agitur nonus postquam hanc Epistolam ad
cujus defensionem me accingo scripsi. Necdum
ejus potuit me poenitere, tanquam rei nihil ad
artem meam pertinentis; ut que partus est
quem cujuscunque generis literature homo
non putet a se alienum excludere: etenim
potius historiam texit quam Theologica eno-
dat. Sed nec interdictum est a natura & lege
ut singulus homo non amplius quam singulam
artem cognitione complectatur. Neque post-
quam

quam ferat emissa est, unde pedem referre non
erat integrum, petus inficiari esse meam, &
non vindicare a moribus Theophili Iseani:
Qui quidem cum apud suos inter quos viri
quedam cum nominis nostri injuria effutisset,
excitatum me sensu ad ea contrario scripto elu-
enda: Quo porro spero ut sanetur, si quid
cuiquam bono haerit offensa vel suspicionis
ex priori nostra dissertatiuncula, in qua in-
terdum paulo urbanius me luisse non diffiteor.
Nec me leniter movit Iseani temeritas, cum
dicit gravissimos Theologos Molinæum &
Rivetum si forte viderint meam Epistolam,
non posse non corrugata & irata fronte legere
indoctas Chartas & vix ipsa contemptu dig-
nas; cum tamen, ut nihil de Reuerendo
patruo dicam qui Epistolam & emendavit,
& typis committi curavit; tu, quem nemo
crediderit patrem usque adeo scribere ac cum
ut liberorum lapsibus laudes tribuat, binis ad
me literis eam dignatus sis approbare, & his
ornare elogiis quæ præ verecundiâ reticeo,
sed quarum testimonio serâ triumpho; non
tam quæd mihi eo nomine quicquam magni

arrogem, consocias meae tenuitatis; quam quia
habeo validum telum quod magna vi in Is-
canum retorqueam. Sed me maxime ad scri-
bendum impulit cupido tuendi & firmandi
explicatius veritatem, quam Iscanus sub ob-
tentu calumnias confutandi labefactat, ut
nulli parti addictus ea astruerem circa Epis-
copatum quae putavi consona sacris Scriptu-
ris, quaeque, ni fallor, conspirant & planè
concordant cum tua de Episcopatu sententia.
Habes hic causam negotii seu scriptionis sus-
ceptae. Ceterum otio in tam exiguo opere non
opus fuit multo; Cujus tamen plusquam vo-
luissem nactus sum; sic volente Deo, qui latè
serpente contagione, quae duos mihi charissimos
convictores absumpsit, & sub id tempus
dilectissima conjuge gravissimo morbo labo-
rante, integrum mensem domo conclusit. Quo
temporis spatio, omnino existimavi aliquot
horas quotidie non male collocatas quas huic
opella deciderem. In qua quidem me attem-
peravi rationi scribendi ab Iscano institutae,
qui praeter expectationem, longiorem narra-
tionem perstrinxisse contentus, Theologica
quae

quæ obiter tantum attigeram fusius pertra-
ctat. Porro si Iscano licuit corvitiis suis præ-
texere magnum patronum, eumque sacri ordinis
Reverendum virum; multo magis candidæ &
modestæ huic tractationi, dabitur licentia sub
tuo patrocinio lucem aspiciendi. Hoc ergo quic-
quid id est, tuæ tutelæ committo & iudicio
submitto. Vale plurimum. Deus te Ecclesiæ
sua, & familiæ tuæ quam diutissimè servet
incolumem, teque sancto suo favore prosequi
& patrocinio protegere pergat. Datum
Londini Idibus Sextilibus, 1641.

Apologia

que obiter tantum attigerimus fuisse patre-
bat. Porro si sciam licet conuictus fuis-
sete magnam patronum; etiam; facti ordinis
Reverendum virum; multo magis candida
modeste hinc transiit; habuit licentia sub
tuo patrocinio lucem aspiciendi. Hoc ergo duc-
quid id est; tua tutela committit & iudicio
submittit. Vale plurimum. Dexte Ecclesie
sue & familie tue quam diuissimè ferret
incolumem; tepus sancto suo favore protegi
& patrocinio protegere pergat. Datum
Londini Idibus Sextilibus, 1641.

Apologia

APOLOGIA

PRO

Epistola ad Renatum

Veridæum.

ANao superiori scripseram Epistolam ad Reverendum & celeberrimum virum, *Andream Rivetum*, quem turbato ordine literarum, vocaveram *Renatum Veridæum*; in quâ homini cupido cognoscendi, quo in statu essent res Ecclesiæ in *Anglia*, speriebam, quibus antibus aliquot *Episcopi* & eorû Mancipia, tenentes Ecclesiæ clavum, nuperè omnem operâ dederunt, ut facies externa Ecclesiasticæ disciplinæ, ad Papismum propius accederet, & quod gravius est, ut sancta Doctrina, Potestantium fidei in omnibus consona, corrumpeteretur, & placitis Pontificiorum quàm simillima esset; idque palam faciebam prolatis illorum scriptis, & factis, necnon canonibus, quos in pseudo-Synodo decreverant. Sed ne omnes ejusdem criminis *Episcopos*, aliosque de clero arcefferem, neve eadē corruptelâ involverem Ecclesiam, quam ab *Henrico VIII.* sibi Deus servavit orthodoxam, sed agrè exerentem caput, sub Papalis disciplinæ reliquiis, nondum ex quo lux, clarior Evangelii *Angliæ* affulsit, è medio sublati; & longè gravius gementem, sub *Cantuariensium* tantisper exultantium tyrannide,

B

quam

quam in conscientias, non ita pridem usurpaverant; segregavi à familia Romanensium Episcoporum, eorumque sectatorum, viros primarios & fidissimos Dei servos, qui hoc & superiori seculo floruerunt, quique nec in dies gliscentium auctores, nec jampridem introductarum corruptelarum, fautores hactenus extitere: E quorum numero dixi esse Reverendissimos & amplissimos viros, *Usserium, Davenantium, Mortonum, Hallum, Guilielmum, Juxonum, & Potterum*. Caterum dixi tyrannidem nuperam *Cantuariensem*, & abusus relictos in disciplinâ lege stabilitâ, non obstitisse, quò minùs qui gemunt sub his corruptelis, hacque tyrannide, quique maximam partem Ecclesie Anglicanae constituunt, non fuerint vera & orthodoxa Ecclesia; nec defuisse unquam qui nonnullibi magno numero, extra conspectum Papaturientium Episcoporum, sedulò prædicationi incumberent, & ritè Sacramenta administrarent. De Episcopatu sic scripsi, ut non eliminandum censuerim, sed potius in integrum restituendum Presbyterium, ut Episcopis honor suus, Presbyteris jus suum tribueretur, Synodisque sua redderetur authoritas, ususque frequentior: sumque id secutus temperamentum, quod *Reynolds*, & post eum vir undecunque doctissimus *Usserius* tradiderunt. Porro in Episcopatum, qualem Anglia hactenus habuit, quia vidi a plerisque bonis improbari, & optari ejus in melius reformationem, asperior fui, & perstrinxi librum Reverendi *Halli*, quò asserit Episcopatum esse

esse juris Divini, in quo in speciem quicquid habet corruptela Episcopatus Angliæ videtur approbari, dum sicco pede præteritur: Quis enim silentium tanti viti in assensionem non reitaret quod quidem à me factum; non contendendi aut contradicendi ambitione, sed veritatis indagandæ studio. Fateor me paulo commotum fuisse, videns virum de Ecclesia Dei tam splendide meritum, hisce ultimis annis, corruptelâ tum in doctrina, tum in disciplina invalescentibus, facilem ad tacendum; ad tuendam verò dignitatem Episcopalem promptum fuisse: Sed profiteor testorque, si se Reverendissimus vir læsum senserit, paratum me esse quibuscunque voluerit modis culpam expiare: Nunquam erit quin amem & observem amplissimum Antistitem, quem si Pater colit, quanto magis revereri decet filium? Hanc Epistolam passus sum ire in vulgus sub alio nomine quàm meo, ratus non esse tutum, regnantibus Cantuariensibus vera eloqui, & veritus ne si agnitus dicerem quæ volo, postmodum audirem quæ nolo: Prælo Commissa Epistola, unde minus subodorabar, turbas dedit, & nubem excitavit crabronum; Inter alios irritatus unus qui se *Theophilum Iscaum* Reverendo Hallo à sacris indigitat, in meam Epistolam virulentâ Scriptione tantam copiam effudit bilis, ut haud dubium sit quin brevi *παιχμή* sanetur, tanto onere liberatus. Stylus ejus exurgit floribus convitiarum: sputat, non disputat mecum, & usque aded æstuat ira, ut

interdum latinitate excedat, ut oratio, veluti quando scribit, *sed quæ Reverendum Episcopum concernunt* ^{adversus quam}. Discat interim bonus vir loqui congruè, si non ornatè. Me vocat Medicistrum, indoctum, ignarum, tyronem, sciolum, maledicum, calumniatorem, impudentem: Exhibilat ubique *indoctas chartas & vix ipso contemptu dignas*. Inculsat me Patriæ, quasi Gallum esse mihi vitio esset: dicit me fucum facere e mentito nomine & titulo, cum tamen quod mihi prædicat, vitium id illi sit. Voluit ad imitationem Jesuitæ vapulantis Andreæ Riveti, Philadelphum, sed titulo tenus, vapulare; cum sanè dulcedo nominis aliud mereri quàm vapulare videatur. Texit apologiam pro Ecclesiâ Anglicanâ, quasi quicquam effutissem, quod tantillum non cederet in honorem alterius Matris, de qua sane si honorificè non sentirem & loquerer, aversus essem omni gratia: An is de Ecclesiâ Anglicanâ malè loquitur, qui Guliel. Laudum, Montacutum, Regulum, Manarinum, Pocklingtonum, Helynum, Cosinum, Kelletum, & alios Altaricolas Papismo addictos pro meritis excipit, & ad Ecclesiam Anglicanam non pertinere dicit? Neimpe non debueram, inquit Iscanus, maledicere tantis viris, eosque calumniosè traducere. Profectò si calumnia est veritatem defendere adversus erroris strophas, & sine fūco homines depingere, quales ipsi se exprimunt, fateor me esse è numero calumniatorum: Aut an calumnia est dissentire à Rever. Hallo, aut Episcopum

Episcopum Andream nominare, nullâ præfixâ honoris voculâ quâ cohonestetur? cum tamen ipse Iscanus, Calvinî & Salmasii sine ullâ honoris additione mentionem faciat, & in unâ pericope Molinæus audiat clarissimus; Andreas verò celeberrimus. Cæterum quodd de R. Andream parcius quàm par est scripserim; nec ei quas meretur laudes ascripserim, sibi imputet Archiepiscopus Laudus, qui in Epistolâ quâdam ad Serenissimum Regem, per R. e. Parentis mei nominis ruinam, gradum struit ad Andream gloriam; quem ideo facit literatorum Deum; Molinæo interim ad sciorum subsellia detrusô: Tantum abest ut me nostrorum ^{gloria} ceperit; ut facillè concesserim, imò ultro agnoverim, Galliam nostram vix habere Seldeno in suo genere eruditionis superiorem; At Usserio Archiepiscopo Armachano ne parem quidem. Dabo quas voluerit Iscanus pœnas, quando tantam Doctorum Anglorum in quoquam nostrum reprehenderit ^{meritis}; quantum culpamus contemptum nostrorum in Theologis nuperis, Laudo, Montacuto, & similis farinæ hominibus; Sanè Montacutus tantam sibi licentiam usurpat omnes nullo discrimine insectandi, ut quidem sæpe deditâ operâ digrediatur à proposito, ut maledicentiæ telum in obvios quosque jaciât. Vocat Calvinum, Scaligerum, Calvisium, Paræum, schismaticos & singularitate raptos: Genevenses appellat subinde Novatores. Institutio Laico Seniorum Laudo est novitiolum commentum Calvinî. Ego

sanè, quanquam longo intervallo subsideam infra tantorum Heroum meritum, venio tamen in partem eorum gloriæ, dum proscindor ab homine, qui cum deberet Montacuto & Laudo conspuere in faciem ob pessimam navatam operam Ecclesiæ Anglicanæ, gratulatur tamen & laudes ascribit: Parum fuisset Iscano de me malè loqui & fingere, nescio an aliorum artificis suggesta, quæ nunquam fuerunt, si quod subinde inculcat, solidè monstraret, quâ in re quenquam calumniatus, aut de Ecclesiâ Anglicanâ secus quàm oportuit locutus fuerim. Quicquid in me congerit Iscanus, hisce duobus verbis concluditur, *Mentiris Medice*; nisi quando me subinde Gallum vocans & advenam, putat me acuto gladio jugulasse. Non absimiles sunt Iscani contumeliæ dicteris quibus olim Israelitæ impetebant Prophetam Elisæam; Hic eos accusabat Idololatriæ & deserti fœderis Dei; Illi verò in hostimentum vocabant eum caput calvum; quod quidem rem non attingebat, nec ullatenus attinebat ad doctrinam Prophetæ. Mens recti conscia, scelerisque pura, dissipat has nebulas maledictorum, quæ sanè tanquam futilia sinerem præterfluere, nisi per meum latus causa quam sustineo, vulnerata aliqua defensione indigeret: Nam quod descendendo in hanc arenam præter mentem meam fuit, & genus studii quod sequor: Etsi non est quod erubescam Epistolæ istius ad Renatum Veridæum, quasi rei malè gestæ, in qua genus scrip-
tionis

tionis potius historicum quam polemicum tracta-
veram, maluisses tamen responſionem tuam, If-
cane, refutandam linquere peritioribus, & in hac
palaestra exercitioribus, tibiſque ſolum contem-
ptum pro clypeo opponere: Laceratus tamen à
te, qui me toties tyronem, in Theologicis impe-
ritum, ſciolum, & quid non? vocaſti; à me impe-
trare non potui, quin experirer quid poſſint vires
meæ: Ubi eas expertus fueris, forſan compere-
ris, Ifcane, Medicos non penitus Theologicarum
rerum eſſe ignaros, & rem tibi eſſe non cum
Medico, ſed cum Petri Molinæi filio, qui ſanè de-
gener eſſet filius Patris, ſi in ejus ſchola educatus,
nonnihil Theologiæ non delibaſſet. Modestia
quoque quam me docuit, erga te obſervabo, ubi
maximè à te irritor, veritatem quærens, non vi-
ctoriam; ne ſi litem ex lite ſero, primo quidem
charitatem, mox etiam veritatem amittam.
Porro quod Medicus Theologica tractet, &
Theologiæ ſtudio capiat, non eſt tam inſolens,
quàm incongruum eſt, quenquam de Clero, cui
hoc opus hic labor eſt totum ſe dare Divinis re-
bus, Medicinam facere, ut facitatur in Anglia,
nuſquam alibi locorum, quod ſciam: Nunquid
ſatius eſt ab aſinis ad equos, quàm ab equis ad
aſinos tranſire? Sed planè hoſpes ſit oportet in
ratione ſtudiorum inſtituendâ, qui antequam
aliquod vitæ genus liberale amplectitur, animo
prius non conceperit, omnes ſcientias & artes, ac
proinde Medicinam ancillas eſſe Theologiæ, &
adejus ſtudium referendas. Aut quis neſcit ne-
minem

minem gratis gratiis esse natum, quem præter disciplinam aut artem in quâ aliquam tenet stationem in republica, non juvet aliquod studii ^{palæstræ}, ad quod relaxandi animi gratiâ uni rei nimis intenti non deflectat, & in quo cum voluptate non ambulet; Id viridarii mihi est studium Theologiæ, in quo expatiando, ad exemplum magnorum Medicorum, qui nostro ævo & superioribus clari vixerunt, in medio Medicarum curarum decido aliquot horas. Sed grande flagitium censes Gallum, curiosum esse in alienâ republicâ. Sanè nobis exteris, non debet licere ut in alienæ rei publicæ statum politicum curiositate temeraria inquiramus: at licet extero Christiano & Protestanti, bene precari Ecclesiæ illius regni in quo degit, & (si cuiquam datur) perinde operam in commune emolumentum Ecclesiæ conferre ac quisquam alius. Ubicunque regnat Christus, nemo est, utcunque advena, sub Christo militans, cui non sit æquale jus civitatis cum dominatis. Tū in advenis nascendi sortem punis, illiberalium animarum vitio, patriam, non animum æstimans, nec rem ipsam sine præiudicio pensitans, sed unde regionum prodierit rogans. Quisquis sim & ubicunque natus, nihil fecisse arbitror præter officium alieni, in foelici regno, & regnante maximo Rege, sub quo hætenus conquievisset ingenua libertas rectè sentiendi & loquendi, nisi nuperè obstitissent aliquot Episcopi. Nunc cum Dei beneficio tempora mutata sint, ausus sum uti foelicitate temporum, quibus
recta

recta sentias quæ velis, & quæ sentias fidenter
effari liceat. Sed rem ipsam aggrediamur.

Renatus Veridæus. Epistolæ meæ præfixerat
prædictionem Pauli Sarpii Venetorum Theologi
excerptam ex quâdam Epistola quam scripserat
Anno 1609. ad Ioh. Leschasserium jurisconsultum
Parisiensem, in quâ Sarpius dicit se timere
Anglis propter magnam illam quam obtinent
potestatem, præsertim ubi Archiepiscopum
magni Spiritus nacti fuerunt, & præsentit Epis-
copos ad absolutam dominationem aspiraturos,
divinatque antiquum equitem ascensurum e-
quum Ehippiatum. Hanc prædictionem eventu
fuisse comprobata, omnes horunt, viderunt
multi, senserunt plures suo damno. Quis nescit
Episcopos Angliæ obtinere majorem jurisdic-
tionem & locum augustiorem quàm alibi regno-
rum, qui Papæ legibus subsunt? Nunquid in An-
gliâ Episcopi soli judices sunt in suâ Diœcesi;
soli sacris arcent, soli pastores officio & benefi-
cio deturbant, nullis ad consilium adhibitis pa-
storibus, quibus jus sit dicendæ sententiæ: Nulli
Synodo obnoxii sunt extra coitionem comitio-
rum; quæ cum hactenus raro convocata fuerint,
quantam inde licentiam arripuerunt instar equi
excusso sessore, cuilibet facile est conjicere.
Quod prædicit Sarpius, Episcopos ad absolutam
dominationem aspiraturos, non eget probatio-
nibus, sed querimoniis; bene est quod aspirarunt
tantum, nec voti compotes fuerunt; Ejusmodi

autem dominationem intelligit Sarpinus, quæ sit
affinis ei quam usurpaverant olim sub densa
Papatus caligine. Subjicit. *Ego in Anglia equum
Ephippiatum videre videor, & ascensurum propediem
equitem antiquum divini* nempe præfagit fore ut
in Angliâ Episcoporum potentia assurgant, quæ sit
imitamentum authoritatis Episcopalis sub Re-
gibus Henrico II. Johanne & Henrico III. &
omnem moveant lapidem ut denuo Papismus
regnet in Angliâ. Sedulus frustra essem in re
comperta, si id probando laborarem. Huic tamen
prædictioni neque obscuræ neque intricatæ Is-
canus dicit eventum non respondisse. Primum
dicit Episcoporum potestatem tam angustis
finibus esse circumscriptam, ut plane desierit
in meram impotentiam, nec causam esse cur
suspecta esse debeat. Nempe, si fides Iscano,
parva eorum est potestas, quoniam eorum per-
sonæ, Synodi & canones subjiçuntur publicis
comitiis, ideoque eorum authoritas est exigua,
quia non est major quam Parlamenti. Addit
Ischanus Episcopos Synodorum coercioni ob-
noxios esse, uti in aliis reformatissimis Ecclesiis.
Hoc quàm absit a vero nôrunt gravissimi Sena-
tores, qui antiquam Synodorum faciem lugent
deturpari in Synodis Ecclesiæ Anglicanæ, in qui-
bus deputantes sunt deputati, & qui sedent in
clavo Ecclesiæ Episcopi Decani & Archidiaconi
quotquot sunt in Angliâ præcipuis partes occu-
pant. Forsan Ischanus nobis obtrudet loco Sy-
nodorum

modoru, quales inter reformatos Gallia & Belgii celebrantur, larvas Synodorum, ^{nup̄a capta} seu visitationes in quibus Vicarii Episcoporum iudices sedent, circumstantibus Presbyteris nudo capite & ne verbum quidem mustitantibus nisi interrogatis: nec quidquā in eis de fide agitur, sed mercatura exercetur licentiarum, procurationum, & ejusmodi, quæ numerata pecunia emuntur, insigni corruptione visitationum, quales olim cogeantur, in quibus Presbyteri habebant jus dicendæ sententiæ. Etenim juxta Canonem 40. Concilii Agathensis Anno 440. citantur in nomine Synodi comparere. De his visitationibus vide Duarenum de Ministris cap. 11. ubi dicit hos conventus olim indictos, ut Episcopi simul cum Presbyteris de disciplinâ, aliisque rebus deliberarent, & conqueritur honestissimi instituti vix umbram hodie superesse. Denique Iscanus conatur probare Episcopos ad absolutam dominationem nunquam potuisse pervenire: quod quidem concedimus libenter. In magnis voluisse sat est: Aspiraverunt, sed conatu depulsi sunt.

Nunquam facies finem, non dicam calumniandi, sed fingendi. Ais sect. 111. Epistolam meam a me ideo Scriptam non Anglicè, sed Latinè, ne plagium meum dispalesceret, & proderem confarcinatam fuisse ex nupere editis Anglicè famosis libellis. Sunt alii tibi dissimiles, qui dicunt hanc Epistolâ, Reverendi parentis mei esse partum, &

Sedano ad me missam : Qui quidem cavilli si credere fas est conciliabuntur, si quis dixerit me Parenti fecisse copiam illorum libellulorum antequam ad istius Epistolæ scriptiorem se accingeret. Sane edita erat regnantibus adhuc Episcopis, & missa Eleutheropolim, antequam comitia regni convocata essent; quo tempore nemutire quidem fas erat adversus Episcopos; nec dum prodierant Anglici illi quos mihi obtrudis libelli. Tum quid opus fuit aliunde sollicitè conquirere aut libros consulere, ut comperta haberes quæ ipsis oculis identidem fiunt obvia : sane vesana superstitionis in nudando capite ad nomen Jesus, at non ad nomen Salvatoris, aut procumbendo versus altare, ipsi oculati sumus testes. Ejusdem farinae est quod inibi oggeris de Guil. Laudo, cum ais, culicem, leonem obdormiscentem pungere; cum primum enim hæc Epistola prælo commissa est, iste Leo erat vigilans. Jam, si quidem dormit Leo, de quo speras fore, ut expergefiat, absit à me ut pungatur; esset enim planè illiberale, prostratum humi pedibus conculcare; præsertim cum nimium multi canes sint circa unum Actæonem. Leve est, quòd cum Epistolæ vix quadrans de Episcopatu ipso agat; unicuique tamen paginae præfixum fuerit, *De Episcopatu Anglicano*. Id factum est culpa Typographi Eleutheropolitani, non meâ; nec minùs continet in se Epistola, quàm fert primæ paginae titulus. Nec hanc fuisse mentem mihi, ut id tituli ad caput

caput cuiusque paginae apponeretur, fidem facit altera eius editio Geneva facta, in qua non potes reprehendere quod culpas in altera. Parum est quod carpas Iscane, si ejusmodi minutula vellicas.

Eodem Paragrapho dicit inique à me paucorum delicta imputari toti Ecclesiae Anglicanae. Erras, Iscane, non tam culpandam quam deplorandam dixi Ecclesiam Anglicanā, in qua tamen me scribente hanc Epistolam non potest negari Papismus obtinuissē regnum, utcunque maxima pars Ecclesiae adversa esset, ut qui maximè, omni Papali superstitioni. Sane quandiu Maria Angliae Regina regnavit, tandiu Anglia potest dici Papae nomen dedisse; quantumvis Regni major pars Papalia abhorreret. Ut ut sit, sic nupere virus Pontificium longe latèque serpsit ut frustra fuerit quod tentatum est, nec longè eruditissima dissertatio Reverendi Guilielmi de Mensa sacrae nomine & re, flagrantibus sacrificiis & altaribus edita, obstiterit quò minùs altaria ubique erecta fuerint, & ad ea προκυρήματα peracta fuerint; Torrens rapidus pravae doctrinae unumquemque seu nolentem seu volentem secundum se rapuit. Dixerit Rever. Parens loco quem citas, everSIONem Papismi post Deum & Regem deberi praecipuè Episcoporum doctrinae & industriae, non officit quin in prima illa reformatione in qua Rex & Episcopi primas partes habuerunt multa superflua non fuerint abolita, ut videre est in

Epistolâ Anonymi, puto fuisse Martyris ad Calvinum paulo ante Edwardi mortem scriptâ.

Paragrapho 4. ais me infamare primam illam reformationem sub Henrico VIII. quod dixerim alias causas impulisse Henricum VIII. ad manum admovendam reformationi, quàm veritatis amorem & studium : Sed pertinaciam Pontificum nolentium consentire in dissolutionem matrimonii ejus cum Catharinâ contracti, accedente Henrici animo pruriente ad novas nuptias subinde convolandi, dedisse occasionem isti non tam reformationi, quàm mutationi molindæ. Quid tu ad ea ? Testaris factam tibi copiam Epistolæ ad Regem Henricum scriptæ, in quâ à Papâ Henrico oblata erat gratia habendi duas simul uxores, modò in causa Catharinæ Papæ obtemperaret, Regem vero conditionem foedam respuisse indignabundum. At mirum quòd qui religionē detinebatur, non ducendi duas simul uxores, postmodum tantùm indulserit suis affectibus, ut nullo religionis vinculo ligatus, tot uxores vel securi percusserit, vel levi de causa repudiârit.

Quibusdam de Henrico VIII. præmissis, paucis ob oculos posueram & exposueram quibus modis & gradibus, cum in Angliâ, tum in Scotiâ reformatio instituta fuerit ; in Angliâ notabam reformationem cœpisse a Rege Edwardo, Episcopis & procerum non nullis ; nec tamen ita absolutam fuisse, quin superessent plurimæ facies

Papales

Papales; è quorum numero dixi esse illam ^{superior} Episcopalem tanto intervallo a Presbyterorum statione diffitam; Hoc tamen Episcopatu vestitos rexisse Ecclesiam viros sanctos, Cranmerum, Latimerum &c. qui in splendida dignitate Papalem pompam redolente respuerunt humiles spiritus & partes fidelis Dei Ministri obiverunt. Sub quibus & similibus qui rexerunt Ecclesiam Anglicanam; Deus jam seculum integrum sibi Ecclesiam servavit visibilem & Orthodoxam. Nec si ulli Episcopi præter Papaturientes præfuisent Ecclesiæ; non defuisse tamen non nulli fidos verbi Dei Ministros, qui extra eorum conspectum sedulo predicationi inemberent, & rite sacramenta administrarent. Hic excurre hanc in laudes Ecclesiæ Anglicanæ & pertendit quod ultro admitto; nempe Episcopos sedulo orationi vacantes fuisse membra Ecclesiæ visibilis. Hoc solum dubium movet solutione dignum. Rogat utrum munus Episcopale quale est in Angliâ, an verò ejus exercitium sit Papalis Hierarchia Propago? Item an Cranmerus, Latimerus, Hooperus, optimi viri exercuerunt id muneris ut in Angliâ stabilitum est? si idem munus fuit, Cranmero, Latimero, &c. quod est Laudo, Montacuto, Regulo, Manarino &c. ejusmodi; cur munus ipsum a me vapulat propter errorem eorum qui id malè exercent? Respondeo, non tantum muneris exercitium, sed & munus ipsum ut obtinet in Angliâ, Papalis Hierarchiæ

Hierarchiæ esse surculum: Sanctos viros, Cranmerum, Latimerum, &c. secundum leges latas id muneris non exercuisse, ut solenne fuit Montacuto, Regulo, & Manarino. Verum utcumque boni Episcopi Angliæ non exercuerint munus receptum per iniquas leges stabilitum: quatenus tamen sustinent titulo teaus provinciam, quam alii secundum leges positas administrant; non mirum si in turba lateant. Sic non obstat quod Apocal. 16. Imperatoribus nomen bestiarum indatur, utcumque inter eos aliquot fuerint boni & pii.

Consultò, omitto excutere quæ sect. 6. ventilas circa regimen Episcopale, ne hic reponam quæ posterius *qui dicitur* agitabuntur. Neque a me expectes ut novis elogiis prosequar quorum patrocinium suscepisti hacce sectione & sequenti, viros (si tibi fides) magnos, à me sic maledico ore laceffitatos ut triginta sex paginas puris putisque calumniis commaculare non erubuerim. At scias, Iscane, amorem quo prosequor & colo paucum numerum Episcoporum & aliorum Theologorum, virorum sanæ & defacatæ perinde vitæ ac doctrinæ, impedimento fuisse, quò minùs cornicum oculos configere ausus fuerim, & omnia iniquorum hominum mysteria velo laxato patefacere. Sed quoniam voluisses me perpercisse personis, & de vitiis potius dixisse, & non insectari personas, sed vitia, accipe tanquam in brevi tabellâ quibus artibus Cantuarienses hisce ultimis

ultimis annis pro virili moliti sunt promovere mysterium iniquitatis; quod quidem cum jam magnos progressus in Angliâ fecisset, Deus misertus Ecclesiæ Anglicanæ aperuit, & telam quam Satan orsus erat detexit, quanquam nondum plane conscidit, & etiamnum lolii reliquiæ per agrum Ecclesiæ sparsæ sint.

Primum & grande artificium fuit dogma quod ante decennium irrepsit; Romanam Ecclesiam esse veram Ecclesiam, qua quidem ambiguitate nutantibus in Religione facile persuaserunt tutius esse se aggregare ad eam religionem quæ ab utraque parte pro vera recipitur, quam additiorem esse ei Religioni quæ ab altera veram esse constanter pernegatur: Sed boni viri sciant hoc sensu Ecclesiam Romanam etiam dici bonâ, quatenus verû & bonû cum ente reciprocantur: Suntque hæreticæ Ecclesiæ, veræ Ecclesiæ, non secus ac respublica male constituta est vera respublica, & homo ulceribus oblitus & peste contactus est verus homo & verè homo: nempe cautè caverunt intelligi per veram Ecclesiam orthodoxam Ecclesiam in qua homines possunt salvari: Hoc sensu nemo est Protestantium parti addictus qui non inficiatur Ecclesiam Romanam esse veram Ecclesiam & moraliter veram.

Secundum artificium est dogma quò asseritur Ecclesiam Anglicanam à Romana communione non esse separatam, & in essentialibus & fundamentalibus fidei capitibus, sed cum Ecclesiâ

D

Romanâ

Romana conspirare, & ab ea se avellere perinde esse, ac se à corpore Christi abscindere; sic loquitur Guilielmus Laudus passim in relatione sua: estque hæc doctrina ejus sectariorum: quibus ideo solemne est asserere per *Ecclesiam Catholicam* de qua in Symbolo non intelligi cœtum fidelium seu Ecclesiam invisibilem, quam quidem solent naso suspendere, sed cœtum omnium qui, toto orbe, Christianos se indigitant, commodam rationem nacti qua ex Ecclesia Romana & aliis Ecclesiis quanquam reformatis confletur una sancta & Catholica Ecclesia: verba sunt Laudi, pag. 62. sect. 16. num. 5. *Credimus Catholicam Ecclesiam de qua in Symbolo esse societatem Christianorum.* Hancque vult suo modo dici errare non posse, pag. 140. sect. 19. num. 5. *Catholica Ecclesia non potest errare in dogmatibus absolute fundamentalibus, & necessariis ad omnium hominum salutem.* Idque vult niti Christi promissione Matth. 16. v. 28. pollicentis fore ut portæ inferni non prævaleant adversus eam, hoc est, inquit pag. eadem & 190. sect. 25. num. 16. ut *Ecclesia visibilis aut societas Christianorum, seu quod idem est, Ecclesia Catholica & militans non erret in fundamentalibus.* Et ubique inculcat Protestantes separatos quidem ab erroribus gravioribus Ecclesiæ Romanæ; minimè verò ab ejus cōmunionē, à quâ quisquis se retraheret dignus esset qui schismaticus pariter ac hæreticus audiret; cujus rei ratio redditur à Ri. Montacuto Appar. 7. num. 91. pag. 283.

pag. 183. *Sectam enim & haeresim non faciunt ti
qui constanter retinent doctrinam traditam: neque
enim illo Hereticus dicitur qui per omnia Romanam
fidem integerrimam profitetur. Quoniam autem
auribus erat incongruum, corpus Christi seu
Ecclesiam Romanam esse bestiam Apocalyp-
ticam & foeminam amictam purpurâ & sedentem
in ^{in triduo vira}, cujus caput sit Antichristus, &
filius perditionis: prae dictus a Paulo; caverunt
Laudus, Montacutus, Heilynus, Selfordus &
ejusmodi Papalis aedificii tibicines in vulgus
emitti, Papam nihil horum esse, sed hæc elogia
quadrare vel in Turcam, vel in venturum Anti-
christum: nempe per hæc commodum putant,
animos Romanensium cicurari posse, & adduci
ut ultro venientibus ad se Cantuariensibus oc-
currant. Sed quàm difficile sit, ut qui ^{de quacunque}
venditant, à viâ suâ deflectant: imò expectan-
dum sit potius ut totâ viâ alii errent, si Roma-
nensibus adjungi volunt, quàm quicquam Ro-
manenses dogmatum suorum deponant, docuit
gravissimus senator *Franciscus Rons*, apta & acuta
similitudine lintris protenso fune alligati ad
rupem, quam dum ad se trahere tentat naute, ipse
ad rupem impellitur.*

Tertium artificium fuit introductio placito-
rum Arminianorum quæ hæcenus placuerunt
solis Cantuariensibus: commodum enim existi-
mârunt eam sententiam mordicûs arripere quæ
non ita pridem in Belgio Protestantes inter se

collisit, quæque cum Calvinistarum (ut loquuntur) doctrina ex adverso pugnat, ut haberent quod purioris Religionis cultoribus, quos Puritanos vocant opponerent, eorumque nonnullos permoverent obtruso dogmate quod solet in vulgus sparsum, esse acceptissimum, quia Divina consilia ex humanis metitur, Deumque humanis affectibus induit; quodque, dum hæc dogmata à plerisque Pontificiorum recipiuntur, viam sternit ad reliqua pariter Papalia amplectenda.

Quartum artificium est detractio de Scripturæ autoritate, ut per id Patrum Scripta, Traditiones & Ecclesiæ Catholicæ interpretationes mirè prædicent, in quæ dumeta se proripiunt Cantuarienses, veriti ne si excurrerent in aperto sacrarum literarum campo, faciliùs comprehenderentur à Protestantibus, quorum pro virili effugiunt manus.

Quintum artificium fuit, Episcoporum potestas & jurisdictio ad cælum usque elata, usque adeo ut velint Regum coronam tandiu stare sartam & tectam, quandiu incolumis est Episcopatus, & quoniam adhuc sub iudice lis est, an Episcopatus seu *apostasia* Episcoporum in Presbyteros, sit Divinæ institutionis, & à gravibus & de Ecclesia bene meritis pro affirmativâ pugnatum; protinus Cantuarienses avidè pro se id arripuerunt nacti ansam tuendi Episcopatum, ut in Angliâ hætenus fuit lege stabilitum, esse Divinæ & Apostolicæ institutionis, qui alteratio-

nem

nem, nedum abrogationem non patitur, utcunq;
reverâ tantum distet ab Episcopatu veteris Ec-
clesiæ, quantum distant æra lupinis.

Sextum artificium est recitatio Liturgiæ,
habita colophon & præcipua τῆς διακονίας functio
& prælata concionibus; sperantibus Cantua-
riensibus hâc arte fore ut populus assuefiat
non plus in fidei doctrina compertum habere
quàm Liturgiâ continetur, & maxima pars Pasto-
rum supinâ vecordiâ sibi inde licentiam sumat
feriandi, & onus pastorale transferendi in hu-
meros τῷ τυρόντι, qui vili pretio conductus litur-
giam recitet: nec minùs id artificium alit igno-
rantiam & superstitionem fovet in Cathedrali-
bus Ecclesiis, ubi liturgia celebratur linguâ non
quidem ignotâ, sed non intelligibili, & presso
murmure pronunciata, aut voce in canticum
flexa, per quam dum destituitur animus solido
nutrimento, aures distinentur dulcedine soni.

Septimum artificium est mutatio loci & no-
minis mensæ communioni dicatæ, ut deinceps
altare appellaretur, & eo loci collocaretur in
quo Altaria Papistica posita erant. Hoc Idolo
erecto, proximè secuta προσκυνηματι· rati Cantua-
rienses his semel admissis prope affuturum sa-
crificium reale, idque Missaticum: in eundem
finem Laudus oratione habita in camerâ stellatâ
conatur probare plus honori deberi mensæ, quàm
pulpito, usus probatione quæ sanè risû moveret
ni Deo illuderet, & in qua refellenda poenitet

operam perdidisse, siquidem talia indicasse refutare est, nam quid ageres? senem annis gravem fugit ratio, quanquam Relatione, sect. 3. num. 13. pag. 18. de se sponderit fore ut priusquam moriatur non deliret. Huc pertinet quod sedulo caverit ne alia scripta quæ de altaribus agunt, lucem aspicerent, quàm quæ altaribus patrocinerentur.

Octavum artificium fuit uniformitatis observandæ in ritibus & ceremoniis Anglicanis mandatisque Ecclesiæ rigida injunctio; officio & beneficio pulsus qui vel latum unguem ab eâ discesserant, & nulli gratiâ factâ beneficiorum collationis, nisi illis qui facti erant ad nutum Cantuariensium: Horrendum dictu est, quot abhinc aliquot annis à Guilielmo Laudo, Matthæo Regulo, & ejusmodi farina Episcopis, fidi Dei verbi Ministri ad insitas redacti fuerunt, quot expulsi eo nomine & coacti gregem & lares deferere, quod salvâ conscientiâ sibi imperare non possent ut decretis eorum parerent.

Toto paragrapho qui est octavus, neque me, neque rem tangis, & magno conatu magnas nugas agis, eademque fere reponens quæ canones, ut patrocineris genuflexionibus versus altare: Dicis canonem interpretatum fuisse, exhiberi nec altari nec mensæ, nec elementis ipsis, nec Orienti, sed tantum uni veróque Deo, tantumque canones voluisse instillare animis subeuntium testâ sacra reverentiam, ne homines sese

sefe ingererent in templum, tanquam ad popi-
nam euntes, sine debitâ reverentiâ : Sed non
reprehendi in canone, quòd velint reverentiam
deberi ab ingredientibus templum, sed quod in-
super postulent, ut ingressi templum genu-
flexiones faciant versus eam partem Templi in
qua est altare, seu mensa Communioni dicata.
Atque potissimum perstrinxi vesanam supersti-
tionem eorum qui volunt quicquid cultus Deo
impenditur ab ingredientibus templum peragi
potius versus altare quàm vel pulpitum vel fon-
tem : Maluisses, inquis, ut hominum lapsus
gentisque delicta hæcenus inclusa Angliæ fini-
bus non patefecissem toti mundo. At absit Bo-
molatriam quæ uniùs Archiepiscopi, ejusque
sectatorum, qui hunc canonem conflaverunt vi-
tium fuit, imputarim toti genti. Cæterùm quis
non puduit malè sentire & asserere Papalia dog-
mata etiam aliâ linguâ quam maternâ, quod
fecit Montacutus, Chouæus, &c. voluitque facta
respondere scriptis, non erubescet Papæ addi-
ctum audiri extra Angliæ pomeria. Nec est
quod pertimescam offensam cujusquam probi
quasi invidiosa proditione detexerim quadam
arcana digna sacro silentio : Quin hæc dete-
ctione est quod boni mihi gratulentur, videntes
se jam eximi à choro hominum qui sua dog-
mata circumferebant pro placitis Ecclesiæ An-
glicanæ, & præcisam ansam sperandi Romanen-
sibus, qui ceperant occultè latari in signu, &
sibi

sibi spondere, Angliam Ecclesiæ Romanæ mancipatam?

Sed his omissis, ne forte dixeris vestibulum domo majus esse, id cujus maximè defensionem suscepisti attingam; & primum quod attinet ad renuntiationem Episcopatus factam a Grahamo R. Hallus instar sacrilegii exaggeraverat; ut Episcopus abrenuntiet muneri sancto & Apostolico: Dixeram ego constitutionem humanam, qualis est Episcoporum *ἡ ἐκκλησία*, tandiu retinendam esse, quandiu stare potest cum Ecclesiæ ædificatione, pace & concordia, & in generali deturbatione Episcoporum, cum unus torrenti non posset se opponere, prudenter abiectis titulum Episcopi, quem salva pace Ecclesiæ retinere non poterat, idque potius facere debuisse, quàm Pastorem esse sine grege. Quid tu ad ea Iscane? Dicis sect. 9. in Ecclesiâ bene constitutâ non licere quacunque de causa Episcopatum abjicere, veluti illicitum & Antichristianum, quod fecit Grahamus, retentique hætenus velut sceleris cuiusdam veniam suppliciter precari. Contra hæc non habeo quod regeram, ut qui in ea sententia sum, nefas esse in Ecclesiâ bene constitutâ, qualis fuit Ecclesia statim post Apostolos, admissam *ἡ ἐκκλησία* à quoquam repudiari nedum damnari tanquam rem nefandam, & rectè pronuntiassent centum & quinquaginta Patres Concilii Chalcedonenfis *ἐπισκοποι εἰς ἀρεσκυτίαν βαλῶμεν φέρειν ἱεροσύνην*, ut qui occasionem præbet schismatis, & fratribus

fratribus est offendiculo, dum repudiat rem bonam, quanquam non necessariam: ejusmodi Episcopatum si Grahamus renuntiaverit, non me habebit laudum suarum præconem; sed ausim asserere Grahamum non alium Episcopatum ejurasse quàm qui in Scotia constitutus erat, qui cum non esset absimilis Anglicano, & dissimillimus esset Episcopatui veteris Ecclesiæ, fecit ut virum cordatum decet, dum satius ducit stabilitum Episcopatum apud suos ad ruinam suam quàm meruerat festinantem repudiare, siquidem melioris spes non affulgebat, quam regno exulare cum aliis Episcopis, & ridendum se exponere tam Pontificiis quàm Protestantibus. Tum quidni, imo æquiori jure licuit Grahamo corruptum Episcopatum deserenti & degenti, ubi nullus amplius Episcopatus usus, Presbyter esse, ac integrum fuit Episcopis Novatianis ad Catholicos redeuntibus Presbyteratu defungi; utcunque nemini ex Episcopis Novatianis diu expectandum fuisset in tanta Episcoporum copia, antequam in demortui locum succederet; etenim canone viii. Concilii. Niceni, l. decernitur, ut si locus quo Episcopi honorem retineat non offertur, saltem dignitatem sacerdotii servet, ut vel Choriepiscopi locum teneat in Parochia, vel Presbyteri in clero: unde duo colligi datur, l. Episcopum adeo levi differentia à Presbytero distingui, ut non Sacerdotum munere & dignitate, sed solo Episcopalis nominis honore diver-

E

sus

sus sit. II. Presbyteratum non potuisse nisi gravissima de causa exui; ob leviozem verò Episcopatum deponi potuisse sine sacrilegii crimine, adeoque non abnorme fuisse Episcopum detrudi ad gradum Presbyteris : ut & patet ex Canone 20. Concilii Constantinopolitani IIII. *Non licet Episcopo in aliena civitate publicè docere : si hæc facere deprehensus fuerit, cesset ab Episcopatu : Presbyteri autem munere fungatur.* Sanè Grahamus ob minus crimen cessit Episcopatu.

Eodem paragrapho pag. 14. dicis me quindecim postulata R. Halli sicco pede præterire, quæ tanquam fundamenta, quindecim capitibus, iisque prolixis, substraverat tractationi quam deinceps instituit, quæque thesim ipsam attinet : Ad ea in genere responderam, illis præsupponi id ipsum quod controvertitur, nempe Episcoporum ~~apostolorum~~ in Presbyteros, & discrepantiam à se invicem functionibus esse Divinæ & Apostolicæ institutionis : Quod si hoc antecedens semel dilucidè probetur, non pugnabo adversus consequens, quod est ; Isti institutioni Divinæ potius inhærendum esse quàm ulli disciplinæ quæ huic adversetur : veluti si quis probaturus est diem esse, quia sol lucet, non opus habet diu sudare in probanda majoris connexionem, cui ex suppositione solem lucere, nemo est quod sciam nisi hebes qui non consentiat, ergo affirmanti diem non esse, satis est si probet solem non lucere. Hic mea res agitur. Major R. Halli, eaque Hypothetica,

Hypothetica, in cuius connexione probanda diu
ab eo infummi quindecim capita, hæc fuit

*Si ejusmodi Episcoporum præstia cum adjuncta po-
testate jurisdictionis & ordinationis, institutionis est
Divinæ & Apostolicæ, ei omnino potius inherendum
est.*

Atqui verum prius,

Ergo & posterius.

Majoris connexionem cum concederem, pu-
tavi præter rem & rationem esse diutius ei inhæ-
rere; Potius operæ pretium esse ducens majoris
antecedens ventilare, & nunquid verò consen-
tanea esset? conquirere. Hic Iscanus commo-
tior voluisset me sigillatim ad ea quindecim
capita respondere. Age, fiat (Is cane) siquidem vis
me operam perdere; percurramus ea tecum.
Habebis me in plerisque consentientem.

I. Fateor illam regiminis formam à Christo
& Apostolis fundatam esse, Divinæ & Apostolicæ
institutionis.

II. Fateor praxim & præceptum Apostolo-
rum abunde sufficere stabiliendæ Apostolicæ in-
stitutioni.

III. Fateor disciplinam Ecclesiasticam præ-
scriptam ab Apostolis, exemplar perpetuū fuisse
Ecclesiis succedentiū seculorū, quod sequerentur

IV. Fateor, Quicquid contra Parkerus sta-
tuat, universam praxim Ecclesiæ proxime ab
Apostolis, optimum esse idem, & indicare viam
quæ nobis insistenda ad constituendam discipli-
nam: Sed addendum erat in Historia seculi,

quod proximè Apostolos excepit, tot esse hiatus & lacunas, tot inveniri scripta supposititia, tot denique quæ genuina habemus Pontificiorum fraude adulterata Patrum scripta, ut via ante sit prætentanda quàm quicquam de statu Ecclesiæ illius temporis sese offerat.

V. Fateor patres primitivæ Ecclesiæ nec ausos nec voluisse aliam constituere disciplinam ab ea quàm acceperant ab Apostolis. Addendum tamen, per Patres primitivæ Ecclesiæ intelligendos Apostolorum discipulos. Quis enim nescit Patres qui postliminio vixerunt plus ausos fuisse quàm rectum & orthodoxum fuit, tam in doctrina fidei tradenda, quàm in regimine Ecclesiæ à Christi præscripto innovando.

VI. Fateor etiam eorum successores quamquam in animum induxissent formam traditam ab Apostolis immutare, id tamen non potuisse parvo temporis spatio efficere; nec spargere aliam per totum Christianum orbem religionis formam, nisi intra longum temporis intervallum.

VII. Fateor antiquissima Ecclesiæ monumenta & primorum Patrum scripta plus fidei habere in descriptione primævæ Ecclesiæ quàm valent conjecturæ recentiorum authorum. Addi tamen debuit, nisi quando recentiores conjecturæ digito monstrant Patrum scripta injuria temporis vel corrupta aut interpolata fuisse:

VIII. Fateor quos vetus Ecclesia hæreticis accenset,

accenſet, non idoneos eſſe iudices in hac mate-
ria: Hic procul dubio R. Hallus Aerium intel-
ligit, qui cenſuit Episcopatum à Presbyteratu
nulla differentia diſcerni, ſed an propterea inter
hæreticos ponitur ab Auguſtino de hæreſibus
cap. 53. & Epiphanio. hæreſi 75. meritò dubitari
poſteſt; quia ſententia ejus non fuit damnata à
quaquam Synodo, nec Theodoretus, nec Socra-
tes, nec Sozomenus, iſtius hæreſeos meminerunt.
Sed non capitalia ſunt alia dogmata, ob quæ
Hæreticus audit; qualia ſunt 1. non orandum
eſſe pro mortuis 2. certos dies jejuniorum non
eſſe conſtituendos. 3. Sanctos vita functos non
eſſe invocandos. 4. Judæorum Paſcha non eſſe
obſervandum. Tantum abeſt ut propterea Aeri-
us damnandus fuerit tanquam hæreticus, ut po-
tiùs credendum, hæreſeos debuiſſe arceſſi, qui eo
nomine Aerium Hæreticis accēſuerunt, niſi planè
æſtimandum eſſet, ideo hæreticum vocatum à
Sanctis Patribus, quod homo cerebroſus &
contumax Eccleſiæ unionem abrumperet, dum
conſuetudinibus minimè malis & ubique recep-
tis reſiſtebat; qualis erat mos jejunandi ante
Paſcha, & receptus in Eccleſia Episcopatus, ob
quem quia à communionem Eccleſiæ ſe ſeparabat,
potuit poni inter Hæreticos de quibus Canone
6. Concilii primi Conſtantinopolitani agitur,
qui retinentes fidei fundamentum, *ὅτι οὐκ ἔστιν
ἡμεῖς ἀποκόμειν τὸν ἐκκλησιαστικὸν οὐρανόν.* *Qui ſe abſcindunt &
avellunt à Canonicis Episcopis.* Quid quod ſi ob
ſententiam

sententiam super Episcopi & Presbyteri ^{inter} Acrius traducendus fuit pro Hæretico & mirum ni Hieronymus in crimen ejusdem hæreseos incurrere debeat, ut qui in eadem sententiâ fuit circa Episcopatum qua Acrius, planè eadem Scripturæ præsidia & argumenta adhibens; non dubium etiam quin eadem hæresi involvi debeant Theodoretus, Ambrosius, Augustinus, Chrysostomus, Oecumenius & Theophylactus, qui unanimi consensu senserunt ordinem Episcoporum & Presbyterorum eundem esse jure divino, quemadmodum testatur ex Medina Rever. Mortonus, Apolog. part. 2. cap. 8 pag. 297. & paulo post cap. 12.

IX. Nonum fundamentum omnino patitur exceptiones & falsitate laborat, si ad Episcopatum Anglicanum referatur. viz. Honoris additamenta Regum liberalitate concessa Episcopis nihil de essentia Episcopatus detrudere. Sane nihil detrahunt de essentia Episcopatus; sed ut plurimum faciunt Episcopum nomine tantum tenus Episcopum, Primo quia his additamentis vestitus Episcopus hoc ipso Episcopatu suo excidit, secundum Canonem VI. Concilii Nicæni *Ἡ ἐπίσκοπος, ὁ πρεσβύτερος, ὁ διάκονος καὶ ὁ ποιμένας ὁποῖός τις πᾶσι ἀναγκασθέντος οὐδὲ πῶς καὶ παλαιῶν.* *Episcopus, Presbyter, & Diaconus non suscipiat negotia civilia, alioquin deponatur.* Et Canonem ultimum Synodi Antiochenæ habitæ Anno 341. ubi sancitur Episcoporum munus proprium esse docere, ac populum

lum prædicatione erudire, orationique tantum
vacare, ac nullis se aliis ecclesiasticis nedum
civilibus immiscere. Hic disertus est Cyprianus.
Cum quidam Geminius Victor moriens tutorem
testamento nominasset Faustinum Presbyterum,
commotus eo nomine Cyprianus & scribens ad
clerum & plebem Furnitanorum, epist. 66. pro-
nuntiat *constitutos in Clerico ministerio non nisi
Altari & sacrificiis deservire & precibus atque
orationibus vacare debere, nec molestiis ac laqueis
secularibus obligari; & ad terrenos ac seculares
actus vocari non posse qui Divinis rebus & spiritu-
alibus sunt occupati.* Paulo post exemplo tribus
Lexicæ dicit, qui operationibus Divinis insistant;
in nulla re avocandas; nec cogitare nec agere secu-
laria cogendos. Insuper per hæc honoris auctaria
abrumpitur sancta harmonia quæ est inter col-
legas Presbyteros & Episcopos. Et cum Canone
34. Concil. Carthagin. IV. decernatur ut Epis-
copus non patiat Presbyterum coram se stare,
& Hieronymus dicat epist. 2. ad Nepotian.
*peffimæ consuetudinis esse in quibusdam Ecclesiis ta-
cere Presbyteros, & Præsentibus Episcopis non loqui.*
Hodie vix licet Presbyteris coram Episcopi of-
ficiali vel vicario sedere & hîscere. Quid quod,
& quod gravius est, per ea honorum corollaria
divelluntur officia & munia Episcopi cum Pres-
byteris communia? Etenim Episcopus auctus
pariter autoritate ac titulis trahit ad se cogni-
tionem omnium civilium; presbyteris procul
abesse

abesse iussis. Nam qui Presbyter homuncio & de face plebis auderet sociare operas cum Domino Episcopo, tanto & tam longo dignitatis intervallo à se posito; Tum mira metamorphosi, Episcopi præcipuas partes, quæ olim erat corona & gloria Ministerii; nimirum populum prædicatione erudire, in Presbyterum rejicit, & vicissim Presbyterorum officium quod antiquitus, quando Episcopi ac Presbyteri cœperunt muneribus distingui, versabatur potissimum circa regimen Ecclesiæ & reliquos actus Ecclesiasticos, in se assumit; Sed quid opus est dignitatum auctariis, siquidem qualiacunque sint, longe infra dignitatem episcopalem subsident; quæ sane, si æqua lance dignitates æstimarentur, & viveretur hodie inter æquos hominum æstimatores, proxime meritis excipit ipsam Regiam dignitatem. Gregorius Papa epist. lib. 8. Indict. III. cap. xi. dicit Episcopum circa causas sæculares occupari, infra esse dignitatem sacerdotalem; Porro absit invidiam redditibus & honori qui exhibetur defungentibus, sacro-sancto munere, quod ipse Dei filius sustinuit, in suâ personâ cohonestavit, & suo exemplo consecravit. Non tam limis oculis observo cultum quo coluntur Episcopi, quàm misereor sortis Presbyterorum, qui, cum R. Hallo teste, statim post Apostolos rebus humanis exemptos, propinquitate & honoris gradu tangerent functionem Episcopi, sint tanto intervallo hodie diffusi ab Episcopo, ut cœlum

coelum à terra non sibi remotius, aut Princeps à satellite : Episcoporum opes velim centuplum auctas, dummodo Presbyteros consortes divitiarum & consilii haberent, nec divitiis abuterentur ad defidiam, Gallinis non absimiles, quæ præ pinguedine ponere ova desierunt. Exemplum comitis Cantiani, qui verbi Divini est Minister, quod mihi opponit Iscanus, ut probet illibatum munus bene morari cum honoris & dignitatis civilis additamentis, parum ad rem facit; nam primo *ἀπορρ* est quod dicit *cum fideliter exercere sanctum Ministerii munus, neque necesse esse ut alterum abdicet vel negligat.* Neque enim titulus & dignitas Comitis potest poni inter ea additamenta quæ Episcopis præter consuetum munus accedunt, neque postulant ut ullo munere defungatur civili, nisi quando sedet inter iudices in amplissimo confessu Parlamenti; quas tamen partes audio comitem Cantianum obire per sequestrem, veritus (quæ pia est ejus sollicitudo) ne per eas avocetur à sancto muneris exercitiò cui sedulò invigilat. Quid quod hæc honoris insignia ut non mutarunt animum viri illustrissimi : sic nec ex quo hæreditario jure Comitis titulus illi obtigit, labefactarunt sanctum Ministerium, quod idem numero & qualitatibus quod antea exercet, nec per id tituli factus est segnior ad laborem, nec propterea sibi dispicit qui vicariam pro se sibi accommodet operam; Sed nec minùs obnoxius est jurisdictioni Episcoporum:

eorum: quod sanè de Episcopis Angliæ non dixeris, quorum quantum adventitia munera essentiam ipsius muneris quod præcipuum habent, corrumpunt, modò dixi, & deinceps dicturus sum.

X. Fateor ad constituendam novam disciplinam quæ jam stabilitæ repugnet, requiri evidētiore probaciones ex Scriptura, quàm quæ afferri solent pro stabilito regimine.

XI. Fateor, si Christus alium ordinem ab eo qui est stabilitus Ecclesiæ suæ reliquisset jampridem de eo quid compertum fuisse.

XII. Fateor, siue stabilitum regimen, siue aliud conforme sit Christi & Apostolorum institutioni, nullam dari in toto orbe disciplinam ecclesiasticam ita numeris suis absolutam, ut in eâ non sit aliquid quod desideres.

XIII. Fateor Christianam politiam nihil requirere quod sit absurdum dictu, & impossibile factu.

XIV. Fateor quæ nova & inaudita obtruduntur in re præsertim magni momenti, meritò suspecta esse.

XV. Fateor periculo & scandalo non vacare posthabitis institutione Christi & praxi veteris Ecclesiæ, novam disciplinam amplecti.

En tibi Iscane recitata quindecim firmamenta quæ ideo intacta reliqueram, ratus abunde esse si excuterem præsuppositionem quâ nituntur nempe Episcoporum in collegas esse Divine

& Apostolicæ institutionis, in eaque sententia fuisse veterem Ecclesiam quæ proximè excepit Apostolorum tempora; Insuper addidi quamquam ista præsuppositio tam vera esset, quam est veritatis dubiæ, niti tamen alia præsuppositione instabiliore; videlicet, Episcopos Angliæ esse Divinæ & Apostolicæ institutionis, & corruiere quicquid primo ~~divinæ~~ superstruitur, nisi quæ Episcopis indefinitè ascribuntur, utique probentur quadrare in Episcopos Angliæ. Ad ea Hiccanus dicit me invertere quæstionis schema, quod erat de Episcopis in genere, nulla mentione factâ à Rev. Hallo Episcopatus Anglicani. Sanè non video quorsum R. Hallus suscepisset Apologiam pro Episcopis, nisi acturus causam Angliæ Episcoporum? Aut quid prodesset astruxisse Episcopos in genere esse juris Divini, si Anglicanæ Ecclesiæ regimen per Episcopos abhorreret ab Episcopatu Apostolorum & veteris Ecclesiæ? Nempe me revocas ad Idæam Platoniam & Episcopatum qui nulli adhæret subjecto; sed hæc non fuit mens R. Hallo apud quem parte 1. sect. 16. hæc lego. *Planum factum Episcopatum istius insule substantia eundem esse cum Episcopatu ab Apostolis instituto, utcumque externa dignitate & Principum liberalitate locupletatus sit.* Addit Hiccanus, vitium non esse in Episcopatu Anglicano, sed in personis aliquot Episcoporum qui id vitiosè exercent & fines præscriptos excedunt. Ego contra, non tam Episcopos in culpa esse censeo quam ipsum

ipsum Episcopatum; quem stabilitum esse legibus abhorrentibus à Christi & Apostolorum institutione necnon consuetudinibus & praxi veteris Ecclesiae, aliquot conclusionibus palam faciam.

Ante omnia est quod dubitetur de legitima Anglorum Episcoporum vocatione, quandoquidem nulla ratio finit ut inter Episcopos habeantur qui non à clero sunt electi, nec à plebibus expetiti. Gratian. distinct. 62. can. nulla. Insignis locus est, 1. Corinth. 16. 3. *Cum praesens fuero, quoscunque probaveritis per Epistolas, hos mittam.* Sanè, si in eligendis illis qui mandata extraordinaria ad ecclesias perferrent, suffragium ecclesiae accessit, quantò magis in eligendis illis qui ordinario munere quales sunt episcopi, fungi debent? Tum si in re levioris momenti qualis fuit mandatum adjungendi Lucam comitem Paulo, 2. Corinth. 8. 19. non tantum consensus, sed & mandatum plebis Corinthiacae adhibiti fuerunt; quantò magis plebis Christianae calculus requiritur in Episcoporum electione? Porro quando Paulus, 1. Corinth. 3. 21. dicit, *Omnia vestra sunt, sive Paulus, sive Cephas, omnia vestra sunt;* innuit cujuscunque Ecclesiae Pastores sunt ministri, illi quoque jus competere vocandi hos Pastores. Inter alias è Scriptura petitas probationes, cooptatio Matthiae, Act. 2. in numerum Apostolorum facta ab undecim Apostolis, necnon discipulis & plebe quae tum aderat Christiana, vim habet regulam quam

quam succedentia sæcula imitarentur; quorum praxis omnem dubitandi ansam adimit. Nemo nisi planè hospes in Historia Ecclesiastica nescit per multa sæcula post Apostolos fato functos Romanum Episcopum electum suffragiis plebis Christianæ urbis Romæ: Exemplum habemus in Fabiano de quo Eusebius lib. 6. Histor. cap. 28. De Cornelio Episcopo Romano Cyprianus epist. 52. *Factus est Cornelius Episcopus de Dei & Christi ejus judicio, & Clericorum pene omnium testimonio, de plebis qua tunc affuit suffragio.* In nostra Gallia Anno 552. congregata est Synodus Aureliis, in qua decretum est ut electio Episcoporum fieret consensu Regis, & Cleri, atque suffragio populi, necnon aliorum Provinciæ Episcoporum. Et Anno 855. convocata est Synodus Valentiniana in Delphinatu, auctoritate Imperatoris Lotharii, in qua Episcopi conquesti apud Imperatorem, quòd ecclesiis præficerentur Episcopi & Pastores ignari; rogavere ideo supplices, ut juxta antiquum morem Pastorum electio esset penes clerum & populum. Paulo post Anno 880. cum pravi consiliarii conarentur juniores Reges dimovere à laudabili instituto Caroli Magni, Hincmarus Archiepiscopus Rhemensis gravi & commonefactoria Epistola ad Reges, vel potius Regentes Ludovicum & Carolomannum utitur; inter alia hæc habet, referente Flodoardo. *Quòd de ordinando Episcopo, non Regis vel Palatinorum debet esse commendatio, sed cleri & plebis electio, &*

Metropolitani in electione disjudicatio. Deinde terreni Principis consensio, Quid ultra memorem? Ambrosius electus fuit à civibus Mediolanensibus. Flavianus ab Antiochenis. Chrysostomus à Constantinopolitanis : & conciliorum decreta & sancti Patres id ad ravim occinunt. Auctoritati ratio astipulatur, nam quod omnes tangit omnium consensu & suffragiis peragi debet. Quodd si Episcopus antequam ad curam Pastoralem admittitur, necesse habet testimonium ab extraneis, idque bonum obtineat, quanto magis requiritur ut Ecclesie cui præficiendus est approbetur.

Abelectione episcoporum pergo ad jurisdictionem quam episcopi non tantum soli, sed & per deputatos, eosque laicos exercent : Quicquid nonnulli eorum scribant quo suum faciant ; praxis quotidiana docet, optimos quosque eorum sic uti Presbyterorum consilio, ut Rex consulit fidos & prudentes consiliarios, non qui instar assessorum, jus habeant suffragii, & sententiam ut vocant decisivam, sed merè *consulendū* & deliberativam ferant. Hoc quàm repugnet Scripturæ, consuetudinibus veteris Ecclesie & Patrum Scriptis, notius est quàm ut egeat longa probatione. Ignatius Patrum antiquissimus epist. ad Trallianos, cujus loci Iscanus alicubi meminit, *ἐπισκοπὸν* vocat *σύστημα* ἑρπὲς *σύμβουλος* καὶ *συνάδικτος* τῷ *ἐκκλῆσιᾳ*. Cyprianus subinde inculcat se nihil absque consensu Presbyterorum egisse ; & epist. 14:

31. 52. & passim alibi, dicit lapsum causam consuevisse tractari collatione facta cum Episcopis & Presbyteris: Sanè ut in conciliis antiquitus perinde jus erat suffragii Presbyteris ac Episcopis, sic extra concilia eodem jure utebantur Presbyteri in privatis coitionibus. Concil. Carthaginensi. IV. Can. 23. *Episcopus nullius causam audiat absque presentia clericorum suorum, alioquin erit irrita sententia Episcopi, nisi presentia clericorum confirmetur.* Interfuisse olim Conciliis Presbyteros constat ex Eusebio lib. 6. cap. 35. ubi dicit Synodo Romanæ adversus Novatum affuisse 60. Episcopos, totidemque Presbyteros, unà cum Diaconis, & Cypriano, epist. 66. *Graviter commoti sumus, ego & collega mei, qui presentes aderant, & compresbyteri nostri qui nobis assidebant.* Ad quem locum Pamelius annotat, colligitur ex hoc loco Presbyteros olim assidere solitos in Synodis. In Synodo Antiochena tempore Aureliani Cæsaris ad judicandum Pauli Samosatani causam non Episcopi tantum, sed & quàm plurimi Presbyteri convenerunt Antiochiam, nec quisquam hic profligando hæretico nobiliorem operam navavit quàm Melchio. *Euseb. lib. 7. cap. 29.* consulantur varia Concilia, qualia Romanum sub Sylvestro, Arelatense, Chalcedonense sub Hilario, Constantinopolitanum quintum generale, Aurelianense. II. & III. Aquisgranense sub Imperatore Ludovico, & alia, ex quorum actis & subscriptionibus planum est Presbyteros cum

om Episcopis jus habuisse judicandi & definiendi. Fateor crescente Episcoporum dignitate, suffragia tandem ad Episcopos redacta, & solos conciliis subscripsisse, qua in re neglectum est exemplum Apostolici Concilii, Act. 15. Commate 4. ubi Lucas ait Apostolos & Presbyteros convenisse, ut super quaestione proposita viderent quid facto esset opus : Quos Presbyteros adfuisse non tantum ad consultandum, sed etiam ad judicandum & definiendum, docet idem Lucas capite seq. vers. 4. dicens Paulum ex concilio redeuntem civitatibus per quas transibat tradidisse dogmata *κατακρίνα* judicata & definita ab Apostolis & Presbyteris. Rever. Mortonus Apolog. part. 2. lib. 2. cap. 8. vult verba *visum est nobis* &c. referri ad illud quod praecessit, & significare non consultationem, sed decisionem perinde à Presbyteris ac ab Apostolis profectam.

At, dicunt, Episcopi utuntur subinde opera Presbyterorum : credo. Sed rariùs consilio : Nempe eos adhibent, non ut Collegas & cooperarios, veluti Timotheus & Titus Paulo navabant operam, sed tanquam mere vicarios & delegatos. Quid quòd non tantum ut modo dixi, contra praeceptum Pauli, qui vetat Episcopum se implicare negotiis hujus saeculi, nec quicquam aliud mandat Timotheo & Tito, quam quod attinet Ministerium Evangelii, civilia tractant, sed & in se assumunt peculiarem provinciam, quae totum hominē requirit, & ad quam plerique
non

non magis idonei sunt quàm afini ad lyram, & ideo coguntur id muneris obire per Cancellarios homines laicos, qui pro se in tribunali sedeant, & de causis testamentariis & matrimonialibus, ac de iis quæ ad jus Canonicum seu Pontificium pertinent, judicent.

Longum esset ad examen revocare consuetudines, ceremonias & ritus Ecclesiæ Anglicanæ, qui sunt appendices regiminis quod sub umbra Episcoporum potius vitam trahit quàm ducit. Quos quidem ritus eo graviore censuerim, quod tanto rigore singulis pastoribus imponantur, ut qui minimo conscientie dictamine retentus fuerit quemquam eorum non admittendi, illico pro religione gravissimas poenas luat, beneficio exuatur, & ad infitas (neque enim cuiquam parcitur) redigatur. Sæpe mihi perlustranti faciem Ecclesiarum tam quæ Pontifici subsunt, quàm quæ extra Angliam reformatæ se indignant, occurrit hæc cogitatio, nunquid tale facitari soleat inter eos circa Ministrorum expulsiōem & exauctorationem, & excommunicationem ob ritus seu non admissos seu nondum plane concoctos, qui quidem ritus fatentibus Cantuariensibus *id est papæ* sunt; Haud sanè nondum comperi. Nunquam vidi, sed nec inaudiui quemquam Pastorum in Gallia aut Belgio, aut non admisisse ritus, aut in poenam non admissorum exauctoratum fuisse: Nec quisquam est quod sciam, de clero Romano, qui non sit placide
castigat

obnoxius ritibus latis à Papa & Prælatiſ, niſi quando ad reformatam religionem tranſit ; An accuſanda mala fides legiſlatorum in Anglia & defectus *cuſodias* in ferendis legibus, quibus obſequi religione prohibeantur tot homines, & eis obtemperare ad mortem uſque conſtanter pernoctent ? An verò incuſanda ſcrupuloſa tergiverſatio, ne dicam obſtinatio, eorum qui ritè latis conſtitutionibus moroſa religione parere impediuntur, ſed hos culpæ arcere religio eſt, qui ſciam Anglos nulli gentium cedere, neque fide erga Regem, neque obſequio erga ſuos Legiſlatores. Sanè plerique de Angliæ clero formidine poenæ adiguntur ad amplectendos hos ritus, quibus alioquin ſi ſoluta eſſet optio, ne ex decem unus ſe ſubmitteret. Culpa ergo rejicienda in Legiſlatores & primos conditores horum rituum, non tam ob iniquitatem conſtitutionum promulgatarum ; (nam & Eccleſia Romana pejores habet, quibus tamen clerus Romanus non repugnat) quàm quia perſpicacia deſuit ferendi leges, quibus parendis maxima pars hominum ad quos illæ leges pertinent, Religione non cohiberetur : Nulla eſt reſpublica in qua Legiſtæ non luxuriènt ; At rarum eſt exemplum Rerum publicarum in quibus ipſi legum violatores ad earum obſequium religione teneri non ſe reputent, niſi forſan fuerint Chriſtiani ſub Ethnicis viventes. Leges quacunque ſint, validæ ſunt, non quia bonæ, ſed quia latæ à legitimo legiſla-

legislatore; nec tantum requiritur ut sint justæ, sed & accommodatæ, quibus parere nec injustum, nec grave sit. Validas esse constitutiones Ecclesiæ Anglicanæ nemo ambigit; at an perinde sint justæ & adæquatæ merito dubitatur: Testis mihi sint constitutiones circa excommunicationem ob rem nullius momenti, quæ tamen simul ac intentata est, nulla pœnitentia præmissa, numerata pecunia præsentis solvitur. Nempe æquum fuit ut qui facile in tartarum præcipites ruunt, pari facilitate ex orcis emergant: Durum tamen videtur imponi pœnam quæ multis parafangis crudelitate infligendi superat offensæ momentum; & quis ob depositam lineam vestem quando indui jubetur, excidat non tantum Ministerii officio, sed & moveatur beneficio, quo sibi & liberis miseram hanc vitam trahit, utcunque in cæteris sit clarus eruditione & sanctitate vitæ, gregi præluceat, atque oves sibi commissas sedulo erudiat ad salutem. Guilielmus Parisiensis abutentem excommunicatione comparat ei qui culicem fronti hominis insidentem necaturus, magno pugni ictu in frontem adactò, pariter hominem cum culice interimeret; sed an melior commutatio pœnarum corporearum in pecuniarias, & constitutio qua ad nomen Jesus inclinantur vel nudantur capita; Cum Paulus Philip. 2. doceat deberi reverentiam nomini Jesus, idest, ejus virtuti & dignitati, aut potius personæ; hodie salutantur

syllabæ nominis, & ad prolationem vocis Jesu nudantur capita, at non ad prolationem nominis Christi, imò nec Dei. Ejusdem farinæ est signatio crucis in Baptismo, quæ utcumque à magistris nostris statuatur non necessaria, attamen aut usurpanda est à quocumque de clero, aut pro negligentia graves poenæ luendæ. Hactenus ergo fuit lugenda conditio cleri in Angliâ, cujus humeris ejusmodi ritus & constitutiones impositi fuerunt, de quibus illud Gersonis possum usurpare, lib. de vita spirit. part. 3. coroll. 14: *Tanta est ejusmodi constitutionum multitudo, ut si tenerentur in suo rigore, maxima pars Ecclesiæ damnaretur.* Quid quod hæc deturbatio Ministrorum facta ab Episcopo solo, pugnat cum Synodorum canonibus. Expressus est canon Concilii Hispal. II. can. 6. *Comperimus quendam Presbyterum à Pontifice suo injustè olim dejectum & innocentem exilio condemnatum: ideo decrevimus (juxta Præscorum Patrum decretum) Synodali sententia, ut nullus nostrum sine concilii examine ejicere quemlibet Presbyterum vel Diaconum audeat.* Episcopus enim sacerdotibus & Ministris solus honorem dare potest, auferre solus non potest. Tales enim neque ab uno damnari, nec uno judicante poterunt honoris sui privilegiis exui. Sed præsentari Synodali judicio, & quod canon de illis præceperit, definiri.

Pono sepulturarum Venditiones inter Constitutiones (an consuetudines?) Ecclesiasticas nigro lapillo notandas; quæ quidem venditiones,

nes, conniventibus Episcopis, &, quod peius est, nemine quod sciam de clero hactenus reluctantè, securè conquiescunt; Sanè, crudele, fœdum, inhumanum & indignum, genusque est monstri quod ipsa natura respuit, ut quis fato functus non possit communi mortalium matri seu terræ mandari, nisi pacto pretio: & cum vivus quisque hanc habeat indulgentiam sine mercede ingrediendi templum, mortuus tamen non possit adire sepulchrum gratis; mirum ni quoque pro ære qui spiratur prosolvitur; & cur aqua quæ de rivo potatur præsentì pecunia perinde non venditur? Quid quod planè iniquum videtur accipi pretium pro licentia aperiendi terram in fundo qui dono Ecclesiæ cessit. Pauper sis, nihil interest, solvendum est tibi; vendit tibi Parochus licentiam fodiendi sepulchrum in cœmiterio satis largo pretio; largiori si in templi auditorio; largissimo si in templi Sacratio; nam nemini bonus vir rigidior observator legis quàm Evangelii indulget; utcunque non sit moris ulli hominum gratiam mercedis suæ nunquam facere, præterquam Presbyteris: Nam & antiqui Prophetæ non semel recusabant munuscula ad mercedem vaticinii oblata, & solenne est Doctoribus facere gratiam *διδασκαλίας*, & Medicis *ἰατρικῆς* eoque abusus res devenit ut si defuncti parentes non habeant in ære, necesse habeant solvere in supellectili; & jam pauperes minori pretio vivant quàm vitam finiant, cesseritque

hodierno die in proverbium, *Rigidior Parocho in exigendo pretio pro sepultura.* Hanc consuetudinem Turcæ ipsi damnant, & reclamant Canones antiqui, ut fusiùs probat Henricus Spilmannus eques auratus in dissertatione sua *de Sepultura.*

Antequam ultra progrediar, purgandus sum crimine calumniæ quam mihi impingit Iscanus, quòd dixerim parem esse corruptelæ rationem cum Anglicanis Episcopis ac cum Romanensibus, & propuntiaverim extra Angliam ubi Papa regnat, longè minorem esse Episcoporum jurisdictionem & auctoritatem prætoriam in collegas Presbyteros & laicos, quàm intra Angliam. *Quid?* inquit Iscanus, *an par doctrinæ corruptelæ? An in Anglia pueri Episcopi creantur novennes? an dispensant in votis & juramentis? quid atrocius dicere potuisset separatistarum in sensissimus?* Bona verba: corruptelâ non in doctrina, sed in ipsa jurisdictione & jurisdictionis exercitio intellexi. Per sequiores leges Episcopatus extra Angliam administratur. Sed cæteris paribus secundum stabilitas leges longè major est Angliæ Episcoporum potestas; hæc triplex νομοθετική, δικαστική, & πολεμική quâ vel Gallorum vel Italorum Episcoporum, si Papam exceperis. Anglorum gradus eminentior & potestas magis absoluta: Nam ut taceam quod extra conventus publicos in sacro Regis consistorio & alibi locorum, nobiliora scamna premunt; In comitiis publicis regni quot quot sunt Episcopi, habent jus suffragii; in Gallia non item: Eorum auctoritas

ritas namque magis circumscripta est, & non nisi ex centum vel circiter quos Gallia habet Episcopos, sex sedent in publicis consessibus regni: Quid quod solenne est à supremis eorum curiis, ad infima sæcularium judicum tribunalia provocare. Nec leve est quod in Gallia maxima cleri pars non est obnoxia Episcoporum jurisdictioni. Nam Papa quæ accideret Episcopis potestatem, studuit Religiosorum & Monachorum ordines proximo vinculo sibi mancipatos, magno esse numero. Nec parum detrahit de eorum autoritate, quod ingens corpus Ecclesiarum reformatarum Episcopis parere non teneatur. Hac invidiosa collatione abstinuissem libenter, si per Iscanum licuisset.

Ex loco Matthæi 19. 28. *Sedebitis super duodecim thronos, judicantes duodecim tribus Israelis.* Post R. Hallum duo exculpit Iscanus. I. Apostolos ad quandam dignitatis superioritatem erectos fuisse supra septuaginta. II. Episcopalem jurisdictionem successisse Apostolicæ. Ad primum quod attinet, fateor Apostolos ut qui peculiari prærogativa donati erant, superiores fuisse septuaginta discipulis; ea superioritate crediderim, non tam quæ infert potestatem in ceteros, quam majorem donorum virtutem: Quid quod in prima ablegatione Apostolorum & septuaginta discipulorum utrisque dantur paria jura: utrique etiam potestate docendi & miracula edendi instruuntur, tantaque fuit eorum prærogativa

rogativa ut Dorotheus non dubitet dicere eos inter Apostolos fuisse numeratos; Neque etiam post Christi ascensionem Apostoli magnam jurisdictionem & potestatem prætoriam in illos sibi arrogarunt, quanquam ea uti potuissent, sed illos fratres conservos, cooperarios & coadjutores suos vocarunt. Hoc tamen tenendum est Apostolos habuisse multa extraordinaria privilegia & prærogativas sibi peculiares cum nullis communicandas, nec ad quemquam transmittendas, quales sunt immediatè a Deo vocari & eligi: Donis Spiritus sancti & miraculis clarescere; Habere efficaciam prædicationis quæ sit *ἐν παντι*; Habere potestatem jurisdictionis quæ Christianos ac proinde Pastores omnes obstrictos teneat parendi legibus à se latis: Mirum quod Episcopi non venditent se successores Apostolorum, perinde in primis prærogativis ac in ultima quæ est *ἐκτελέω*, quam Apostoli in reliquos Pastores habebant. Tuentur se R. Hallus & Iscanus interpretatione Augustini ad locum Apoc. 20. com. 4. *Vidi Thronos & super eis homines sedentes quibus judicium datum est*, ut probent Episcopos utpote Apostolorum successores, habere jurisdictionem in Presbyteros. Verba sunt Augustini lib. 2. civitatis cap. 9. *Non hoc putandum de ultimo judicio dici, sed sedes præpositorum & ipsi præpositi intelligendi sunt, per quos Ecclesia nunc gubernatur, judicium autem nullum melius accipiendum videtur quàm id quod dictum est: Quæ ligaveritis*

veritis in terra, erunt ligata in celo. Ex hoc loco putant confici voce *Præpositorum* intelligendos Episcopos, & ad solos Episcopos pertinere regimen Ecclesiæ. Ego contra ex hoc loco conficio regimen Ecclesiæ perinde pertinere ad Presbyteros atq; ad Episcopos; quandoquidem appellatio præpositi, promiscuè cadat in Episcopos & Presbyteros: Idque fert sensus locorum Mathæi & Johannis, qui est, fore ut post ascensionē Christi in cælum Ecclesiæ habeat Apostolos judices omni exceptione majores, & ad eorum documenta & scripta referant de fidei cōtroversis qui præsunt regimini Ecclesiæ tum Episcopi tum Presbyteri, ad quos perinde pertinet illud Christi, *Quæ ligaveritis in terra, erunt ligata in celo*. Sanè hæ appellationes ἐπίσκοποι, ἀποστολῶν, ἀποστόλων, ἡγούμενων, re & nomine Episcopis & Presbyteris ex æquo convenire dicuntur, non solum in Scriptura, sed & passim in Patrum Scriptis. 1 Pet. 5, 2. Munus incumbit pastoribus τῷ ποιμαίνειν quàm pascendi gregem, & Actuum 20. v. 17. Presbyteri jubentur ποιμαίνειν Ecclesiam Dei, qui mox, v. 28. ἐπίσκοποι vocantur. Chrysostomus in 1. ad Timoth. Homil. 11. dicit Presbyteros munus docendi & præsidendi Ecclesiæ simul accepisse. Justinus Martyr Apolog. 2. pag 97, 98. referens ordinem qui à Christianis observatur in sacris coetibus, dicit panem & vinum offerri τῷ ἀποστόλῃ τῷ ἀρχιεπίσκοπῳ. Paulò post εὐχαριστοῦντες τὸν ἀρχιεπίσκοπον, postquam Præsidens gratias egit. Lectione sacre Scripturæ

peracta, ^{i. censet} populum hortatur ut lectis sint
audientes; qua appellatione plane conficitur
moderatorem (*celuy qui conduit l'action*) sive
Episcopum, sive Presbyterum intelligi; nisi
statuatur solius fuisse Episcopi concionari & Sa-
cramenta administrare: consimiliter appellatio
Præpositi & Præsidentis passim in Tertulliano
& Cypriano promiscuè Episcopo & Presbytero
tribuitur. lib. 3. de corona militis, *Eucharistia
Sacramentum nob de aliorum manu quàm præside-
ntium sumimus.* Cyprianus epist. 62. *Cum omnes
omnino disciplinam tenere oporteat, multo magis
Præpositos & Diaconos curare hoc farest.* Hic habes
Præpositos & Præsidentes qui tam Presbyteros
quàm Episcopos comprehendunt. Sed ne extra
Augustinum expatier. Homil. ultima ex quin-
quaginta cap. 11. habes in parva pericope ap-
pellationes Antistitum & Præpositorum, sub
quibus promiscuè Episcopi & Presbyteri intel-
liguntur. Verba sunt. *Veniat peccator ad Anti-
stites per quos illi in Ecclesia claves ministrantur, &
à Præpositis sacrorum accipiat satisfactionis sue
modum.* Ridet Iseanus quod dixi; aequalitatem
duodecim Apostolorum evincere Pastores
omnes, dignitate, ordine, & gradu pares esse; at
nihil contra regerit. Sanè hæc aequalitas duode-
cim Apostolorum tacitè insinuat, si quæ sit in-
æqualitas præminentia inter Pastores, eam esse
humanae institutionis, nec a Deo profectam.
Lucæ cap. 12. Apostoli pridie mortis Christi
alter-

altercantur de primatu: credibile est aliquem de turba Apostolorum honestiori familia ortum voluisse extollere se supra piscatores quales erant plerique Apostoli, ac Petrum obtendisse claves sibi promissas, Johannem & Jacobum se iactasse Christi consanguinitate. Judam verò sibi prerogativā vendicasse quod *πρωτονόμιον* gestaret, & pecuniam asservaret quæ in vita civili utramq; paginam facit. Profecto si Christus cuiquam ex Apostolis dedisset *αρχισυν* in cæteros, graviter increpuisset eos qui *αποστολι* honorem à se collatum adimere conarentur, & voluntati ejus adversarentur: Id verò Christus non fecit, sed jussit maximum esse instar minimum. Statuendum ergo eo loci Lucæ, ut & Matthæi 20. v. 25. innui, non tantum Apostolos fuisse potestate per omnia pares; sed & omnes verbi Divini Ministros sic inter se æquales esse in omnibus, ut nemo in quensquam quicquam habeat potestatis. Nec vox *κατασκοπικον* qua Mathæus utitur, intelligenda, quod volunt, de usurpato imperio; quando legitima autoritate abutuntur ad Tyrannidem, ut honori suo velificentur, sed nec prepositio & addit Emphasim; quandoquidem Lucas eadem verba domini nostri reponens quæ Matthæus, utatur verbo simplici *καπεταν*, quod non tantum usurpatur de quacunque potestate, sed & ut plurimum denotat legitimum imperium aut privilegium, quo quidpiam alio præstantius est & nobilius. Eo sensu Hippocrati *καπετανος* est

princeps dies ad judicandum idonea: & libro
 αὐτῇ γυναικὶ κλειώταται ἡμέραι, sunt dies præcipui &
 maximè opportuni ad conceptionem. Sic Gale-
 nus passim libro de usu partium, & de Arte
 parva cap. 9. vocat κλειώταται μέρη Principes humani
 corporis partes. Et primores Atheniensium ap-
 pellantur à Demosthene τὰ κλειά. Et ἡμέρα à Jo-
 hanne Apostolo dicitur κλειανῇ. Nempe ea non
 fuit mens Christo, ut qui præest Pastor ἐπερχῇ
 Episcopali reliquis pastoribus, admoneretur ne
 tyrannicè erga suos collegas se gereret; sed in-
 terminatur Dominus ne quisquam de Apostolis,
 ac proinde de cœtu Pastorum qui non sunt Apo-
 stoli, se efferret supra collegas, & majorem se
 reputaret, quanquam revera dotibus præstantior
 esset. Venio ad secundum quod infert R. Hallus
 ex loco citato Matthæi, nempe Episcopalem ju-
 risdictionem successisse Apostolicam. Sanè si ex
 Scriptura & Patribus patet nihil functionum
 competere Episcopo quod non etiam cadat in
 Presbyterum; Non video cur Presbyteri perinde
 ac Episcopi non merebuntur accenseri successo-
 ribus Apostolorum: Non negarim Patres sæpe
 vocare Episcopos Apostolorum successores: Sed
 & quandoque idem de Presbyteris prædicant, ut
 qui ut plurimum Presbyteros Episcopis inclu-
 dunt. Irenæus lib. 3. cap. 3. circa initium dicit
 Episcopos esse successores Apostolorum, sed
 idem dicit de Presbyteris; verba ejus sunt lib. 4.
 cap. 43. Presbyteris oportet obedire, qui successionem
 habent

habent ab Apostolis, & lib. 3. cap. 2. Cum autem ad eam iterum traditionem quæ est ab Apostolis, quæ per successionem Presbyterorum in Ecclesiis custoditur, provocamus eos, adversantur traditioni, dicentes se non solum Presbyteris, sed etiam Apostolis existentes sapientiores, sinceram invenisse veritatem. Pius Irenæo antiquior Epistola ad Iustum Viennensem, Presbyteri qui ab Apostolis educati, usque ad nos pervenerunt; nullam agnoscens successionem Pastorum, nisi Presbyterorum. Et Augustinus Serm. 36. ad fratres in Eremito eosque Presbyteros Vos (inquit) estis sal terræ, Apostolorum successores; Cyprianus epist. 69. ait omnes Præpositos vicaria ordinatione Apostolis succedere. Sed, quod apprimè observandum, veteres successionem Episcoporum non ponunt in ~~versatib~~ & præminetia in reliquos collegas, sed in functione Ministeriali & doctrinæ forma devoluta ab Apostolis ad Episcopos, sub quibus planum est Presbyteros comprehendi; quandoquidem perinde ad Presbyteros pertineat doctrinæ annuntiatio & Sacramentorum administratio. Sic Cyrillus in Iohannem lib. 3. cap. 20. loquens de quinque panibus & piscibus quibus Christus magnam hominum multitudinem cibavit, & comparans cum Scripturæ mandatis novis & veteribus, quæ fidelibus per Apostolos tradita fuerant, addit; Apostolorum successores in Ecclesiis plenam gratiam Ministerii possidere. Eodem pertinet quod & apud Eusebium Hist. lib. 5. cap. 20. Irenæus

Florino objicit *ταῦτα τὰ δόγματα*, &c. *Hæc dogmata, qui ante nos fuerunt Presbyteri, quique cum Apostolis versati sunt, non tradiderunt tibi.* Idem passim, ut & Tertullianus de præscriptionibus, & Epiphanius Hæresi 66. & Irenæus lib. 3. loco citato, derivationem orthodoxæ Doctrinæ ab Apostolis probant à continua successione Episcoporum in Ecclesiis eandem veritatem docentium.

Non video quicquam esse momenti quod affert Iscanus contra distinctionem muneris & authoritatis in ordinariam & extraordinariam: Dixeram ab Apostolis sic communicatam ordinariam cum Presbyteris, ut in conventibus æquale jus suffragii cum Apostolis habuerint: Per munus extraordinarium leges primas tulisse quibus semel conditis, Presbyteri per jus ordinarium fuerunt sic coæquales Apostolis ut communi consilio tam Apostolorum quàm Presbyterorum plebs Christiana regeretur. R. Hallus hanc approbat distinctionem, sed ait id muneris ordinarii non obitare quo minùs munere ordinario defungentibus unum præferant Apostoli Presbyterum, quem nos Episcopum vocamus. Sed præterquam quod in Apostolorum conventibus altum sit silentium unius Presbyteri majoris altero; Ipsæ voces ordinarii muneris uni cœtui pastorum attributæ insinuant functionum & graduum identitatem. Addebam munus extraordinarium Pauli illuxisse in eo quod author esset ut Corinthii incestum sacris arcerent; at ultimum

ultimum actum excommunicationis secundum Ministerii ordinarii auctoritatem commissum fuisse Presbyterorum coetui. Hic Iscanus ait perperam a me addi Presbyteros, quorum Paulus nullam mentionem facit: Nempe ideo perperam Episcopos nominavi, quia si Iscano creditur, Paulus per Ecclesiam intellexit Episcopum, &, qui meus est stupor, credideram sub nomine Ecclesiae capi Presbyterorum coetum. Partes Pauli in illa excommunicatione officio iudicis comparat: Ultimum verò actum ab Ecclesia Corinthiaca peractum dicit tanquam à lictore. Apage, non te pudet collationis? Id non censuit R. Mortonus qui ad hunc locum dicit auctoritatem Ecclesiae Corinthiaca potuisse sufficere, sed ad majus pondus voluisse Paulum suam sententiam interponere. Sed & Iscanus aliorum refert mea verba quàm intellexi, mihi imponens quod nec dixi, nec credo; nempe traditionem incesti Satanae idem fuisse cum excommunicatione. Hæc enim facta fuit ab Ecclesia Corinthiaca. Illa verò decreta auctoritate Apostolica nullo lictore (ut Iscani verbis utar) adhibito; quæ quidem traditio Satanae fuit illa virga Apostolica, de qua Reverendissim. Parens fuffus in suo vate lib. P. cap. II.

An Timotheus & Titus Episcopi fuerunt Diocesani & hic Oretensi, ille Ephesinae Ecclesiae affixus fuerit, curam non tantum Ecclesiae (ut volunt) demandatae gerentes, sed & *regraviar* & autho-

authoritatem in subjectos Presbyteros habentes, quomodo solidis demonstrationibus ex Scriptura & Historia veteris Ecclesiæ probetur, nondum comperi. In limine tamen non negarim Timotheum & Titum, quatenus muniti mandatis Pauli, & pro tempore vicariam sub eo potestatem extraordinariam & Apostolicæ jurisdictionis participem exercebant, superiores fuisse cæteris Pastoribus aliqua ~~etiam~~ dignitatis & autoritatis. Subscriptiones quas nobis obtrudit Iscanus, sunt suspectæ fidei, & falsitas primæ subscriptionis, 1. epist. ad Timotheum, facit ut revocem in dubium veritatem secundæ, in qua Timotheus disertè dicitur primus Ecclesiæ Ephesiæ Episcopus. In prima enim ~~etiam~~ legitur Epistolam scriptam fuisse Laodiceâ; cum sanè Paulus ad Colossenses cap. 2. commate primo, dicat Laodiceos nunquam à se visos. Epistolam autem ad Colossenses triennio scriptam fuisse ante primam ad Timotheum testatur Jacobus Capellus. Sed cum Epistola ad Ephesios scripta sit quadriennio post primam ad Timotheum, in qua Timotheus (ut volunt) jam fuerat constitutus Episcopus Ephesinus; mirum quòd Paulus postmodum ad Ephesios scribens ne semel quidem Timothei mentionem faciat, quod sæpe facit in aliis Epistolis? Quid quod quisquis animo percurrerit varia loca, urbes & Regionem quas cum Sancto Paulo peragravit, ut taceam varias legationes susceptas ex Pauli mandato,

mandato, apud se reputabit vix quidquam
 Timotheo superfuisse otii diuturnioris Ephesi
 moræ, qualis ab Episcopo Diocesano requireba-
 tur, sed sociasse operas in Ministerio cum Sancto
 Paulo, qui dicitur non unius, sed omnium Eccle-
 siarum curam habere. 2. Corinth. II. v. 15. Et
 ab eo tempore quo Lystris adjunctus est comes
 Paulo, de eorum numero fuisse de quibus lo-
 quitur Ambrosius comment. in Ephes. 4. quorum
 erat Evangelizare sine Cathedra, & ideo Acto-
 rum 19. referri in numerum *διακόνων* Paulo; sed
 siquidem volunt ordinationes Presbyterorum à
 solis Episcopis peragi; quis absente Timotheo
 ad longiusculum tempus, ordinationes faciebat,
 præsertim cum ingens numerus fidelium in
 magna urbe esset, & subinde mortuis novi sub-
 stituendi essent Presbyteri? Verisimile est Ti-
 motheum Ephesi relictum non ut ordinariam
ἐπισκοπῶν curamque Pastoralem susciperet, sed
 tantum ut denuntiaret quibusdam, ne diversam
 doctrinam docerent, neve attenderent fabulis;
 Nec si Paulus utitur voce *παραμείναι*, continuo se-
 quitur Timotheum ordinario officio confedisse
 Ephesi, & hac voce moram ultra paucos dies
 intelligi; Etenim Matthæus cap. 13. v. 32. eodem
 verbo utitur, ut exprimat moram tridui. Sed
 velim scire quando tandem Timotheus fuerit
 creatus Episcopus Ephesinus? Iscanus dicit,
 quando Paulus Epheso convocavit Miletum
 Presbyteros, Timotheum non fuisse constitutum
 I Episcopum

Episcopum Ephesinum à Paulo, & testem advocat Jacobum Capellum; At siquidem secundum Iſcanum, statuendum est tunc Timotheum fuisse creatum Episcopum, quando relictus fuit Ephesi; toto cœlo errat, dum asserit ante Presbyteros vocatos Epheso Miletum quàm relictus esset Timotheus Ephesi, habetque Capellum quem ad suas partes trahit planè contrarium asserentem; ut qui in centuriis quas legisse Iſcanum vix crediderim, dicit Pauli profectionem in Macedoniam Act. 20. ubi primam scripsit ad Timotheum in qua volunt jam fuisse relictum Timotheum, Ephesinum Episcopum, incidisse in annum Christi 56, & non nisi Anno post Ephesinos Presbyteros Miletum vocatos in itinere ex Troade Hierosolymam, Si capio mentè Iſcani; videtur paulò post asserere Timotheum tum demum fuisse creatum Episcopum Ephesinum post primam Pauli incarcerationem sub Nerone, adeoque primam ad Timotheum fuisse scriptam post illam captivitatem, quandoquidem ibi primùm dicatur Timotheum Ephesi relictum. Sed errat, quoniam Paulus post primam incarcerationem Ephesum non repetiit, ipso sic compellente Ephesios: *Et nunc ecce ego scio neminem vestrum visurum faciem meam.* Baronius quem præter morem allegat, censet Paulum primo carcere liberatum potius in occidentem quàm orientem abiisse; concinens Chrysostomo & Hieronymo qui volunt demum in Hispaniam excurisse, ibique

que Evangelium annunciasse. Inter alia quæ Episcopatui Timothei Ephesino fidem detrahunt, dixeram constare ex Irenæo, Eusebio & Hieronymo, Johannem Apostolum peracto concilio, de quo Actorum 15. Ephesi sedem fixisse, ibique rexisse Ecclesiam usque ad tempora Trajani. Hic non habet Iscanus quod contra loquatur; sed me culpat contradictionis, quia dixi, *Mirum, an Paulus creavit Presbyteros Ephesi ubi præsto erat Dioecsanus Timotheus.* Et monet me meo jugulatum gladio, nec hæc duo bene congruere, nempe Johannem fuisse Episcopum Ephesinum, & Paulum ibi creavisse Presbyteros. *Quomodo, inquit, Paulus creavisset Presbyteros, cum præsto esset Iohannes Dioecsanus Episcopus?* Sanè laborant tuæ argutiæ ignoratione Elenchi: nec nobis qui jus ordinationis non affigimus uni Episcopo contradictio est, dicere Paulum & Johannem creasse Episcopos Ephesi Sed demus me meipsum implicasse contradictione: an per id satisfactum est eis quæ ex Irenæo, Eusebio & Hieronymo attuli circa Episcopatum Iohannis in urbe Epheso? Sed siquidem tantopere gloriaris in autoritate Iacobi Capelli viri in Chronologicis exercitatissimi, habes in centuriis ad annum Domini 63. Johannem Apostolum sexto ante Neronis obitum proficiscentem Ephesum, ubi manet annos 27. Augustinus epist. 86. dicit *Iohannem Ephesi docuisse, quemadmodum Iacobus Hierosolymis, & Petrus Romæ docuerunt.* Gregor.

Nazianzenus orat. 25. dicit Iohannem docuisse Ephesi, quemadmodum Petrus in Iudæa, & Paulus inter Gentes. Mirum quid factum ut in Epheso urbe, Episcopi munia qualia prædicant, obierit Timotheus, Apostolo ibidem degente? Ergo huc deveniendum, Episcopos in primitiva Ecclesia dicto, non qui præditi erant in Symmystas autoritate, aut quibus solis demandata erat cura integræ unius Ecclesiæ; sed qui sive Apostoli, sive Presbyteri, inter collegas ejusdem ordinis clari erant ætate, doctrina, & sanctitate vitæ. Nec censuerim Iohannem, quanquam Ministerii gradu emineret supra Timotheum, assumpsisse in eum quicquam jurisdictionis ordinariæ. Non minoribus difficultatibus urgetur Episcopatus Titi. Quis credat unum hominem præpositum fuisse insulæ tam magnæ, tot urbibus nobili Pastorem ordinarium; Timotheum verò uni tantum urbi præfuisse? Id non credidit Chrysostomus, qui Homil. 2. in Titum asserit Paulum noluisse totam insulam uni Episcopo committere, quandoquidem jubeat ut singulis oppidis præficerentur Episcopi. Concinit Aquinas in Titum cap. 1. lect. 2. *Apostoli loco inter Cretenses Pastorale officium gessit Titus, neque enim volebat Apostolus Theophylacto & Oecumenio testibus, universam insulam uni Episcopo demandari, sed in inquamque urbem proprium Pastorem habere jussit.* Tito autem non fuisse demandatam perpetuam *resortum* in Creta, liquet, quòd ex Creta eum evocaverit Paulus

Paulus ut ad se veniret Nicopolim, ubi hyemare apud se statuerat, & postmodum Troade expectaverit, 2. Corinth. 2. 12. quo non invento in Macedoniam profectus fuerit: Titus autem inter hæc sua sponte Corinthum navigaverit. 2. Corinth. 8. 16, 17. ubi expertus animum Ecclesiæ Corinthiæ erga Paulum, in Macedoniam redierit, ubi Paulum offendit, & sua præsentia recreavit, 2. Corinth. 7. 6. Quid quodd postea Romæ Paulo in vinculis affuit, indeque in Dalmatiam profectus est. Porro verba Pauli sonant, Titum ideo in Creta relictum, ut reliqua perageret corrigere, innuens ei tantum incumbere provinciam inchoatum opus ad finem perducendi; quo confecto, operam Paulo accommodaret in aliis Ministerii operibus. Id tacite innuit Theodoretus, qui in argumento Epistolæ ad Titum scriptæ, dicit Paulum Tito commisisse munus ordinandi Episcopos. Hic statuendum, vel Titum fuisse Archiepiscopum insulæ Cretæ cui suberant alii Episcopi, vel dicendum Episcopatum Titi non fuisse ordinarium, sed munus tantum fuisse delegati sub Paulo ad tempus exercendum, quandiu res Ecclesiæ in Creta essent incompositæ. Subscriptionem esse falsam indicat versus duodecimus cap. 3. ex quo apparet Paulum tunc non fuisse Nicopoli cum scriberet epistolam ad Titum. Astipulatur Iacobus Capellus qui vult epistolam ad Titum scriptam fuisse, cum Paulus in Macedonia esset:

ergo non Nicopoli quæ Thraciæ civitas est.

Sed nec Romæ Petro fato functo existimarim præpositum fuisse unicum Episcopum, sed plures Episcopos simul præfuisse; Clementem, Cletum & Linum: alioquin non video posse conciliari veteres in speciem discrepantes circa successi-
onem Petri successorum in Episcopatum Romanæ Ecclesiæ. Quibusdam affirmantibus, è quorum numero est Tertullianus, Clementem immediate Petro successisse. Aliis præponentibus Linum Clementi, ut Optatus lib. 2. in Parmenonem. Aliis ut Epiphanius Hæresi Carpocratianorum Cletum Lino successisse scribentibus. Aliis denique constituentibus Clementem quartum Episcopum post Petrum, ut asserit Hieronymus libro de scriptoribus Ecclesiasticis. In hanc rem apprime notandus est locus suggestus ab amico celeberrimo viro Claudio Salmasio ex scriptore Anglo-Saxone conversus & insertus ad calcem operis de fœnore Trapezitico, quo liquet Petrum tres Episcopos ordinasse simul Clementem quidem Cathedræ Episcopalis successorem qui regeret Ecclesiam Romanam: duos verò, Linum & Cletum, qui orationi & doctrinæ vacarent. Pariter ambigitur an Polycarpus solus fuerit Smyrnæ Episcopus. Etenim Clemens constit. Apostol. lib. 3. cap. 47. affirmat Aristonem: Suidas dicit Bucolum fuisse istius sedis primum Episcopum, eique Polycarpum successisse; utcumque Tertullianus, Irenæus & Eusebius asserant Polycarpum fuisse

fuisse primum Smyrnæ Episcopum ; de cujus ordinatione nihil certi compertum habemus ; Irenæus enim & Eusebius dicunt eum fuisse ordinatum à pluribus Apostolis. Tertullianus verò & Hieronymus, à solo Iohanne Apostolo : argumento, ut ordinatio fuit à pluribus pari potestate præditi collata, utcunque sæpe uni tantum tribuatur ; sic credibile, imo vero simile esse, pari potestate & jurisdictione olim præfuisse simul plures Episcopos uni Ecclesiæ ; quanquam unus solummodo sæpe nominetur, ut qui putabatur prærogativa doctrinæ & sapientiæ cæteris antecellere. Quid quod Polycarpus epistola ad Philipenses duos tantum ordines in Ecclesia agnovit, Presbyterorum & Diaconorum. *Subiecti estote Presbyteris & Diaconis, tanquam Deo :* unde conficitur, non altiore gradum Presbyteratu cognovisse inter Philipenses, ac proinde nec Smyrnæ : nec credibile est si Polycarpus fuisset Episcopus Smyrnæ, omissam fuisse à Polycarpo in inscriptione epistolæ suæ appellationem Episcopi, ut facit Paulus Apostolus in omnibus suis Epistolis. Gildas Anglus de quo infra in re graviori mentionem facio, Polycarpum vocat *Smyrnensis Ecclesiæ egregium Pastorem*. De Episcopatu Antiocheno non minor dubitatio : nec video quomodo Eusebius conciliari poterit cum Theodoreto & Chrysostomo, aut cui plus fidei adhibendum, nisi Eusebius, utpote ~~ex~~ fide dignior censendus sit. Hic enim vult Euodium sedisse

sedisse Antiochiæ Episcopum ante Ignatium: Illi vero Ignatium anteposunt Euodio: sed censerem potius fidem adhibendam Clementi Const. lib. 7. cap 46. qui Euodium à Petro, Ignatium à Paulo non successive, sed simul Ecclesiæ Antiochenæ Episcopos creatos fuisse memorat: nec putarim ita futilem distinctionem Baronii ut existimat Vedelius, cum Anno 39. num. 16. duplicem illius Ecclesiæ foundationem facit, unam quæ in docendo, alteram quæ in Cathedrâ Episcopali erigendâ consistit; vultque unum Episcopum præfuisse Christianis Circumcisionis, alterum Ecclesiæ Gentium. Etenim quadantenus concordat cum loco Salmasii proximè allegato: Aut si quid in his tenebris prætentandum, omnino existimarim Timotheum, Titum, Marcum, Euodium, Ignatium nulli Ecclesiæ affixos, sed delegatos Apostolorum fuisse ad constituendas Ecclesias, potuisseque dici Apostolos secundi generis: quo sensu Paulus dicit Epaphroditum fuisse Philippensium Apostolum, cuius & similia ministerio & opera Apostoli usi sunt ad propagandas variis in locis Ecclesias quales fuerunt plures ex 70. discipulis, quos Apostolos etiam fuisse habitos dicit Dorotheus in Synopsi; præcipuè ii quorum nomina iungebat cum suo in Epistolarum inscriptione. Vocem autem Episcopi apud patres latiori significatione sumendam pro quocunque qui provinciam suscipit, sive extraordinariam, sive ordinariam; sive delegans, sive delegatus

delegatus sit. Hoc sensu Hieronymus dicit Marcum fuisse Episcopum Alexandriæ, hoc est, primum doctorem qui primum inter Alexandrinos Evangelii doctrinam sparsit: nec alio sensu potuit id dicere, nisi velimus Hieronymum committere cum Hieronymo, ut qui Epistolâ ad Euagrium dicit in Alexandria *Presbyteros semper unum ex se electum in excelsiori gradu collatum Episcopum nominasse*. Non dixeris Presbyteros è suo cœtu elegisse Marcum qui extraordinariis munere & dotibus præditus & omni Episcopo major erat, quemque si fides historiæ antiquæ, Dominus noster, & Petrus Apostolus miserant in Aegyptum & Alexandriam, ut ibi Presbyterium colligeret; unde postmodum discedens, Lybiam, Pentapolim, & totam fere Aegyptum peragravit. Quin Eusebius & Epiphanius dicunt Marcum tunc Evangelium in Alexandria annuntiasse, cum ibi fideles Iesæi vocarentur; quod nominis sortitos fuisse antequam in Antiochia discipuli primum Christiani appellarentur, testis est idem Epiphanius; quo quidem tempore qui dixerit *evangelizari* cœpisse, aut Alexandrinos Presbyteros, qui tunc pauci vel nulli erant, Marcum ad Episcopatum evexisse, nugæ aget. Sed qui Marcus fuisset Episcopus unicus Alexandriæ, cum certum sit æqualitatem Presbyterorum diutius ibi durasse quàm uspiam alibi? cumque teste Ambrosio & Hieronymo usque ad Heracleam & Dionysium Alexandrini

soliti fuerint è suo coetu eligere qui cæteris præesset & Episcopus vocaretur, & absente Episcopo moris fuerit in Ægypto, ut Presbyteri consignarent.

Loci quem tantopere ostentant pro Episcoporum ~~verbo~~ *ne recipere accusationem contra Presbyterum.* 1 Timoth. cap. 5. v. 19. dixeram explicationem exhibere primum comma ejusdem capituli quo Paulus monet Timotheum ne majorem natu asperè objurget. Iscanus ait *nullam rationem esse cur posteriori versu vox Presbyteri intelligenda sit de majore natu, idque esse contra fere omnium interpretum sententiam.* Attamen posterius comma Cyprianus lib. 3. Testimoniorum ad Quirinum sic vertit. *Adversus majorem natu accusationem ne acciperis.* Concinit Ambrosius ad locum, & Epiphanius. Sed demus hic Pastorem intelligi; non qui recipit accusationem adversus Philippum, ideo habet potestatem in Philippum, ut non qui mittit missio continuò major est. Apostoli mittunt Petrum & Johannem Samariam ad prædicandum Evangelium; & sæpe usu venit ut æqualis ab æquali reprehendatur. Nempe delegans & accusans superior tantum est in ipso actu quo recipit accusationem & delegat, cæterum æqualis per omnia potest esse. Sed cur Paulus per *Presbyterum* non intellexerit unà Episcopum, siquidem fatentibus Hierarchiæ patronis, Paulus sæpe sub Presbyteri appellatione Episcopum includit? Aut nunquid licuit

licit Timotheo Episcopo Episcopum increpare, imo licuit se majorem objurgare nomine totius Ecclesiæ. Whitakerus controvers. 4. quæst. 1. sect. 16. disertus est. *Quod Timotheus jubetur non temere adversus Presbyterum accusationem admittere, hoc non probat Timotheum in Presbyteros potestatem aut dominatum habuisse. Nam ex Apostoli mente hæc non est crimen ad Ecclesiam deferre, reum in judicium adducere, palam reprehendere, quod non modo superiores possunt, sed aequales etiam, atque inferiores. Sed neque etiam ex hoc loco inferri potest excludi Presbyteros ab autoritate recipiendi accusationem. Celeberrimus Rivetus in Catholico orthodoxo ad controversiam De jure Divino Episcoporum rem acu tangit. His locus nihil attribuit Timotheo quo Presbyteri corpus excludatur. Non si quicquam uni mandatur sequitur ad nullam alium pertinere, ut si quis diceret, quod Deus Josuam præcepit ut legem suam observet, nec dextrorsum nec sinistorsum ab ea desistens, protinus innuere hoc mandatum ad solum Josuam pertinere. Eadem vis est mandato quod Timotheo fit, nemini manus cito imposueris, ut probetur solius Episcopi esse imponere manus: Porro centum ejusmodi propositiones categoricæ, nunquam inferent exclusivam; & cum sint negativæ, nunquam concludent affirmativè. Adde quod per ea quæ Timotheo præcipiuntur circa redargutionem & ordinationem atque partes Episcopi, nunquam probabitur hæc mandata ad Timo-*

theum pertinere, potius quàm Episcopus Ephesi quàm quàm alibi locorum demandato Ministerio defuncturus. Sed demus quòd maximè ex hoc loco volunt, Timotheo datam potestatem propria autoritate damnandi Presbyterum: Sanè non potuit Presbyterum damnare quàm Episcopus Ephesinus, nisi *κατ' οὐσίαν* ad aliquem cœtum Presbyterorum, vel Synodum, seu senatum Ecclesiasticum detulisset, atque ex consuetudine aliorum Episcoporum Presbyteri causam subjecisset iudicio plurium. Ergo id potuit quàm Apostolus secundi generis & Pauli delegatus, nec ulli Ecclesiæ addictus. Nec dubium est quin Timotheus, quàm Pauli delegatus erat, & adhibitus ad extraordinaria munia, potuerit solus in se assumere grandiora quàm fuit objurgatio senioris, utcunque quàm exercens actus Ecclesiasticos ordinarios non potuerit quin sociaret operam cum Presbyteris illius loci in quo erat. Attamen objurgatio illa privati hominis non potuit facere partem mandatorum quæ delegato dantur, quæque spectant non tam privati hominis commodum quàm generale omnium Ecclesiarum emolumentum quarum Paulus & Timotheus sub eo curam gerebant.

Quod attinet Angelos septem, fateor me nondum adduci potuisse ut per unum Ecclesiæ Angelum quem spiritus Dei singulari numero compellat, intelligerem personam singularem; quanquam Patres aliquot & nostro sæculo viri gravissimi

gravissimi contrarium sentiant. Nec si per unum Angelum Episcopus unus intelligeretur, puto evinci posse hunc Angelum *εὐαγγελιστάς* habuisse in collegas, aut supra Presbyteros ordinationis & jurisdictionis prærogativa *ἀδελφούς* enituisse, sed tantum aliquem ex coetu compellatum, qui ætate, doctrinâ, vitæ sanctimoniâ atque exemplo, vel collegis, vel gregi præibat: Sed utrumque ut credam à me non impetro his argumentis ductus. I. si hic unus ad quem Spiritus Sanctus scribit, è Presbyterorum coetu habuisset hanc *εὐαγγελιστάς* qualem ponunt; mirum in toto contextu septem commonefactoriarum Epistolarum non fuisse admonitos Presbyteros obsequii & officii erga Episcopum. II. Perlegantur Pauli ambæ Epistolæ ad Timotheum, necnon ejusdem Epistolæ duæ; una ad Titum; altera ad Philemonem, quanquam aliorum magis quam Timothei aut Titi causâ scriptæ fuerunt, & sub eorum ad quos scribit nomine, alios eâdem operâ monere voluit; multaque insuper illis inseruit quæ ad alios tantum pertinent; verba tamen quæ fiunt ad Timothei personam nemo dixerit non pertinere primariò ad Timotheum, sed ad alios: Veluti quando admonetùr Timotheus ut seniore non asperè objurget; rejiciat aniles fabulas, & modico vini utatur: Si quæ præcepta alios tangunt; Paulus sic orationem suam accommodat, ut quisque fidelis facillè Paulum se alloqui dignoscatur. Hic nihil tale reperitur secundo, & tertio capi-

tibus Apocalypseos (liquidem ad singulares Angelos scribuntur): nec de quibus singuli Angeli compellantur possunt in eos primariò & propriè quadrare, nisi velimus Episcopum Ephesinum, siue fuerit Onesimus, siue Johannes ipse, pristinam charitatem deseruisse, & ob unius hominis peccatum ni resipuisset, lampadem Ecclesiæ Ephesinæ debuisse aliò transferri: Dicendum etiam erit Laodiceæ Episcopum tepidum fuisse; aut asserendum laudes immensas, quibus spiritus sanctus zelum, fidem, charitatem, & patientiam fidelium insignit, in unum solummodo hominem congestas fuisse. III. ex Commatis 7. II. 17. & 29. Capitis secundi, *Qui habet aurem, audiat quæ spiritus dicit Ecclesiis*, liquet spiritum sanctum per Johannis Ministerium non alloqui singulares Angelos, sed Ecclesias, siue per Ecclesiam soli Pastores intelligantur, velut Matth. 18, v. 17. vel totus cœtus particularis; ibi enim expresse habetur *Spiritum eâ documenta Ecclesiis dicere*. Augustinus hic meus est, Homil. 2. in Apocalyps. *Angeli Ecclesiarum non debent intelligi, nisi Episcopi Præpositi Ecclesiarum*. Sed ne quis existimaret vocem præpositorum ad solos Episcopos restringi, subjicit; *Angelorum nomine Ecclesias Catholicas voluit intelligi*. Paulo post *Angelos, Ecclesiam dicit in quibus duas partes, id est, bonorum & malorum ostendit, & propterea non solum laudat, sed & increpat; ut laus ad bonos, increpatio ad malos dirigatur*. De Angelo Thyatiræ hæc dicit; *Quod dicit &*
Angelo

Angelo Thyatira Ecclesie, dicit Prepositus Ecclesiarum, qui luxuriosis & fornicantibus & aliud quodlibet mali agentibus, severitatem disciplina Ecclesiastica non imponunt. Iscanus sic allegat comma 20. capitis secundi, ut probet spiritum sanctum alloqui Angelum singulari numero. Permittis uxorem tuam Jezebelem servos meos seducere, unde exculpit hanc non potuisse datam in uxorem nisi uni Angelo, & ne videatur recedere à Græca veritate, dicit in Græco legi, *γυναικα σου δίδωμι*. sed utcumque exemplar Novi Testamenti manu propria Teclæ scriptum, & à Cyrillo ad Serenissimum Regem missum ita legat, non tamen debet esse tanti, ut plus ei fidendum sit, quàm quotquot quæ antea fuerunt exemplaria; nec si, quamquam lectio tua genuina esset *γυναικα σου*, consulisses oraculum, hoc est, Rever. Hallum, non accepisses, hanc foeminam non ideo nominari, quod sit cujusquam uxor, sed quod tanquam altera conjux Achabi, vel altera Helena Simonis uxor, edocta forsan in schola Nicolaitarum, scortationibus suis & idolothytorum esu, peruerteret Thyatirenses.

Reverendus Hallus quæstionem moverat non aspernandam: *si Hierarchia in Ecclesia non est à Christo, edant nobis quando inceperit.* Responderam, si in sensui obviis rebus raro observatur illud temporis momentum, quo prima ruina navi, tabes corpori, corruptela Reipublicæ oboritur, multo difficilius esse in iis quæ sensibus externis minus

minus obvia sunt; qualis est mutatio quæ accidit in religione, articulos alterationum præcise notari; nec, ut ait Tertullianus lib. de Præscriptionibus cap. 134. interesse *quicquam, quando quid sit quod ab Apostolis non fuit.* Hic pro more Ilicanus, qui moram nectens, solet potius vellicare verba quàm ponderare rationum momenta, dicit, *utinam integram sententiam allegasses Tertulliani quem vix te salutasse putem:* hoc autem ait addi debuisse, *quod ab Apostolis non damnatur, imò defenditur, hoc erit iudicium proprietatis.* Sanè dixerim aut te Tertullianum non legisse, aut mirum te non animadvertisse tuam Pericopen non proximè excipere locum quem allegaveram, utpote quæ legitur cap. 35. En tibi integrum locum quem citaveram ex capite 34. *Nihil interest quæ quando, dum de veritate non sunt: utique quæ ab Apostolis nominata non fuerunt, sub Apostolis fuisse non possunt.* Dixeram insuper ambitionem Episcoporum sese efferentium, supra Presbyteros non tantum, sed & supra totam Domini hæreditatem potuisse constituere partem istius Mysterii iniquitatis, de quo Paulus 2. Thessalon. Hic Iscanus confugit ad suam redamatam Helenam, sive antiquitatem; jubetque circumspiciam & lustrem totum terrarum orbem, edamque ullam Ecclesiam ante nostrum sæculum aliter quàm ab episcopis gubernatam: Eadem posset reponere Pontificius, qui tamen conversus ad nostram fidem ultro agnoscit errores sæpe antiquitate ipsam veritatem

tatem provocare eosque pedetentim in Ecclesiam irrepsisse, donec totum corpus penitus corrumpatur : primam radicem labis in Ecclesia fuisse affectatam dominationem ab Episcopis ; quibus omnia ex voto succedentibus, cum opes & potestas indies crescerent, facile fuisse ad grandiora aspirare, & eò corruptelæ munus Episcopale perducere, ut jam ultra mille annos quod obtinuit, nomen sine re retinuerit. Satan maturè orsus est telam mysterii : iamque inchoata erant ejus primordia tempore Pauli ; qualia fuerunt, distinctio ciborum, Traditiones humanæ, justificatio coram Deo per opera legis, & affectatio primatus inter Pastores : Johannes epistola 3. Diotrophem corripit, quod esset *ἐπισκοπεύων*, id est, affectator Primatus. Jam illo ævo quidam dicebant, *Ego sum Pauli*. Quidam, *Ego sum Cephæ*. Quæ quidem fuerunt æmulationis in Ecclesia semina, & istius *ἐπισκοπῆς* anteludia ; nec multo post, Clemens epistola ad Corinthios pag. 20. mentionem facit Pastorum *ἐπαρριωμένων ὑπὸ τὸ πάλαιον Χριστῷ*, *Se se efferentium supra gregem Christi*.

Porro in epistola Clementis ad Corinthios non video quicquam præsidii reponi posse pro Episcoporum *ἐπισκοπῇ* in Presbyteros. Quinimo multum in eâ est quod pugnet pro Episcoporum & Presbyterorum *ισότητι*, & videtur singulari Dei beneficio & providentiâ asservata in hunc novissimorum sæculorum articulum, ut meditantibus seriò puriorem reformationem lampa-

dem clarissimam præferret, & finem imponeret
 disceptationi quæ jam pæne sæculum integrum
 hujus insulæ populos inter se collisit. Quisquis
 enim attentè legerit totam hanc Clementis epi-
 stolam, faciliè veritatem agnoscet quarti funda-
 menti à Rever. Hallo positi, quod est; praxim
 Ecclesiæ proximè ab Apostolis optimum esse
 exemplar quod sequentia sæcula sequerentur
 ad constituendam disciplinam. Habes enim in
 Clemente epistolam fidei non malæ & incertæ,
 qualis Ignatianarum epistolarum, sed sanctæ &
 indubitatæ; in qua post mortem Pauli, Cle-
 mente scribente & vivente in magna civitate
 frequenti Christianis, cujus maximam Paulus
 cum viveret gerebat curam, nolentibus ingeritur
 Ecclesiæ Corinthiacam solitam Apostolico in-
 stituto gubernari per Presbyteros. Porro Cle-
 mens de Presbyteris verba faciens, eos uno aut
 altero in loco vocat Episcopos, nec alios Mini-
 stros ab Apostolis institutos agnoscit præter
 Episcopos & Diaconos, pag. 54: κατὰ χάριν ἡ πόλις
 κηρύσσοντας καὶ δίδασκοντες τὰς ἀπαρχὰς αὐτῆς δοκιμάσαντες τὸ πνεύ-
 ματι οἱς ἐπισκόπος ἡ διακόνος τῷ μνηστικῷ πεποιθὲν. Per
 Provincias & civitates verbum Dei predicantes
 constituuisse, primitias ipsorum probantes spiritu, in
 Episcopos & Diaconos eorum qui erant credituri:
 quem ordinem in Ecclesiæ per Episcopos & Dia-
 conos dicit antiquæ esse institutionis, & in hanc
 rem citat locum Esaie 60. κατὰ χάριν τοῦ ἐκείνου αὐτῶν
 οἱ δὲ δίδασκοντες, καὶ καὶ διακόνος αὐτῶν εἰσὶν. Constitutum Epif-
 copos

cepos eorum in iustitia, & Diaconos eorum in fide.
 Ne quis autem existimet de iis Episcopis intel-
 ligere, quales hodie vocantur, hosce Episcopos
 vocat paulo post, Presbyteros, p. 58. & agnoscit
 tempore Apostolorum plures fuisse Presbyteros
 constitutos, tam Corinthi, quam in aliis Ecclesiis:
 Nec possum non mirari quid in mentem venerit
 Rever. Hallo Clementem vocare in subsidium
καὶ οὗτος Episcopali, cum ne *γὰρ* quidem pro ea
 possit exculpi: Quin contra Clemens promiscuè
 Episcopos & Presbyteros sumpserit, & non uno
 ex loco possit confici Ecclesiam Corinthiacam
 gubernatam fuisse à Presbyteris pari honore &
 gradu præditis. Pag. 30. *ταῖς ἐκκλησίαις ἡμεῖς ἀδελφοί.*
Veneremur qui vobis præsumt, siquidem hic de
 verbi Divini Ministris agit, ut docet textura loci;
 per Præsides non alii possunt intelligi quàm
 plures Presbyteri pari honore & autoritate in-
 structi, quique in Epistola ad Hebræos *ἐπίσκοποι*
 vocantur. Pag. 69. author est eis à quibus sedition-
 nis initium coepit, ut se subiciant Presbyteris, &
 extrema quæque potius patiantur, *ἀλλὰ οὐκ ἐν ἡμεῖς*
χρὴς ἐν τῇ ἐκκλησίᾳ παρατρεῖται καὶ οὐκ ἐν ἡμῖν *dummodo*
Christi ovile cum constitutis supra se Presbyteris in
pace degat. Habes hic ovile Christi supra quod
 Presbyteros constituit. Neque illa contentio
 quam R. Hallus profert, *ἐν τῇ ἐκκλησίᾳ οὐκ ἐν ἡμῖν*
 potest intelligi de *ἐκκλησίᾳ* Episcopi in alios, sed
 de regimine Ecclesie in genere commisso Pres-
 byteris, quos paulo post dicit accepisse *τὰ ἀποστολικὰ*

ἐπισκοπῆς. In ea enim Ecclesia, cum satani schismata, emulationes & partium studia foveret, & eo nomine pii quidem Pastores Corintho cessissent, Clemens ne verbum unum quidem faciens de diversis gradibus Ministrorum in Ecclesia, monet eos, non amovendos esse eos qui cum fructu & honore Ecclesiæ servierant, cujusmodi dicit fuisse constitutos ab Apostolis qui postquam obdormivissent, in eorum locum succederent. Sanè si ubicunque reperiuntur voces ἐπισκοπῆς & ἐπισκόπου, continuò essent trahendæ ad ἐπισχολῶν. Episcopi in Ecclesia; pariter affirmarem Episcopis accensendos medicos, qui dicuntur ἐπισκοποῦν τὸν νοσούντα. Et quos Arcadius *fendo, muneribus & honoribus* dicit præesse, panī, & rebus venalibus ad cibum pertinentibus, necnon stabularios, quibus ἐπισκοπὴ τῶν ἵππων demandata est: Quæ quidem ἐπισκοπὴ tantundem favet Episcopis singularibus & localibus Ecclesiarum, quantum τὸ ὄνομα τῆς ἐπισκοπῆς apud Clementem.

Ignatius plus favet Episcopis; cujus tamen Epistolas post Magdeburgenses Parkerus de politeia Ecclesiast. lib. 2. c. 13. pertendit rationibus tredecim innixus, supposititias omnes esse; quibus parum abest quin fidem adhibeam, nisi me autoritas Rever. Usserii moveret, qui censet non planè rejiciendas; interpolatas tamen illas Epistolas quas pro veris habemus, cujus rei fidem faciet editio harum Epistolarum quam parat: sed age, ventilemus loca quæ affert Iscanus

ex Ignatii Epistolis. Primus est ex Epistola ad
 Magnesios, ubi Presbyteri dicuntur *ἐπισκοπῶντες* *ἐν*
 ἑμῶν Episcopo. Quidni? & æquali debetur *ἐν* *ἐκ*
 præsertim si vel ætate major sit, vel ornamentis
 animi & pietatis sit exemplo non tantum colle-
 gis suis, sed & gregi suo. Pius in epist. ad Justum
 Viennensem, Presbyteri & Diaconi, non ut majorē,
 sed ut ministrum Christi te observent. Loco epist.
 ad Trallianos *τί γάρ ἐστιν ὁπισκοπῶν, ἀλλ' ὁ πῖς; ἀρχὴς ὃς*
ἐξουσίαν ἔχει πῶς τῶν κρείττων; loquitur de potestate
 in gregem, non autem de peculiari supra Pres-
 byterium autoritate & principatu. Irenæo lib.
 4. cap. 44. Presbyteri dicuntur Principes, & Chry-
 sostomus sacerdotes vocat vicarios Christi quā
 appellatione ab ipso Ignatio epistolā eādem ad
 Trallianos insigniuntur Diaconi: Tum nunquid
 potest quis esse doctrinā & dotum excellentiā
 princeps, quales erant quos è suo cœtu Presby-
 teri olim eligebant, qui tamen in neminem im-
 perium habebant. Porro Vedelius existimat
 hanc clausulam esse supposititiam, nec redolen-
 tem seculum, atque desumptam fuisse ex lib. 2.
 constitutionum Clementis cap. 26. Locum ὁ
ἐπισκοπῶντες ἀποκαταστήσει τῶν ἐπισκόπων, οἱ δὲ διάκονοι τοῖς ἐπισκοπῶσι,
 &c. nullibi lego in Epistola ad Trallianos; sed
 affinem in Epistola ad Smyrneneses, *οἱ λαοὶ τοῖς*
διακόνεσι ἀποκαταστήσονται, οἱ δὲ διάκονοι τοῖς ἐπισκοπῶσι, οἱ ἐπισκο-
πῶντες τῶν ἐπισκόπων, ὁ ἐπισκοπῶν τῶν χειρῶν quæ quidem
 videntur Vedelio in textum irrepsisse fraude:
 affirmat enim Laici vocem non esse ætatis Igna-
 tianæ,

tianæ, sed sæculi sequentis, utcumque tamen ea
 utatur Clemens Epistola ad Corinthios pag. 53.
 consimilis hic est locus *ἔτι καὶ ὑμεῖς ἀπὸ τοῦ ἐπισκόπου*,
 &c. Ita & vos sine Episcopo, siue Presbyter, siue
 Diaconus, siue Laicus, nihil facite: quorum autho-
 ritate moverer, nisi pariter apud Ignatium lege-
 rem oblationes & sacrificia non peragenda
 absque Episcopo, eumque esse *κεφαλὴν*, si quis
 Dominicam diem aut Sabbatum jejunarit.
 Parva fides quæ hisce adhibenda est, facit ut de
 omnibus Epistolis meritò dubitetur; neque
 spirant simplicitatem Apostolicam, ita turgent
 ampullis; ad ravim oggerunt Episcopo esse
 parendum, tanquam Christo; cum tamen Paulus
 semper plurium Pastorum mentionem faciat
 quibus sit obediendum: sit enim cæcus oportet
 qui non videt quæ adeo distinctè de Episcopis &
 Presbyteris habent Ignatianæ Epistolæ, longè ab-
 horrere non tantùm à genuina simplicitate Apo-
 stolorum sed & à ratione scribendi usurpatà à
 Clemente & Polycarpo Ignatio *συγχρόνῳ*. Sculte-
 tus quem R. Hallus in subsidium vocavit, pro
 jure Divino Episcoporum & *ἐποσκοπίας* Laico-
 Presbyterorum, in medulla Patrum non uno in
 loco dicit, quæ Ignatius adeo distinctè habet de
 gradibus & ordinationibus Episcoporum &
 Presbyterorum, ignota fuisse Apostolicis tem-
 poribus.

pag. 42. 43. Disceptionem de diverso ordine & gradu
 inter Episcopum & Presbyterum tanquam su-
 pervacaneam

pervacaneam respuit Iscanus, ex qua, inquit, et si exculperem quod volo, non ob stare tamen quin distinctio Episcopalis ~~versat~~ ab Apostolis profecta sit: At fanè secus est. Si enim Pastores ab Apostolis instituti fuerunt ordinis & gradus ejusdem, nec discrepantes muniis, nec potestate ad speciales actus exercendos, habeo quod volo. Si tempore Apostolorum singulis Pastoribus idem munus, æquale jus & par autoritas datae sunt, non video quid & quorsum duo genera Apostolorum instituissent? Presbyteratus & Diaconatus, quia Apostolica institutione diversa sunt sortiti munia, ideo ut gradus ita ordinis esse diversi censendi: sed quia non placet tibi hac via veritatem indagare, conabor tibi aliam aperire, quamque hisce conclusionibus quæ subjungam palam & planam faciam.

Prima est, *Pastorum nomina & officia tempore Apostolorum fuisse varia & distincta, eaque omnibus ex æquo verbi Divini Ministris propria & communia fuisse, divisaque olim fuisse nomina, sed non munera*, Nomina & officia Pastorum diversa esse apud omnes in confesso est, sed quæ sint Ministerialis muneris nobiliores functiones dubitatur: Apostolus tamen omnem dubitandi ansam tollit Epistola 1. ad Timotheum, *Qui bene præsunt Presbyteri, duplici honore sunt digni; illi maxime qui laborant in verbo & doctrina*: ubi planum est, ut omittam hunc locum pugnare pro duplici Seniorum genere, munus laborantium in

in λόγῳ καὶ διδασκαλίᾳ tanto præstantius esse provin-
ciā *πρεσβυτέρων*, seu Præpositorum & Præsentium
quibus tantum curæ est gregi invigilare, & po-
liticæ externæ regimen demandatum est; quanto
jurisdictio in foro interno, antestat jurisdi-
ctionem in foro externo: Quid quod Apostolus
I. ad Corinth. v. 28. *κεκλήσθαι*, seu illi qui Ecclesiæ
res procurabant & dispensabant, quæ nihil ad
λόγον & διδασκαλίαν attinebant, Pastoribus & Docto-
ribus postponit. Adde appellationes tam gran-
des, quæ tribuuntur laborantibus in doctrina &
verbo Pastoribus, ut non pares, nedum majores
possint dici de iis qui cæteros actus Ecclesiasti-
cos procurant, & disciplinæ Ecclesiasticæ admi-
nistrandæ invigilant; quales sunt *συνεργοὶ Θεοῦ*. I.
Corinth. 3. v. 9. *Genitores filiorum Dei, Oeconomi
Mysteriorum Dei, & Lux mundi*. Ut taceam illud
vulgare, *πρεσβύτερος* nomen esse potestatis, honoris,
& ætatis; *ἐπίσκοπος* vero curationis & administra-
tionis, qualis est Oeconomi, ut Episcopatus sit
non *ἐξουσία ἀνάδυνος*, sed potius *ὑπὸ δυνάμει λειτουργία*.
Denique tanti est laborare *ἐν λόγῳ καὶ διδασκαλίᾳ*, ut
Spiritus Sanctus de missione & vocatione Pasto-
rum agens, videatur innuere ad id tantum missos,
ut verbi Dei essent præcones, denominatione
facta à nobiliori; reliquis actibus Ecclesiasticis
tanquam levioris momenti sub hoc uno com-
prehensis. Sic Paulus dicit se missum fuisse à
Christo, ut annuntiaret Evangelium, & sibi con-
creditam fuisse prædicationem. De missione
ad

ad ἀποχλῶ Episcopalem ἐπὶ γρῶ. Nomina & appellationes Pastorum tam dignitatis & auctoritatis quàm officii promiscuè tribui omnibus verbi Divini Ministris à Scriptura & Patribus, qui primis ab Apostolorum temporibus vixerunt, notum est omnibus qui legere sciunt. Theodoretus comment. in 1. ad Timoth. cap. 3. scribit *Veros Episcopos tunc temporis non Episcopos, sed Presbyteros dici solitos.* Et commentarius qui nomine Ambrosii prodit in Ephes. cap. 4. dicit *Primos Presbyteros appellatos fuisse Episcopos:* & Hieronymus epist. ad Euagrium, & alibi in commentariis plus æquo sedulus super ea re à multis creditur, quasi cum Presbyter esset, Episcoporum ἀποχλῶν limis oculis aspiceret. Idem posset probari ex Chrysostomo, Augustino, Theophylacto & Occumenio: Idem Patres in appellandis Pastoribus non sunt nomen aucupes, & appellationes Episcopi, Presbyteri, Præpositi, Antistitis, & Sacerdotis nullo delectu habito, omnibus promiscuè Pastoribus attribuunt. Tertullianus de Coronâ, Præsentium & Antistitum mentionem facit, pag. 121. sub quibus & Presbyteri intelliguntur: & lib. de fuga in persecutione, dicit Præpositos Ecclesiæ persecutione flagrante fugere non debere. Eusebius Ecclesiast. Historiæ lib. 3. cap. 23. refert locum Clementis Alexandrini de juvene quem Sanctus Johannes Apostolus commendabat cuidam Episcopo,

ὁ δὲ ἐπισκοπῶν ἀναλαβὼν οἰκασθε τὸν ἐκδοθέντα πατρίσκιον
 M
 ἑστρεφῶς,

&c. vocans Presbyterum quem modo Episcopum dixerat. Cyprianus epist. 62. uni plebi plures Præpositos præfuit. Augustinus Ser-mone 234. de Tempore, in una Ecclesiâ plures Præpositos agnoscit, & Homil. ultima ex quin-quaginta cap. 11. *Veniat peccator ad Antistites. per quos illi in Ecclesia claves ministrantur, & a Præpositis sacrorum accipiat satisfactionis sue modum.* nomine Antistitum & Præpositorum tam Pres-byteros quàm Episcopos intelligens. Et Ignatius ad Trallenses dicit se refocillatum ab ^{innumeris} Ecclesiarum. Obiter non possum non mirari magnam ^{admiracionem} cujusdam anonymi, qui nupèrè edidit brevem discursum, quo probat ex Irenæi loco Episcopatum esse Apostolicæ & Divinæ institutionis. Is circa finem dicit se jam attigisse annum sexagesimum secundum & mediam æ-tatis partem impendisse in lectione conciliorum, Patrum, & Historiæ Ecclesiasticæ, apud quos legerit quidem Episcopum nomine Presbyteri vocatum; at nusquam legisse appellationem Episcopi datam fuisse Presbytero. Prudenter fecit hic vir, quod exemerit è choro librorum quos exantlatuit ~~est~~ Scripturam sacram, in qua plusculis in locis Presbyter nomine Episcopi compellatur. Sed si Tertullianum suum rursus evolverit, hunc locum legerit libro de Præscrip-tionibus cap. 3. pag. 231. *Quid ergo si Episcopus, si Diaconus, si vidua, si virgo, si Doctor, si etiam mar-tyr lapsus à regula fuerit? Ubi cum nomen Diaconi*
proximè

proximè excipiat Episcopi vocem, planum est per Episcopum intelligi Presbyterum: & Epistola sub nomine Ignatii ad Heronem ^{μὴν δὲ αἰδὲ} ^{ἡς ἐπισκοπὴν περιέτε} ubi per Episcopos intelligit Presbyteros.

Sed omne feret punctum qui ex Scriptura & in Ecclesiâ ævi quod proximè Apostolos excipit, didicerit officia varia Ministerialis ^{διακονίας} promiscuè in omnes verbi Divini Ministros competere, ut quivis Pastor non solum sit Presbyter, sed & Episcopus, atque ad Presbyterum pertinere munus docendi, regendi, ordinandi, ligandi & solvendi, perinde ac ad Episcopum, nec à Christo nec ab Apostolis institutum nisi unum genus Pastorum, quorum officia pariter ac nomina sunt varia; munera verò indivisa. Epistola 1. Petri cap. 5. Presbyteris munus incumbit tam ^{ἐπισκοπεῖν} quàm ^{ποιμαίνειν} gregem commissum: ubi patet Petrum, vel solos Presbyteros alloqui, posthabito eorum Episcopo, vel nondum ullum Episcopum istis Presbyteris fuisse præpositum. Actorum 20. Presbyteri monentur officii argumento ducto, quod spiritus Sanctus eos præfecit Episcopos toti gregi. Si tunc nomina fuissent communia; officia verò demandata fuissent diversis hominibus; non capio quæ fuisset textus coherencia, & quæ demum illa fuisset hortatio sumpta à sola nominis communicatione, Paulo sic admonente Ephesinos Presbyteros. *Attendite Presbyteri vobis ipsis & gregi, eoque magis ad id*
M 2 *impulsi,*

impulsi, quod etsi sitis Episcopi nomine tantum tenus, notatio tamen nominis vestri Episcoporum, quod commune habetis cum iis qui revera sunt munere & nomine Episcopi, admonet vos officii. Vox ποιμαίνω quæ est pascere & docere, apta similitudine transfertur ad quodvis regimen, sic Apocalyp. 2. v. 27. ποιμαίνῃ αὐτοὺς ἐν πάσῃ τῇ ὁδοῦ πασκέτω τοὺς ἐκ τοῦ ὄχλου μετὰ τὴν πρώτην τῆς ἐκκλησίας. *pascet eos cum virga ferrea.* Sed si uspiam Paulus de diversis gradibus Ministrorum laborantium in verbo & doctrinâ egisset, id sanè fecisset capite tertio. I. Epistolæ ad Timotheum, ubi data opera de Episcoporum & Diaconorum officio tractationem instituit; quo capite meridiana luce clarius est Paulum unam Presbyteri & Episcopi instituere ordinationem, easdemque qualitates in utroque requirere; quandoquidem nec nominibus distinguit eos, nec officiis discriminat. Quocirca postquam Timotheo de ordinatione Episcoporum Canones præscripsit, ad Diaconos transit, nulla Presbyterorum facta mentione, tacitè innuens se non duplicem, sed unicum ordinem constituere Episcopis & Presbyteris communem. Sanè quorum nomina ordinationes & qualitates sunt eadem, illi etiam iidem esse censendi. Chrysostomus Homil. 11. in 1. ad Tim. & Græci scholiastæ, reddentes rationem quare Presbyterorum ordine omisso de Episcopis tantum mentionem facit Paulus: Quia, iniquiunt, ὅτι οἱ ἐπισκόποι καὶ οἱ πρεσβυτέραι ἀρμυνοῦσι. *Quæ de Episcopis dixit, eadem & Presbyteris conveniunt.*

Sed

Sed non illiberale erit paulò accuratius, breviter tamen, disquirere quæ fuerit sententia Patrum & authorum celebrioris nominis qui primis post Apostolorum tempora octingentis annis floruerunt, circa Episcoporum & Presbyterorum ἱερωσύνην, iis locis solummodo à me in medium adductis, quæ à paucis aut nullis video proferri ad patrociniū causæ quam defendimus.

De Clemente & Polycarpo in superioribus dictum est. Hujus verba sunt, Epistolâ ad Philippenses, *ὅτιν ἀπὸ πάντων τούτων ὑποτασσάμενοι τοῖς ἐπισκόποις καὶ διακόνοις, ὡς Θεῷ καὶ Χριστῷ*, *Abstinerere vos ab omnibus his oportet subiectos Presbyteris & Diaconis, tanquam Deo & Christo.* Quid quod Polycarpus non inscribit se Episcopum, nec adjungit sibi quemquam Episcopum singularem collegam, sed Presbyteros secum sociat: *Πολύκαρος καὶ οἱ συν' αὐτῷ ἐπισκόποι.* Unde plura exculpo, 1. Polycarpum non se gessisse erga Smyrnenſes Presbyteros instar ἡγεμῆος & προεστώτος, sed collegæ & Cōpresbyteri, atque ejusmodi κοινῶς seu consortis Ministerii, qualis dicitur fuisse Irenæus Photino apud Eusebium lib. 5. cap. 2. Historiæ Ecclesiasticæ. 2. Nulum agnovisse Episcopum Presbyteris suprapositum inter Philippenses. 3. Polycarpum agnovisse Episcopos & Presbyteros eisdem fuisse tempore Apostolorum, & credidisse nullum extare Ministerii gradum eminentiorem supra Presbyteratum. 4. Ecclesias tempore Polycarpi gubernatas fuisse communi Presbyterorum consilio.

Hermas, an Hermes, Pauli Discipulus, cujus scriptio (utcuq; dubiæ fidei sit, attamen antiqua est) Sedulio ca. 16. ad Romanos videtur Divinitus inspirata, quemque Hieronymus inter primos Ecclesiasticos Scriptores enumerat, ejusque librum dicit in quibusdam Ecclesiis Græciæ prælegi: ejusdem planè est sententiæ circa *ιστορίας* Pastorum, cujus est Polycarpus, lib. 3. similitudine 8. perstringit ambitionem quorundam Pastorum qui, quòd se existimarent cæteris vel doctiores, vel præstantiores, *πρωτέρον* sibi usurpabāt, & per id dabant occasionem schismati. In opere quem pro genuino recepit Ecclesia, nullius formæ administrationis in Ecclesia meminit, nisi ejusquam constituerunt Apostoli per Presbyteros pari autoritate & dignitate præditos. Per Seniores autem quos lib. 1. visione primâ, dicit Ecclesiæ præesse, ejusmodi Pastores intelligit, quos Jacobus vocat *πρεσβυτέρους τῆς ἐκκλησίας*. Visione 3. stru-cturæ sanctæ, lapides dicit esse *Apostolos, Episcopos, Doctores & Ministros qui ingressi sunt in clementia Dei, & Episcopatum gesserunt & docuerunt, & ministraverunt sanctè & modestè electis Dei qui dormierunt, quique adhuc sunt, & semper convenerunt: oleum extrahet ex pumice, qui hic reperiet Episcopos à Presbyteris distinctos.*

Irenæus passim inculcat Episcoporum & Presbyterorum Synonymiam: sic lib. 3. cap. 2. dicit *provocandum esse ad traditionem, quæ per successionem Presbyterorum ab Apostolis in Ecclesia custoditur.*

jur. lib. 4. cap. 43. & 44. dicit *obediendum esse Presbyteris qui successionem habent ab Apostolis*; unum planè ibi, ac passim alibi ordinem faciens Episcoporum & Presbyterorum. Idem apud Eusebium lib. 5. cap. 23. Victorem Episcopum Romanum admonens officii in dissidio circa observationem Paschatis, vocat Soterum qui Victoris erat decessor, Presbyterū : Eleutherium verò, Anicetum & alios antecessores dicit fuisse Presbyteros; ut taceam Irenæum non obtinuisse eam Episcopatus ~~sed~~ Lugduni, quam fingant nobis Episcoporum patroni.

Origines, tametsi passim mentionem facit Episcoporum & Presbyterorum tanquam Ministerii gradus suo tempore distincti; non videtur tamen multum efferre Episcopatum supra Presbyteratum, ut qui Homil. 6. in Esaiam in Episcopis reprehendit ~~philosophos~~ urgetque illud Marci cap. 9. vers. 35. quo Dominus ambientem primatum ad infima detrudit. Qui (inquit) *Episcopus vocatur ad Episcopatum, non vocatur ad principatum, sed ad servitutem totius Ecclesie*. Tractatu in Matthæum cap. 38. membra Ecclesiæ dividit in caput, quod est Christus; oculos, qui sunt Sacerdotes; & manus, seu Diaconos & cæteros Ministros: Vult autem Sacerdotes ideo oculos dici, quia speculatores sunt & gregi invigilant: In eaque allegoria postmodum diutius hæret, Sacerdotes nullo discrimine à se invicem separans.

Eusebii quæ fuerit sententia circa Episcoporum & Presbyterorum identitatem non est facile exculpere ex ejus historia, in qua ut plurimum narrationes texit, quales habet ab Irenæo, Tertulliano, Origene & Clemente Alexandrino; præsertim verò ubi res nobis est cum Hierarchicis qui videntes Eusebium recensentem catalogum clarorum virorum qui successivè in quaque provincia & urbe floruerunt ab Apostolorum temporibus, protinus avidè pro *ἐπισκοπῇ* Episcopali id arripiunt, quasi nacti tot singulares Episcopos uno filo deductos ab Apostolis prærogativâ non tantum *ἐκκλησιαστικῆς*, sed & jurisdictionis & ordinationis Presbyteris superiores; passim tamen non obscurè fert unum genus pastorum successionem sibi vindicare ab Apostolis in munus docendi & regendi gregem; nec alios Pastores ab Apostolis præpositos diversis cœtibus Christianæ plebis, nisi qui erant Apostolorum Discipuli pari honore & potestate præditi. Lib. 3. Ecclesiast. Historiæ cap. 34. *Impossibile est nobis nominatim recensere omnes qui aliquando in primâ Apostolorum successione in Ecclesiis per orbem sparsis Pastores aut Evangelistæ extiterunt.* Hic sanè vel statuuntur Pastores omnes, sive Episcopi, sive Presbyteri Apostolorum successores; vel per pastores soli Episcopi *ἐκκλησιαστικῆς* presbyteris superiores sunt intelligendi. Sed quod subjicit Eusebius, omnem dubitationis scrupulum evellit; addit enim Clementis Epistolam ad Corinthios
istius

istius successionis in Ecclesiis per orbem mentionem facere ; in qua quidem Clemens non aliorum meminit pastorum ab Apostolis constitutorum, à quibus Ecclesia gubernabatur quàm Presbyterorum qui etiam Episcopi nuncupabantur. Quid quod cap. 20. ejusdem libri ex Clemente Alexandrino refert, cum post mortem Domitiani Johannes ex Insula Patmo reversus esset Ephesum, inde divertisse ad vicina loca, ut in quibusdam locis constitueret Episcopos ; in aliis ut integras institueret Ecclesias : nempe dicit à Johanne oppidatim Presbyteria constituta fuisse ; neque enim mentionem facit unius Episcopi pluribus oppidis præfecti, multo minus unius Episcopi in singulis urbibus aut pagis, Presbyteris præpositi ; nam qui oppidulum commisisset regimini singularis Episcopi & Presbyterorum collegii ; cum abunde fuerit si ei oppidulo affixus fuit Presbyter unus ; qui tamen inibi dicitur Episcopus constitutus ab Apostolo Johanne. Non leve est quòd Eusebius, qui passim mentionem facit Episcoporum, Presbyterorum & Diaconorum, tanquam muneribus discrepantium ; nunquam tamen Episcopis, vel Presbyteris includat Diaconos ; qui quia re differunt, ab Episcopis & Presbyteris, ideo semper voce signata distinguit : Episcopos verò sæpe pro Presbyteris, & vicissim Presbyteros pro Episcopis usurpet ; tacitè insinuans, non tantum intercedere discriminis inter Episcopum & Presbyterum,

N

quantum

quantum inest inter Diaconos & Episcopos vel Presbyteros. Lib. 7. cap. 27. postquam dedit nomina illustriorum Episcoporum, qui synodo Antiocheno adversus Paulum Samosatenum interfuerunt, subjicit, *Poterit autem aliquis innumerare etiam alios Presbyteros connumerare, qui ob eandem causam Antiochiam venerunt; verum inter illos illustriores erant isti quos recensui.* Quos prius vocaverat Episcopos, demum appellans Presbyteros, vel pari honoris consortio dignans Episcopos & Presbyteros.

Basilii Cæsariensis haud dubium credidit Episcopos & Presbyteros eosdem fuisse tempore Apostolorum, ejusdemque muneris & ordinationis; passim enim affirmat eandem potestatem clavium in ligando & solvendo penes esse tam Presbyteros quàm Episcopos; solaque *sententia* facit Episcopos Presbyteris superiores & potiores. Commentario in cap. 3. Esaia ad comma 3. quo Deus gravi comminatione prædicit fore ut è medio Judæorum tollat Judicem, Prophetam, & Seniore, vult Seniore dici de Ecclesiasticis Senioribus quibus in novo Testamento ait Presbyteros respondere. Mox officium Presbyterorum subjungit, quod prout describitur à Sancto Paulo 1. Timoth. cap. tertio, fusius prosequitur; Episcoporum, eorumque officii diversi ab officio Presbyterorum nullam mentionem faciens: Quin potius alibi locorum indiscretè officium Episcoporum & Presbyterorum pro
ponit;

ponit; veluti in Moralibus, regulâ 71. cap. 1. cuius titulus est, *ὅτι τὰς συνάξεις οἱ πρεσβύτεροι ἀδελφοὶ ἐκινούμενοι ἐπὶ τῷ ἐκκλησιαστικῷ.* Quæcunque conjunctim præcepta sunt de Episcopis & Presbyteris. Sed diserta sunt verba quæ Basilius eodem loco in Esaiam præponit narrationi de Presbyterorum officio. Dicit enim, *Quisquis præfidentia Cathedræ dignus censetur, iamque ascriptus est Presbyterio, seu Presbyteratus ordini.* Græcè est, *ὁ ἐπὶ τῶν καθ' ἡμᾶς ἀδελφῶν ἐκκλησιαστικῶν πρεσβυτέρῳ.* nempe ad ejusmodi Seniores seu Presbyterum dicit pertinere ea officia quæ ad Presbyterum diriguntur; per id demonstrans multa. 1. Neminem debere ordinari Presbyterum qui aptus non fuerit ad *πρεσβυτερίαν*. 2. Episcopum à Presbytero ordine non differre, sed *πρεσβυτερίαν* tantum. 3. Officia quæ Presbytero dicuntur, competere & Præsidibus, saltem *ἐπὶ τῶν καθ' ἡμᾶς* dignis.

Gregorius Nazianzenus noster est Apolog. orat. 1. sub finem, Ecclesiam comprehendit sub cœtu populi & Cathedrâ Presbyterorum, *ἀλλὰ πᾶς ὁ ἴσους ἀδελφὸς ἐν ἐκκλησίᾳ καὶ πρεσβυτέρῳ ἀδελφῷ ἐκκλησιαστικῷ.* Paulo post, *Quid longiori oratione opus est? habetis δὲ Pastores & collegæ; habes nos δὲ Christe Principe Pastorum digne: Habes δὲ Pater ad omnia victum, magisque secundum Christi leges quàm externas tuæ potestati subiectum.* orat. 26. verba faciens de regimine & ordine qui in Ecclesia observari debet, *Constituit ut alii sint oves, alii præsent, Pastores quicumque sint, Præfecti nuncupantur; neque enim credibile*

bile est Presbyteros ovibus accenseri; addit, *Ac Spiritus Prophetarum Prophetis subijci, cum Paulus ipse affirmet, non est cur de ea re dubites, & quosdam, inquit, posuit Deus in Ecclesiis primum Apostolos, secundò Prophetas, tertio Pastores & Doctores*: De discrimine Episcoporum & Presbyterorum altum ubique silentium: Quin, non agnovit munera Episcopi diversa esse à Presbyterorum Ministerio; nam paulò post multus est ut probet Pastorum esse docere & regere: verba sunt notatu digna, *τι παντὶ ποιῶς ποιῶσα, οὐκ ἔστιν ὅς τι γὰρ κατὰ τοὺς ἄλλους;* *Quid Pastoris munus tibi arrogas, cum ovis sis? Quid caput efficeris, cum pes sis?* omnino capitis voce tam Presbyterum quam Episcopum comprehendens.

Paulinus Augustino coætaneus quem Isidorus libro de viris illustribus, cap. 17. dicit, *Meritis Apostolorum non imparem fuisse*, fortiter pugnat pro Pastorum *ἐπιστολή* neque enim Divinâ institutione agnovit quemquam Ministerii gradum supra Presbyteratum eminere. Epistola 6. ad Severum pag. 101. in una pagina dicit se sacerdotem factum, & initiatum Presbyteratui, de quo eâdem Epistolâ loquitur, tanquam de supremo fastigio dignitatis sacerdotalis. Et epistola 23, ad Amandum ait, cum factus est Presbyter, collocatum fuisse cum Principibus & inter sacerdotes populi, eadem verba adhibens, quibus gratulatur Augustino ob Episcopatum adeptum in Hippone urbe, *Te in sede Apostolica cum Principibus*

bus populi sui meritis collocavit; per ea duo innuens. 1. Non magna differentia discrepare Episcopum à Presbytero, quandoquidem ambo confidunt cum Principibus populi. 2. Augustinum non fuisse singularem Episcopum apud Hipponenses suos, ut testatur idem Paulinus: Nec leve est quod ipse Paulinus non fuerit Episcopus, ut commentator fidem facit, utcumque vulgò nuncupetur Episcopus Nolanus; sed titulum Episcopi adeptum credibile est, quia cum eo tempore non esset tanta discrepantia inter Episcopum & Presbyterum, quanta postmodum intercessit; quisquis vel doctrina vel sanctitate & prudentia inter æquales erat conspicuus, sic audiebat, quasi solus Ecclesiæ ἡγουμένη gereret: Sed longè præcipuum, est & ad rem facit, quod Epistola 43. inter varias quæstiones quarum solutionem rogat Augustinum, ad quem scribit, petit sibi distingui Ministerii *ἡγουμένη* quæ habentur cap. 4. vers. 11. Epistolæ ad Ephesios. *In his enim* (inquit) *nominibus simile & prope unum doctrinæ officium video fuisse tractatum.* Paulò post. *Inter Pastores & Doctores quid intersit dignoscere volo;* ubi duo observa. 1. Paulinum credidisse nihil interesse inter Pastores & Doctores. 2. Non hæsitasse circa Pastorum discrimen, sed rogasse tantum, nunquid Pastores alii essent à Doctoribus?

Augustinum ideo postpono Paulino, quia apud eum reperio responsum ad suprapositu-

tum interrogatum, quæque extat in commentario Epistolæ ad Ephesios ad paragraphum qui integer destinatur ad quæstionis elucidationem. Verba ejus sunt, *utrumque nomen Pastorum & Doctorum Præpositis Ecclesiæ ascribi solet.* Paulò post subjicit Pastores & Doctores, quos maxime ut discernere voluisti, eosdem pnto esse, sicut & tibi visum est, ut non alios Pastores, alios Doctores, sed ideo cum prædixisset Pastores, subjunxisse Doctores, ut intelligerent Pastores ad officium suum pertinere doctrinam, ideo non ait, Quosdam autem Pastores, quosdam verò Doctores. Unde hæc duo deduco.

1. Augustinum agnovisse perinde Presbyteros ac Episcopos esse præpositos Ecclesiæ, siquidem utrisque competit appellatio pastorum & Doctorum. 2. Nec agnovisse nisi unum genus præpositorum, quòd continet in se tum Episcopos tum Presbyteros; nam si Augustinus credidit diversas *χρησίδας* appellationes muneribus esse indivisas, quanto magis verisimile est existimasse nuncupationem singularis gratiæ seu præsentitiæ in unum Pastoris genus quadrare; ut non sit tam absortum nomina Pastorum & Doctorum distincta esse muneribus, quàm incongruum est asserere singularem titulum Præsidentis in Ecclesia muneribus discriminari, & ad duo Pastorum genera pertinere. Sed antequàm Augustino valedicam, non est prætereundus locus luculentus & illustris desumptus ex autore quæstionum veteris & novi Testamenti Augu-

stino

fimo ascriptus, vel potius, ut placet Rev. Riveto,
 ascribendus auctori commentarii in Epistolas
 Pauli, qui prodit sub nomine Ambrosii. Verba
 sunt. *Nemo ignorat Episcopos Salvatorem Ecclesis
 instituisse; ipse enim priusquam in cælum ascenderet
 imponens manum Apostolis ordinavit eos Episcopos.
 Hoc Apostolus Spiritui Sancto deputat, cum dicit,
 Attendite vobis & omni gregi in quo vos Spiritus
 sanctus posuit Episcopos, regere Ecclesiam Domini
 Jesu.* quæst. 97. tom. 4. Hic omnia plana; nempe
 insinuat Apostolos eo modo ordinatos Episco-
 pos, quo Actorum vicesimo Spiritus Sanctus dici-
 tur ordinasse Ephesinos Episcopos qui utrique
 Presbyteri erant, ut quemadmodum Spiritus
 Sanctus duodecim Apostolos ordinavit Episco-
 pos ejusdem potestatis & Ministerii, sic Apostoli
 ordinaverint unum genus Pastorum, qui neque
 autoritate, neque munere impares essent. Nec
 leve est quod dicit Augustinus epist. 19. ad Hie-
 ronymum, Episcopatum Presbyterio majorem
 esse secundum sola honorum vocabula, quæ jam
 Ecclesiæ usus obtrivit.

Tertullianum, Cyprianum, Ambrosium, Chry-
 sostomum, Hieronymum & Theodoretum pene
 sicco pede prætereo, quia vulgaria sunt loca quæ
 ex hoc locuplete penu depromi solent. Quid
 quod vereor, si tam longo itineri me committo,
 ne studio laborem fallente in nimiam molem
 assurgat hæc dissertatio. Tantum ausim affirmare,
 utcunque plerique eorum plus æquo tribuant

conexi Episcopali humanâ consuetudine gradum obtinenti dislitum à Presbyteratu, in eam tamen ferme omnes conspirasse sententiam, ut crederent discrepantiam Episcoporum à Presbyteris non fluxisse ab Apostolis; nec longè ab Hieronymo dissentisse, qui censuit Apostolorum ætate nullum intercessisse discrimen inter Episcopos & Presbyteros, neque gradus, neque honoris; Ambrosium secutus qui non credidit Episcopos tempore Apostolorum peculiari quadam prærogativa & authoritate præpositos fuisse Presbyteris; quique pertendit commentario in Epistolam ad Timotheum, & passim alibi, Episcopi & Presbyteri unam ordinationem esse. His se adjungit Theodoretus, qui commentario in caput quartum epist. ad Timotheum, & in cap. 1. epist. ad Philipenses, affirmat Episcopos & Presbyteros re & nomine indiscretos fuisse Apostolorum ævo. Ipse Chrysostomus, qui aliquot locis vult Apostolorum ætate sola nomina Pastorum fuisse communia, alijs affirmat inter Episcopum & Presbyterum paululum interesse, solâque ordinatione Episcopos Presbyteris superiores esse. Nec Tertullianum & Cyprianum eximo à choro faventium Episcoporum *in obsequio*. Nec quod in Tertulliano, lib. de præscriptione Hæreticorum, cap. 32. ostentant Hierarchici, officit nobis; imò causam nostram juvat; nec tam ibi loquitur de successione personarum, quam de successione doctrinæ, & uti loquitur, de traditione

ductione seminis Apostolici, seu doctrinæ quæ comparata cum hæreticorum doctrina pronuntiabit an successio sit Apostolica; quam quidem doctrinam Apostolicam cum Presbyteri successione acceperint ab Apostolis, eamque prædicatione sua ad succedentes Presbyteros transmittant; nulla causa est quin dicantur successores Apostolorum. Quid quod grande est *ἀντιμα* quo præsupponunt à Tertulliano Episcopos dici de singularibus & localibus Episcopis potestate ordinationis & jurisdictionis supra Presbyteros eminentibus. Nec leve est, quod ibidem Tertullianus ad legitimam successionem dicit sufficere, ut si non ab Apostolis, saltem ab Apostolicis viris, qui cum Apostolis perseverarunt deducta fuerit: Jam quis nescit potuisse tempore Tertulliani in multis pagis & vicis deduci perpetuo filo successionem Presbyterorum, qui tempore Apostolorum inibi constituti sunt Presbyteri, quique Apostolici viri fuerunt. Sed nec ex Cypriano, qui plurimum indulget Præsentia quam sustinebant suo tempore Episcopi; exculpunt Hierarchici, quod volunt in gratiam Episcoporum: Quisquis enim librum de unitate Ecclesiæ attentè legerit, compererit, Cyprianum in ea sententia fuisse, ab Apostolis institutos Pastores ejusdem potestatis & honoris, quorum consilio Ecclesia regebatur: Etenim inibi non obscurè docet talem esse differentiam inter Presbyteros & Episcopos, qualem inter Apostolos

los & Petrum; Apostolorum tempore Ecclesiam constituisse uno grege, & pluribus Pastoribus; hos Pastores fuisse Apostolos pari consortio honoris & potestatis præditos, gregem unanimi consensione pascentes; *Et quod fuit Petrus, hoc utique cæteras Apostolos fuisse; exordium tamen potestatis ab unitate profectum, hoc est, ab uno Petro, ut Ecclesia una monstraretur. Quam unitatem (inquit) firmiter tenere & vindicare debemus, maxime Episcopi quæ in Ecclesia præsidemus, ut Episcopatum quoque ipsum unum atque indivisum probemus. Et paulo post, Episcopatus unus est, cujus à singulis in solidum pars tenetur.* Nempe insinuat, ut tempore Apostolorum unitas Ecclesiæ servata fuit ab omnibus Apostolis, & à Petro fluxit, ut cunque non esset major cæteris Apostolis; ita amotis Apostolis, unitatem servandam ab omnibus Pastoribus pari autoritate præditis, sed præsertim ab Episcopis, à quibus eo modo pendet exordium honoris & potestatis, quo superstitibus omnibus Apostolis ab uno Petro manavit, qui id fuit cæteris Apostolis, quod Episcopi sunt reliquis Pastoribus; verisimile enim est Cyprianum credidisse ejusmodi partes prædis datas Petro supra Apostolos, quibus Episcopi superiores sunt Presbyteris.

Sedulius Scotus, commentario in epist. ad Timotheum, cap. 3. dicit Presbyteros in nomine Episcoporum comprehendendi. Idem in caput 1. epist. ad Titum disertis verbis asserit, tempore Pauli eosdem

eosdem fuisse Episcopos & Presbyteros: ad cuius rei confirmationem ipsa Hieronymi verba resumit, & concludit, *Hæc propterea ut ostenderemus apud veteres eosdem fuisse Presbyteros quos Episcopos, paulatim verò ut dissensionum plantaria evellerentur, ad unum omnem sollicitudinem esse delatam.* Ibidem docet Titum non fuisse relictum in Creta, ut insulæ toti præponeretur Episcopus, sed ut rudimenta nascentis Ecclesiæ confirmaret.

Primasius Episcopus Africanus, Augustini discipulus, in cap. 4. epist. ad Ephesios, v. 11. *Pastores sunt Sacerdotes: Doctores quicunque sunt idonei ad alios instruendos; omnes ergo Pastores, etiam Doctores, etiam Pastores: nullum ponens discrimen inter Pastores & Doctores, nedum Pastores à se invicem ullâ discrepantiâ distinguens: & in epist. ad Timoth. cap. 3. Queritur cur de Presbyteris nullam facit mentionem? sed in Episcopis etiam Presbyteros comprehendit, quia secundus & pene unus est gradus, sicut multis Scripturæ testimoniis comprobatur: & cap. 5. in primam ad Thessalonicenses dicit, qui præstant Ecclesiæ Thessalonicæ congregatæ fuisse Doctores & Sacerdotes seu Presbyteros; singulari Episcopo nullam scamni partem quam premat indulgens. Idem commentario in caput 2. Apocalypsi pluribus probat, Johannem non intellexisse per Angelum unum, singularem Episcopum, sed Ecclesiæ particularis coetum, Non septem Angelis, sed septem Ecclesiis scribit. Paulo post. Omnes*
 O 2 *Ecclesias*

Ecclesias docet, quia dicit; Qui habet aures, audiat quod Spiritus dicit Ecclesiis.

Remigius Episcopus Rhemenfis, qui floruit circa annum D. 540. commentario (qui dubium an potius sit Haymonis Halberstatensis) in Epistolam ad Philippenses, nullum agnoscit singularem Episcopum Philippis, Paulo scribente suam Epistolam. Ad caput 3. epist. ad Timotheum verba ejus sunt. *Tacuit de Presbyteris quia in ordine Episcopali comprehenduntur.* Porro Haymo in cap. 4. Cantic. dicit Pastores à Christo institutos, fuisse *Doctores & Prædicatores, quorum caput sit Christus*: mirum ni in hac voce *Doctorum* Episcopi lateant.

Gildas Monachus Anglus qui floruit circa annum 580. unum tantum genus Pastorum in Ecclesia agnovit, idque ab Apostolis institutum; & toto opere suo, Episcoporum & Presbyterorum officia unâ sede eâque sacerdotali includit, quam & non uno loco Apostolicam vocat; nec compellat Episcopos & Presbyteros, nisi conjunctim & sub appellatione Sacerdotum, vel Pastorum; Ipse titulus operis tantundem dicit, *De conquestu in Reges, Principes & Sacerdotes.* Fol. 34. verba ejus sunt. *Videamus igitur quid Evangelica tuba mundo personans inordinatis Sacerdotibus eloquatur; non de illis (ut jam diximus) qui Apostolicam sedem legitime obtinent, nobis sermo est.* Quis crediderit Apostolicam sedem cessasse duobus Pastorum generibus: circa operis

operis finem, sacerdotes dicit esse Apostolorum successores.

Isidorus Hispalensis qui septimo sæculo clarus fuit, propugnator est acerrimus Pastorum *isotripas*. Libro 2. de officiis Ecclesiasticis, cap. 7. Presbyteris sicut Episcopis dispensatio mysteriorum Dei commissa est; præsumt enim Ecclesiis Christi: & paulo post, Apostolus Paulus eosdem Presbyteros ut verè Sacerdotes sub nomine Episcoporum asserit. Et paulo infra, Ad Timotheum de ordinatione Episcopi & Diaconi scribens, de Presbyteris omnino tacuit, quia eos in Episcopi nomine comprehendit. Et sentent. lib. 5. quinque infumit capita in describendis officiis Præpositorum, sub quibus Presbyteri intelliguntur; nam postmodum deserto capite agit de Prælatis seu Pastoribus sæculari potestate vestitis.

Venerabilis Beda in nostram sententiam concedit. Is, quod passim facit, describens officia Pastorum, illis concludit tam Episcopos quàm Presbyteros, ut videre est tomo 3. in Evangelium Johannis [cap. 21. Homilia æstivali de sanctis tom. 5. multus est ut probet Ecclesiam commissam fuisse Petro, hoc est, Ecclesiæ Pastoribus, nullo discrimine Pastorum facto. Ibidem in fine Homiliæ, Quod Petro dictum est, Pasce oves meas, omnibus utique dictum est. Hoc namque fuerant ceteri Apostoli quod fuit Petrus; Pastores sunt omnes, sed grex unus ostenditur qui ab Apostolis omnibus tunc unanimi consensione pascebatur, &

deinceps a successoribus eorum communi cura pascitur. Hic Beda duo vult. 1. Successores Apostolorum perinde inter se æquales esse ac Apostoli fuerunt. 2. Ecclesiam post Apostolorum tempora regi debere communi omnium Pastorum consilio, quemadmodum olim Apostoli in commune Ecclesiam regebant.

Alcuinus seu Albinus, qui floruit circa annum 780. Libro de Divinis officiis, capite de tonsura clericorum, non longè abfuit ab Hieronymi sententia. *Sciendum autem, quod primis Ecclesie temporibus, etiam Presbyteri, Episcopi vocabantur; sed postmodum, utili satis provisione constitutum est, ut hoc nomen solis Pontificibus tribuatur; Presbyterisque ascribit parem cum Episcopis auctoritatem ligandi & absolvendi, solis Episcopis reservatâ prærogativâ sacrum chrisma conficiendi, & baptisatos fronte signandi. Et paulo post cap. quid significant vestimenta, hæc habet, Episcopi & Sacerdotis pene unum officium est.*

Amalarius qui vixit circa annum 800. lib. 2. de Ecclesiasticis officiis, cap. 13. *De Presbyteris* prolixus est, probando per Scripturam & testimonia Ambrosii & Hieronymi, Episcopos & Presbyteros planè eisdem esse; & utrosque debere communi consilio Ecclesiam regere; & si quid habent Episcopi supra Presbyteros, id totum debere acceptum referre humanæ institutioni & consuetudini.

Rabanus Maurus qui vixit Anno Domini 840.
agmen

agmen claudet, in quo vel in causa pene profligata ubi res ad triarios rediit, plus satis est subidii, quo ~~etiam~~, qualem cōminiscuntur in Episcopis, victam se fateatur, & pro tam diu usurpata potestate in Presbyteratum, veniam postulat Is. tom. 1. lib. 4. de universo cap. 5. *Apud veteres idem & Episcopi & Presbyteri fuerunt, quia illud nomen dignitatis est, hoc ætatis*, Ideo autem Presbyteri Sacerdotes vocantur. Idem tom. 5. comment. in epist. ad Tim. c. 3. *Si quis Episcopatum desiderat, bonum opus desiderat. Bene opus dixit, & non dignitatē; nec enim dignitates sunt Ecclesiasticæ functiones, sed opus; ed quod unumquodque horum pro communi esse utilitate constituitur, sive Episcopatus sive Diaconia; Episcopatu Presbyteratum includens.* Eodem capite movet quæstionem cur Paulus omiserit Presbyterorum officia; ad quam respondet, nequaquam à Paulo prætermissa. *Illæ enim quæ de Episcopis in anterioribus dixit, etiam & de illis dicis qui nunc nominantur Presbyteri, ed quod antiquis temporibus utrisque his nominibus vocabantur Presbyteri.* Paulo post, Presbyteri perfectam dispensationem & authoritatē Ecclesiasticā Ministerii ipsi tunc commissam habebant. Per id docens, unum idemque munus cum pari potestate & honore tempore Apostolorum omnium fuisse Pastorum, quod postmodum duorum Pastoris generum fuit: Nec finis est: nam in sequentibus Rabanus eadem argumenta reponit quibus Hieronymus & Acrius usi sunt ad astruendam Episcopi & Presbyteri identitatem.

identitatem. Nec minus expressus est lib. 1. de institutione clericorum cap. 6. *De Presbyteris.*

Astipulantur celeberrimi quique Pontificiorū. C. nullus: distinct. 60. *Sacros ordines dicimus Diaconatum & Presbyteratum; hos enim solos habuisse legitur primitiva Ecclesia.* Idem dicit Lombardus lib. 4. sentent. distinct. 21. verba sunt Iohannis Parisiensis, libro de potestate Papæ à Sorbonna approbato; *Presbyteri non sunt inferiores Pontificibus quoad essentialē ministerii dignitatem.* In eadem sententia fuerunt Hugo Cardinalis in cap. 1. epist. ad Titum; Lyranus comment. in eandem Epistolam; Marsilius Patavinus, Defensore pacis, part. 2. cap. 15. & Iodocus Coccius, tom. 2. lib. 8. art. 2. & multi alii, à quibus descivit Belarminus Præsulum Hierarchiæ grandis patronus. His se adjungit Erasmus annotationibus in 1. ad Timoth. 4. & in 1. Petri cap. 5. Expressus est Cassander in consult. art. 14. *An Episcopatus inter ordines Ecclesiasticos ponendus sit, inter Theologos & Canonistas non convenit: convenit autem inter omnes in Apostolorum ætate, inter Episcopos & Presbyteros nullum discrimen fuisse; sed postmodum schismatis evitandæ causâ Episcopum fuisse Presbyteris præpositum, cui $\chi\epsilon\rho\tau\omicron\upsilon\lambda\iota\alpha$. i. e. ordinandi potestas concessa est, sine qua ordinandi distinctione, pax vel politica vel Ecclesiastica retineri vix possit.*

Hæc cum ita sint (id dictum sit obiter) indulgeant Episcoporum patroni nobis, qui extra Angliam Episcopis caremus, si sequimur scripturam ducem

scripturam ducem, in illa Episcopi & Presbyteri
^{trouit} quam obtinuiffe Apostolorum auctoritate
 stantur Patres & assentiuntur aduersarii; sique
 schismatis morbo expertes, non recurrimus ad
 remedium. Fuit ergo in Lanceloto Episcopo Win-
 toniensi magna ^{delectatio}, ne dicam temeritas, ist-
 hac tanquam de tripode pronuntiante, respon-
 sione 1. & 2. ad Epistolas Petri Molinæ, *Nullam*
uspiam Ecclesia politior magis ad mentem Scripturæ
magisque ex more institutoque veteris Ecclesiæ, quàm
quæ viget hîc apud Anglos: Nam præterquam
 quod testimonio Scripturæ & authorum proxi-
 mæ allegatorum demonstratur regimen Ecclesiæ
 per Episcopos qualescunque, jurisdictionis & or-
 dinationis ^{præter} supra Presbyteros eminentes,
 repugnare ipsi Scripturæ; meridiana luce clarius
 est moderamen Ecclesiæ per Episcopatum qualis
 hæcenus in Angliâ obtinuit, immensum distare
 ab Episcopatu primitivæ Ecclesiæ, quemadmo-
 dum in superioribus palam feci.

Secunda Conclusio est, *Timotheum, Titum,*
Marcum, &c. fuisse Apostolos secundæ generis, &
Apostolorum delegatos ad constituendas Ecclesias
nulli Ecclesiæ addictos; quod quidem patet ex iis
 quæ de Episcopatu Timothei & Titi ante scrip-
 simus, & luculentius probatur in celeberrimi
 Salmasii Walone Messalino contra Petavium,
 cujus editionem audio maturari.

Tertia Conclusio est. *Tempore Apostolorum &*
diu post Apostolos, Presbyteria seu Collegia Presbye-

rorum oppidatim fuisse constituta nulla prepositio
 Episcopo. Ad cujus conclusionis probationem
 opera pretium est, recensere collegia Presbyte-
 rorum, quorum fit mentio in novo Testamento.
 Primus,isque nobilissimus est, Ierosolymitanus.
 Plurimum in uno versu fit mentio Actorum 14.
 v. 23. quo Paulus & Barnabas per singulas Ec-
 clesias creant Presbyteros; & Epistola ad
 Titum, in qua Paulus dicit se Titum in Creta
 reliquisse ut oppidatim crearet Presbyteros, hoc
 est, coetus & Collegia Presbyterorum, quorum
 communi consilio unaquaque Ecclesia particu-
 laris regebatur. Theodoretus exponit *καὶ ἐν ἑκάστη πόλει*
καὶ ἐν ἑκάστῳ ὀπισκοπεῖον, ut mens sit, Titum Collegium
 Presbyterorum in unaquaque civitate consti-
 tuisse. Fuit & Ephesi collegium Presbyterorum
 Act. 20. 17. Necnon Philippis, epist. ad Philip.
 cap. 1. v. 1. & Thessalonicæ cap. 5. v. 12. ut &
 Corinthi: nec dubium est quin Petrus, 1. epist.
 cap. 5. compellet Presbyterorum collegia eis
 locis constituta, ad quæ catholica Epistola erat
 perventura. Sic Iacobus cap. 5. v. 14. dum jubet
 ab ægrotis accersi Presbyteros, innuit duodecim
 tribus diversa habuisse Presbyteria. Isthis Pres-
 byteris nullum præfuisse Episcopum tempore
 Apostolorum facile est colligere, faciã *οὐκ ἔστιν*
 Scripturæ locorum quæ Presbyteriorum mentio-
 nem faciunt. Collegio Presbyterorum Hiero-
 solymitano volunt Iacobum Apostolum præfe-
 ctum fuisse Episcopum, testimonio Eusebii &
 Hieronymi.

rebus humanis exemplo successisse in Jacobi locum alium Episcopum pari potestate per omnia præditum quoad *ἐπισκοπικὴν* Episcopalem: Aut an si Jacobus extraordinaria vocatione & privilegio præfuit tanquam alter Dictator regimini Ecclesiæ Hierosolymitanæ; continuo ordinari Pastores ad moti gubernationi Ecclesiarum ejusmodi *ἐπισκοπικὴν* in exemplum traxerunt? Quid quod ut Apostoli in commune Ecclesias omnes regebant, Paulo de se dicente, 2. Corinth. 11. v. 28. se habere curam omnium Ecclesiarum; sic neque soli, sed communi Presbyterorum cujusque collegii consilio unamquamque Ecclesiam regebant, Act. 15. v. 6. *Ἀποστολὴ καὶ πρεσβύτεροι συνέκρινον* ut disceptarent de hoc negotio. & vers. 22. Placuit Apostolis & Presbyteris, ex suo cœtu selectos viros mittere cum Paulo & Barnaba. Nec constat cui in hoc concilio Hierosolymitano datum fuerit *ἐπισκοπικὸν* munus. Etenim Petrus aperuit Concilium, quod postea Jacobus clausit: Estque quod mirer, si Jacobo fuit jus Episcopatus, qui factum sit quod in electione Diaconorum Actorum sexto Hierosolymis facta, Lucas retinuerit, illi primas obtigisse partes; quin potius dixerit eam electionem factam fuisse communi duodecim Apostolorum sententia. Sed revera crediderim, Apostolis relicta Hierosolymā & ad varias regiones profectis, Jacobum tum demum præcipuam curam Ecclesiæ Hierosolymitanæ suscepisse; sic dicente Hegesippo lib. 5. commentariorum;

tariorum; ita tamen ut ei non affixus esset ordinarius seu Pastor seu Episcopus, sine quo collegium Presbyterorum Hierosolymitanum fuisset corpus capite expers; aut ei non licuerit ἀνοτελεπισκοπῆν, ne si aliarum Ecclesiarum curam gereret, obnoxius fuisset censuræ Canonis 20. Concilii Constantinopol. 4. quo Episcopis decernitur munere Presbyteri fungi, si extra diocesim docentes deprehensi fuerint. Sed & hic notandum Iacobum non tam dici Episcopum Hierosolymitanum, quàm Episcopatum suscepisse cum Apostolis, ut videre est in Eusebio lib. 2. cap. 22. & Ruffini verba sunt apud Eusebium cap. 20. *Suscepit Ecclesiam cum Apostolis frater Domini cognomento Iustus.* Neque ullus præerat Episcopus Philippis, quando Paulus ad Philippenses scripsit, ut qui in ipso limine Epistolæ non alios compellat quàm Episcopos seu Pastores in verbo laborantes, & Diaconos quibus pauperum cura erat demandata. Porro Epaphroditus quem Philippenses cum munere ad Paulum miserunt, unus erat de illo cœtu Presbyterorum: saltem non erat Episcopus Ecclesiæ Philippis congregatæ; quanquam potuit unus esse ex συναγῶγῃ Pauli ejusque delegatis ad specialia munera: Ideo à Paulo, & Theodoro vocatur Apostolus Philippensium. Quid quòd Polycarpus ad Philippenses scribens meminit tantum Presbyterorum & Diaconorum, quibus præcipit ut subiecti sint, nulla Episcopi facta mentione. Ut nec ullus

Theſſalonica præpoſitus erat Epiſcopus, utcun-
 que quidam velint Sylvanum ibi Epiſcopum
 fuiſſe; Paulo Theſſalonicenſes in hæc verba
 graviter commonefaciente cap. 5. verſ. 12. *Rõ-
 gamus vos fratres, ut agnoſcatis eos qui inter vos
 laborant, & præſunt vobis in Domino, voſque admo-
 nent.* Nempe hoc commate non unum Epiſco-
 pum, ſed plures ſeu Epiſcopos ſeu Presbyteros
 qui Theſſalonica erant, triplici elogio inſignit,
 tribuſque hiſce muneribus veſtit, I. Erant
Κοινωνοὶ ἐν λόγῳ καὶ διακοναί. II. *Προϊστάμενοι.* III. *Νοθεύοντες.*
 Neque ſolum illis tribuit munus docendi, ſed &
 provinciam regendi. Corinthi etiam, utcunque
 coetus in eâ urbe ingens eſſet Chriſtianorum, nul-
 lus contigerat Epiſcopus, cum Paulus utramque
 Epiſtolam ad Corinthios ſcripſit, teſte commen-
 tario, qui Ambroſio aſcribitur, in epiſt. ad
 Corinthios, & Clemente, qui in bene longa Epi-
 ſtola ad Corinthios nullam facit mentionem
 ſingularis Epiſcopi per ullas civitates ab Apo-
 ſtolis conſtituti: quin potius meminit Presby-
 terorum ſub nomine Epiſcoporum conſtituto-
 rum in ſingulis civitatibus; cum tamen ſi unquam
 & uſpiam inter primordia pullulantis hæreſeos,
 & novis occaſionibus ſchiſmatis ſubinde orien-
 tibus in populosa urbe in qua Deus dixerat ſe
 habere magnum fidelium numerum, & hoc
 homine dicente, ego ſum Pauli; Illo, ego ſum
 Apollos; alio, ego ſum Cephæ; opus fuit Epiſ-
 copo, qui Paulo alibi longiuſculam moram
 faciente,

faciente, prudentia sua controversias componeret, & auctoritate sua contumaces compesceret. Denique tenendum illud archd. Hieronymi in unaquaque urbe Apostolorum ævo plures semper constitutos Presbyteros seu Episcopos, quorum communi Consilio Ecclesiæ gubernabantur; hancque regiminis Ecclesiastici formam ab Apostolis institutam. Victor qui vixit tempore Irenæi in Epistola ad Desiderium, Presbyteros vocat Episcopos, & demonstrat gubernatam fuisse Ecclesiam à Presbyteris usque ad sua tempora; & eadem epistolâ loquitur de mittendis literis ad Presbyteros Galliarum, quos dicit esse sequaces Apostolorum. De hoc Victore Eusebius lib. 5. cap. 25. dicit eum per *decennium Ecclesiastico ministerio præfuisse*. De Papiâ Episcopo Hierosolymitano circa annum Domini centesimum memoratu dignum est, quod idem Eusebius lib. 3. cap. 36. narrat; Ibi Papias de se dicit, se fidem Christianam non hausisse ab Apostolis, sed à Senioribus; unde liquet amotis Apostolis Ecclesiæ regimen commissum fuisse Senioribus seu Presbyteris, à quibus Papias edoctus fuerat. Idem Papias in præfatione sua frequenter mentionem facit Seniorum; Episcopi autem, ne semel quidem. Sed & anno Christi 178. Gallicana Ecclesiæ per Presbyteros regebantur, ut patet ex Eusebio Histor. lib. 5. cap. 7. referente verba ipsa Epistolæ Ecclesiæ Lugdunensis & Viennensis ad fratres in Asia & Phrygiâ scriptæ, in qua graphicè

phicè depingitur constantia plurimorum Martyrum: Inter alios qui Martyrio sunt coronati, dicunt *comprehensos fuisse præcipuos viros per quas ipsorum Ecclesia gubernatur.* Nullâ eo loci factâ mentione singularis Episcopi. Sed quod paulò post sequitur de Photino, omnem dubitationem tollit, nam & hic dicitur cum esset nonagenario major, sustinensque Ecclesiæ Lugdunensis ministerium, perpeffus martyrrium. Ne quis autem existimet Photinum fuisse singularem Episcopum, iidem qui historiam hanc martyrum texunt, dant in mandatis Irenæo qui literas ad fratres erat perlaturus, ut alias redderet literas Eleutherio Episcopo Romano; apud quem de meliori nota Irenæum commendant, vocantque Ecclesiæ Lugdunensis Presbyterum, & ministerii consortem; Ex quibus colligere est. 1. Photinum è numero præcipuorum virorum fuisse à quibus paulo ante dixerant Ecclesiam suam gubernari. 2. Irenæum ejusdem fuisse ministerii consortem, ac proinde Ecclesiam Viennensem & Lugdunensem nullum tunc temporis habuisse singularem Episcopum. Potuit forsan Photinus vocari Episcopus ad Hieronymo, quod esset antiquior Pastor, ac ætate & sanctitate venerandus; nihil tamen obstasse certum est, quin Irenæi *ἐπισκοπή* inciderit in idem temporis & loci; erat enim Irenæus propectæ ætatis, vivente Photino, teste Eusebio, qui lib. 5. Hist. cap. 19. vult Irenæum proximè Apostolicis tēporibus successisse; Quid quod,

Πότῳ ὁ
διακονίαν ἐν
λαοῦ δυνάμει
πρὸς αὐτοὺς.

quod, si creditur Sixto Senensi lib. 4. Bibliothecæ, Martyrium Irenæi incidit circa idem tempus quo Photinus martyrio coronatus est. Et si alii quot annis falsum fuisse Sixtum, existimandum sit; attamen jam ante martyrium Photini, Irenæus clarus erat sub nomine Episcopi Lugdunensis. Sed cum Lugdunensis Ecclesia in Epistola ad fratres Asianos & Phrygianos, narret res præcedentibus annis gestas, & credibile sit longè ante è vivis excessisse Photinum, quàm Irenæus mitteretur legatus in Asiam; velim rogatos assertores singularis Episcopatus Irenæi, an Episcopus renuntiatus fuerit ante legationem susceptam, an verò postquam domum reversus est? prius factum fuisse non dixerint; nec enim decuit ~~impropiè~~ Episcopalem, ut qui Princeps censeretur Presbyterorum, à subditis delegatus fuerit: aut, an credibile est potuisse Diocesani Episcopum abesse, integris rebus suæ Ecclesiæ, toto tempore quod legationis obeunda in remotas terras insumendum fuit? An tempore Irenæi, plus Presbyteris, minus verò Episcopo licuerit, quàm multis post sæculis, ut Presbyteris integrum fuerit quicquam agere extra Episcopum? Quod si volunt Irenæum demum Episcopum creatum fuisse legatione peractâ, dicendum erit (siquidem statuunt Irenæum proximè successisse Photino) Lugdunensem Ecclesiam saltem unum annum aut alterum, si non plures, vel gubernatam per solos Presbyteros, vel potuisse

magello

collegam & Coepiscopum. At ne quis putes
forſan agroto accommodaſſe operam, verba
Paulini ſunt, *Incolum Valerio Hipponenſis Eccleſiæ*
Epifcopo, Coepifcopus Auguſtinus eſt. Paulò poſt,
Quem ſucceſſorem ſacerdotii ſui ſimpliciter optabat,
hunc meretur tenere collegam; argumento, quan-
docunque vel Auguſtinus vel quiſpiam alius
virtute & doctrinâ conſpicuus vocatur urbis vel
provinciae Epifcopus, non negari ullum illi ad-
iunctum fuiſſe collegam.

Quarta conſuſio hæc eſt; *Intellos & intro-*
ductos fuiſſe circiter ſeculum unum poſt Apoſtolorum
tempora, Præſides perpetuos qui Epifcopi vocati ſunt;
qui quidem Præſides ſolâ *veritas* ſuperiores fu-
erunt, nec quicquam obſequii illis delatum à
Presbyteris, niſi quod debebatur honori & me-
ritis hominis nihil diſcrepantis à ſuis collegis
ulla poteſtate ſeu juridiſtionis ſeu ordinationis.
Si poſtliminio majus diſcrimen inter Epifco-
pum & Presbyterum in Eccleſiâ obtinuit, pe-
pedit omnino hæc differentia, non tantum iure ab
humano jure, ſed & à prava Eccleſiæ conſuetu-
dine, quâ factum eſt ut tantum diſſerant Presby-
ter ab Epifcopo, quantum Epifcopus à Metropo-
lita, & Metropolita à Patriarcha. Hic ergo nul-
lam aliam *veritas* & *veritas* in Presbyterorum
collegium admiſſam & admittendam agnoſci-
mus, quàm quæ ad *veritas* & decori conſervati-
onem pertinet; non autem quæ functionem
Eccleſiaſticam ſpecte poteſtateque differentem

adjicit; Præsidentes (Præsules an Episcopos dixeris, parum interest) non tam præesse Presbyteris quàm gregi, ideo coæquales esse collegis Presbyteris, nec plus potestatis sibi assumere quàm quantum à collegis Presbyteris concessum fuerit; plus tamen extra coitionem collegarum habere jurisdictionis in gregem, quàm collegarum quisquam; ita tamen ut si plus auctoritatis perpetuus Præsides habet in quenquam de grege, quàm quisquam de coetu Presbyterorum, ille Præsides nullam habeat auctoritatem in Presbyteros. Non si Rex aliquis plus robore & auctoritate valet quàm Princeps vicinus, qui juris sit minoris, sed tamen sui; continuò sequitur illum Regem quicquam auctoritatis habere in Principem. Nec Præsulis partes quales sunt in Synodis, rogare sententias, pronuntiare communi consilio decreta, præse ferunt aliquam in Presbyteros auctoritatem. Denique ut dicit Ambrosius, Presbyteri nihil tribuunt Præsidi suo, quàm quod prius sibi jure vendicant. Ejusmodi fuerunt Episcopi non multum post Apostolos in coelum illatos; quanquam non diu licuit esse beatis; mysterio iniquitatis indies pullulante, & Præsidiibus, ~~apostolica~~ tantum superioribus, primatum affectantibus; ut qui primi erant Presbyterorum, quales Augustinus dicit omnes Episcopos esse, postmodum Principes & Domini Presbyterorum facti fuerint; & cum olim plura uno collegia essent Presbyterorum, nulli Episcopo,

coros, ἡ γὰρ ποτ' ἀλεξάνδρεια δὲ ἐπιστολῆς αἰχρῆς αἰς ἄλλαι πόλεις.

Cæterum tametsi cœperit *αλεξάνδρεια* ab Alexandria, samque postmodum in exemplum traxerint reliqui Christianorum cœtus; attamen retinuit longissimè omnium æqualitatem Presbyterorum; nec nisi post aliarum urbium Episcopos, Alexandrini Episcopi usurpaverunt sibi quicquam authoritatis in collegas Presbyteros; atque fere ultima omnium Ecclesiarum particularium habuit duos Episcopos seu duos de cœtu Presbyterorum præcipuos viros selectos, qui vel simul vel alternatim in conventibus Ecclesiasticis munere Præsidis fungerentur. Sed & ab Apostolis aliquot sæcula elapsa sunt, antequam uni provinciae vel Dicecesi Episcopus singularis præficeretur: Quin, per id temporis singulae urbes, imo pagi, vel duos habuerunt Episcopos, vel saltem unum Pastorem qui Episcopus vocabatur. Pastores quibus nobiliora loca commissa erant, Episcopi *παροικίας*, alii *χωρικοὶ* appellabantur. Cyrillus Gatechesi 14. vocat Jacobum *παροικίας* Ierosolymitanæ Episcopum, & Eusebius passim, non tribuit majorem ambitum singulari Episcopatui Apostolorum & Patrum, quàm parochiae unius; argumento, veteres Episcopos non fuisse pluribus urbibus præpositos, nedum integræ provinciae; sed vel unius fanī seu templi consortibus, vel uni tantum urbi ejusque accolis addictos fuisse. Cæterùm appellatio Chorepiscoporum demonstrat singulos pagos suum

suum Episcopum habuisse; dicti enim quasi
 ἡμεῖς ἐπισκοποι, quod non idis diu retinuerunt,
 donec crescente Episcoporum dignitate, Epis-
 copi magnarum urbium parvos absorpserint, &
 indignum visum fuerit, ut pagani Presby-
 teri nomen Episcopi retinerent. Concilium
 Carthaginense, II. Can. 5. meminit Dioeceseon
 quæ nunquam acceperant Episcopum, nempe
 quia singulæ urbes, imò pagi, habebant Episco-
 pum; quod & videtur innuere Cyprianus, epist.
 52. *Iampridem per omnes Provincias & per urbes
 singulas, ordinati sunt Episcopi in ætate antiqui, in
 fide integri, in pressurâ probati, in persecutione pro-
 scripti.* & Canon 20. Concilii Africani, quo decer-
 nitur ad examinandum causam Presbyteri accu-
 sati, ut adjungantur Episcopo ex vicinis locis,
 sex alii Episcopi. Patribus autem in Episcopo-
 rum texendis successioneibus, non alia mens fuit
 quàm continuam docentium seriem memoriae
 prodere; neque enim innuere voluerunt unum
 ordinis *episcopatus* ita enituisse, ut nullum confor-
 tem ministerii admiserit: sic Matthias dicitur
 ἁγίου ἐπισκοποῦ, quòd confors esset Ministerii, non
 verò quòd in quenquam *episcopatus* haberet. Sed
 hoc obiter tenendum, plures decipi apud Patres
 voce *episcopatus* & *episcopatus*, quasi semper potestatem
 & primatum includeret, & significaret *ἐκουσία* &
δοξασία, cum tamen *episcopatus* apud Suidam sit *βοήθεια*,
 patrocinium & protectio, idemque sonet quod
ἐκτίσις, quæ vox non est nomen potestatis, sed
 curationis

curationis & administrationis annumerandæ
 charismatis quæ ab Apostolo inter ^{ἀποστολῆς} &
^{ἐπισκοπῆς} recensentur. Celeberrimus Salmasius
 dicit in Hesychio, Chrysostomo & Theophylacto,
 nomen ^{προστασίας} interpretandum per procuratio-
 nem & protectionem; nominatim ad locum, 1.
 Timoth. cap. 3. ubi Chrysostomus, ^{ἐπίσκοπος τῆς προστασίας}, &c. *Siquis, inquit, cupit procu-
 rationem.* In Gregorio Nazianzeno Apolog. 1.
 orat. 1. <sup>Μὴτε τῆς ἐπίσκοπῆς προστασίας, μᾶλλον ἀποδοῦναι
 τὴν ἀποδοχὴν</sup>, *Neque oblatam administrationem
 appetere, neque oblatam repudiare.* Statuendum
 ergo, cum Patres dicunt hunc aut illum fuisse
 primum Episcopum cujuspiam urbis aut regio-
 nis, nihil aliud voluisse quàm primum inter ipsos
 Evangelium promulgasse, aut unum tantum
 nominari, quia cæteris collegis posthabitis solus
 dignus visus est qui posteris innotesceret: Sic
 cum credibile sit Smyrnæ Episcopos tres simul
 vixisse, Polycarpū, Bucolum, & Aristonem; unus
 Polycarpus ab Irenæo & Eusebio vocatur pri-
 mus Episcopus, nec suo tempore alius nomina-
 tur ab eis, Episcopus Smyrnenfis, ut qui præ aliis
 ob doctrinæ & vitæ sanctimoniam Scriptorum
 memoriæ infedit: Ideo Eusebius eum vocat
^{ἐπισκοπὴν ἀποδοχὴν}, & Irenæus ^{ἐπισκοπὴν ἀποδοχὴν}, nec cre-
 dibile est quando Irenæus dixit Polycarpum
 fuisse constitutum Smyrnensem Episcopum, aliud
 designasse, quàm vel primum inter Presbyteros
 tenuisse ordinem & confessionem, vel ab Apo-
 stolis

stolis delegatum fuisse, ut non tam Smyrnæ
quàm in totâ Asiâ, Ecclesias constitueret; ex-
pressè enim Irenæus dicit, fuisse Asiæ Episco-
pum; Ipse Polycarpus Epistolâ ad Philippenses
duos tantum agnoscit ordines ab Apostolis insti-
tutos, Presbyteratum & Diaconatum. Iscanus
pag. 47. dicit prodigiosum esse quod fingo dis-
crimen inter duo Episcoporum genera; Episco-
porum unum, quorum erat solummodo munus
docendi; alterum eorum qui curabant tam quæ
Sacramentorum quàm quæ aliorum actuum Ec-
clesiasticorum administrationem spectabant;
utrumque hæc non à me, sed à Salmasio habere
professus sum; in quem tamen ausus est Iscanus
arripere virgam censoriam, cujus vix est dignus
qui lambat vestigia: Quicquid sit de hoc dis-
crimine, certum, est apud veteres neminem con-
cionatum fuisse præter Episcopum nisi raro, &
quando contingebat Episcopum parum esse vul-
garis sermonis peritum, ut accidit Augustino sub
Valeriano natione græco, & ob id ad latinum ser-
monem minùs expedito. Hic rogarem Iscanum,
quid tunc demandatû Presbyteris abundantibus
otio & numero superantibus Episcopos; nisi exe-
cutio aliorum actuum Ecclesiasticorum, quæ ad
provinciam vacandi verbo & doctrinæ non per-
tinebant.

De ordinatione jam verba faciam; de qua
quicquid quod paucis erat in Epistola mea dixi,
ad hæc tria referebatur. I. Ordinationis jus, seu
manus impositionem, perinde ad Presbyteros

R

atque

atque ad Episcopos pertinere. II. Ordinationem non pertinere ad Episcopos quatenus Episcopi sunt, sed quatenus Presbyteri. III. Præxim Ecclesiæ, fidem facere tam Episcopum quam Presbyteros manus imponere *videtur* Presbytero. Iscanus hic nec me, nec rem attingit, & videtur orsa à R. Hallo retexere, qui parte 2. præfixit hunc titulum sectioni decimæ quintæ. *Potestatem ordinationis ad solos Episcopos pertinere.* Sanè vox *solos* excludit Presbyteros: At Iscanus dicit *neminem Anglicanorum Præsulum sibi soli arrogare ordinationem, sed sibi comites in sacro sancto hoc negotio lubens adjungit*: poteras voce illa *lubens* abstinere, qua retrahis quod porrexeras, & tacitè insinuas ordinationem nihilominus fore legitimam, quæ sit ab Episcopo recusante sibi adjungi Presbyteros; qui quidem secundum te tantum ad decorum vocantur, quo ordinatio illustrior fiat, etsi non firmior: Sic enim solent sentire & loqui Episcopalis *corporis* patroni; quam interdum aliter loquantur, ut Presbyteris palpum obtrudant. Downamus in Concione à Gersomo Búcerò excussa, dicit *ordinandi potestatem Episcopo ascribi, ac Presbyterorum manus adjungi, non ex necessitate, sed ad majorem actionis gravitatem.* De tribus hisce capitibus acturus sigillatim; operæ pretium est quædam de natura ordinationis, in genere præmittere, quæ lucem inferant his tenebris. Antequam quis fiat Pastor & admittatur ad sancti ministerii functionem, sunt qui duo media adhiberi velint, electionem

& ordinationem, quorum genus sit vocatio: Alii ordinationem constituunt genus, cujus species sint, vocatio interna, electio, & oratio seu benedictio juncta cum manuum impositione. Prima inchoatur in eo qui futurus est verbi Dei Minister; secunda fit à populo; tertia perficitur & impletur à Pastoribus Ecclesiæ. Præcipuus actus ordinationis jure pertinet ad totam Ecclesiam, exemplo matrimonii cujus celebrationis vis nititur consensu firmato utriusque partis: In tertio actu seu actione ponendi manus decussatim super capite non consistit ordinatio, cum *impositio manuum nihil aliud sit quàm oratio super hominem*, teste Ambrosio in 1. ad Timoth. & Gratiano caus. 1. cap. *manus*: quem actum etsi omnino adhibendum censeam, propter antiquam Ecclesiæ Apostolicæ consuetudinem; non tamen necessarium existimarim, ratione peculiaris alicujus præcepti Divini, ut is non sit legitime admissus ad ministerium, cui hic ultimus ritus non fuerit usurpatus. Nempe per hunc ritum bene precantur Pastores, Pastori designato, eique prospera omnia rogant Deum omnium bonorum largitorem. Quid quod jam ordinatis sed delegatis ad munera specialia, olim imponebantur manus ut prosperè illis esset; cujus rei luculentum exemplum habemus, Actorum decimo tertio v. 3. Ibi enim cœtus Pastorum & Doctorum, spiritu Sancto sic jubente, imponunt manus Barnabæ & Paulo, eosque ad gentes mir-

tunt. Gildas Monachus Anglus, cujus supra mentionem injeci, operis folio 41. affirmat in *extremis* non consistere ultimum actum admissionis ad ministerium, sed in benedictione sacerdotis: verba ejus sunt, *lectiones illæ merito excerptæ sunt ex scripturarum textu, ut non solum recitentur, sed etiam adstipulentur benedictioni quâ inicianitur sacerdotum vel Ministrorum manus.* Chytræus in 19. Geneseos id quod volo egregiè explicat. Sciendum est vocatos & electos voce Ecclesiæ fungentes Ministerio, etiam sine ritu impositionis manuum, veros Ministros Ecclesiæ esse. Non enim imprimitur hoc ritu singularis character ordinato: nec potestas Ecclesiastica seu jus docendi Evangelii & administrandi Sacramenta pendet ex hoc ritu: Nec propter hunc ritum efficax est Ministerium ordinati: sed valet Ministerium, & est potentia ad salutem omni credenti propter ordinationem divinam. Additur autem ritus impositionis manuum publicæ declarationi personæ vocatæ ut remuntiatio fiat illustrior, ut hic ritus de certis officiis admoneat. Diserti sunt Patres. Cyprianus. Ep. 68. Coram omni Synagoga jubet Deus constitui Sacerdotem, id est, instruit & ostendit ordinationes Sacerdotales non nisi sub populi assistentis conscientia fieri oportere, ut plebe præsentem vel detegantur malorum crimina, vel bonorum merita prædicentur, ut sit ordinatio justa & legitima quæ omnium suffragio & judicio fuerit comprobata. Quin idem Cyprianus epist. 52. ad Antonianum, scribens. apologiam pro

pro Cornelio Episcopo Romano quem legitimum pertendit Episcopum; Novatianum verò repudiat tanquam multis criminibus contaminatum; electionem & consensum Ecclesiæ facit unicuique *ὑπὸ πλείονος*. Cornelii legitimæ ad Episcopatum admissionis, nulla mentione *ὑποδείξις* facta. Factus est Cornelius Episcopus de Dei & Christi ejus judicio, de Clericorum pene omnium testimonio; de plebis quæ tunc adfuit suffragio, & de Sacerdotum antiquorum & bonorum virorum collegio. Locus sanè quo aurum non est pretiosius, in quo habes qua in re consistat ordinatio; habes suffragia Episcoporum, Presbyterorum, Diaconorum & Seniorum; nec non plebis calculum: quæ quidem omnia ante requirit, quàm quis ordinetur Episcopus. Ipsa vox *ὑποδείξις*, quæ quandoque cum *ὑποδείξις* omnes simul ordinationis actus comprehendit, quando, ut sæpius fit, ad sola suffragia hominum vel alicujus conventus, restringitur; accipitur pro completa ad munus admissione, tam in sacris codicibus quàm prophanis; denominatione facta à majori & efficaciori: Sic Actorum 14. v. 23. ubi Presbyteri dicuntur creati per suffragia Ecclesiarum, Lucas utitur voce *ὑποδείξις*. Sic 2. Corinth. cap. 1. commate 19. Paulus eadem voce utitur, sub qua *ὑποδείξις* nequaquam intelligi potest. Ignatius Epistolâ ad Philadelphenses, dicit decere eos, ut Ecclesiam Dei *ὑποδείξις* *ἐκείνων*, vel ut alii legunt *ἐκείνων*, quasi eorum suffragiis ordinatio suis numeris

absoluta esset. Apud Aristophanem τῆς ἀρχῆς
 καὶ χειροτονίας, *Magistratum*, populi scilicet, *suffra-*
giis adeptus sum, in qua χειροτονία non est credibile
 intelligi adhibitam fuisse χειρονομίαν, & Plato de
 legibus, τίς δὲ πλεονεχέτω χειροτονία πλείονα *qui majori suffra-*
giorum numero delecti. In Suetonio, Nerone,
 num. 40. cooptatio ad magistraturam & Provin-
 ciæ administrationem, vocatur ordinatio.

Hactenus de vocatione externa Pastoris, cujus
 doctrinæ puritas & vitæ sanctimonia fuerint ex-
 ploratæ; deque ejus χειροτονία per suffragia tam
 cleri quàm plebis: sequitur χειρονομία seu oratio
 facta ab aliquo Pastorum, nomine totius Ec-
 clesiæ. Quæritur ad quos pertineat hic ordina-
 tionis ultimus actus? Scriptura plana est, id mu-
 neris competere in verbi divini Ministros seu
 Pastores: Sed an perinde in Episcopos atque in
 Presbyteros, vix decideret Scriptura apud eos, qui
 etiamnum dubitant & disputant an in Scripturâ
 detur Ministrorum distinctio in Episcopos &
 Presbyteros? quanquam utrobique constet
 χειρονομία in novo Testamento fieri à Pastoribus.
 Porro tametsi admitterem mentionem fieri in
 Scriptura officii Episcoporum distincti à Pres-
 byterorum functione, non video quid obftet
 quo minùs ultimus actus ordinationis non possit à
 Presbytero celebrari? An qui præditus est pote-
 estate ligandi & solvendi, annuntiandi Euange-
 lium, fidem suo modo creandi & ad æternam
 felicitatem perducendis, non habebit facultatem
 nomine

nomine gregis & Pastorum, benedicendi, & bene precandi ei qui ad ministerium admittitur? Ipse Episcopus cui soli volunt competere *χρηδίσια* potestatem, nunquid suo, an verò Ecclesiæ & Pastorum circumstantium nomine hunc ritum peragit? Faceffat ergo distinctio Pastoris in Episcopum, & Presbyterum, ubi Pastori designato imponendæ sunt manus; quandoquidem Spiritus Sanctus nullam adhibet in opere exequendo quod æquat aut superat illam *χρηδίσια*. Dedit, inquit Apostolus Ephes. 4. commat. 11. & 12. *Pastores & Doctores ad coagmentationem sanctorum & opus ministerii, donec evadamus omnes in unitatem fidei & cognitionis Christi in virum sanctificatum.* Quod si *χρηδίσια* longè superat hoc Ministerii opus, alibi mihi quibus me tuear, erunt quærenda præsidia.

Si centies eluderetur locus, 1. Timoth. 4. v. 14. *Ne negligito domum quod in te est per Prophetiam cum impositione manuum Presbyterii*, centies quicquid dicat Iscanus à me reponeretur, probaturus cœtum Presbyterorum Timotheo imposuisse manus, donec in solidum mihi satisfactum esset: volunt τὸ ἐπισκοπῆς exponi de officio, cum tamen nusquam quod sciam in novo Testamento ita usurpetur; sanè ἐπισκοπῆς τῶ λαῷ, Luc. 22. v. 66 & πᾶν τὸ ἐπισκοπῆς, Act. 22. v. 3. nihil aliud sonant quàm coitionem seu conventum hominum: & in epist. Cornelii Romani ad Cyprianum epist. 46. *Placuit contrahere Presbyterium*, haud dubium agitur

agitur de cœtu Episcoporum. Quid quòd cum officium, per *χαρισμα διὰ πρεσβυτερας*, denotetur; si per Presbyterium, officium quoque intelligeretur, non posset non esse superflua tautologia in uno commate: Porro cum *χαρισμα διὰ πρεσβυτερας* sit donum interpretandi Scripturas; non tantum revelatione Divina datum, sed & studio acquisitum, alioquin non opus fuisset hortari Timotheum ne pateretur interciderere per socordiam donum quod acceperat; planè consentaneum fuit vocatione ordinariâ internosci Timothei diligentiam & egregiam navatam operam circa Scripturarum explicationem, atque coram facie Ecclesiæ à Presbyteris, Paulo ipso agmen ducente, in numerum Pastorum recipi. Testimonia quæ Iscanus ait posse proferri ex Hieronymo, Anselmo, Haymone & Lyrano, ad probandum, Presbyterium hoc Timothei loco de officio intelligi debere, non sunt tanti, ut opponi debeant Chrysostomo, Theodoro & Aquinati, nec non magno numero recentiorum. Chrysostomus quidem *πρεσβυτεριον* non intellegit de cœtu Presbyterorum sed Episcoporum. *Neque enim*, inquit, *Presbyteri Episcopum ordinabant*; sed nec de officio seu donis per prophetiam collatis intelligit; Theodoretus dicit gratiam hic appellari doctrinam; Presbyterium autem dici de iis qui Apostolicam gratiam acceperunt. Inter recentiores Whitakerus unus instar omnium erit. Controv. 2. quæst. 5. cap. 5. disputans contra Bellarminum.

Hic

*Hic locus contra adversarios facit maximè; ex hoc enim loco intelligimus fuisse Timotheo manus impostas à Presbyteris, qui tunc temporis communi consilio Ecclesiam regebant. Fateor Episcoporum dignitate & censu augescentibus, sibi usurpasse potiores partes in *χρηδοις*, vel eripientibus Episcopis quod suum non erat, vel Presbyteris ultro de suo jure cedentibus, ut Episcopi soli præessent in ordinatione, & irrita censeretur ordinatione, in qua Episcopus non esset moderator actionis: Hinc factum, ut consuetudinem in regulam traxerint; & pro concessio postmodum apud nonnullos veterum fuerit, Episcopos Presbyteris esse superiores jure ordinationis. Sed, quod maximè ad rem præsentem facit, non si sexcenta loca ex antiquis canonibus & Patrum scriptis petitis & testimoniis Ecclesiæ praxeos, producerentur pro facultate ordinationis solis Episcopis ascripta, continuò sequeretur, jure & Divino præcepto ad solos Episcopos pertinuisse: nam & totidem locis ex Ecclesiastica historia erutis possem demonstrare Episcopos sibi solis quoque arrogasse potestatem exercendi quemcunque actum ad functiones sacri ministerii atinentem; ita ut nulli Presbytero licuerit, concionari, nec baptizare, nec Eucharistiam celebrare, nisi precario, & tanquam ad id operis ab Episcopo delegato, ac vicariam sub Episcopo provinciam sustinenti: Inde tamen non puto hodiernos Episcopos velle confici Presbyteros*

à se creatos, simulac ad munus sanctum admissi sunt, id precario tantum & ad nutum suum exercere. Age excutiant veterum quotquot sunt qui Episcopatum non eliminandum cupiunt ex Ecclesia Dei, sive Episcopi, sive Presbyteri, & deposito partium studio, sincerè agnoscant Episcopos antiquos, quibus non multò post Apostolorum tempora, *metaphr.* moderatoris perpetua ad *evangeliz.* concessa fuerat; eà indulgentià ad ambitionem & avaritiam postmodum abusos fuisse, & involasse in jus Presbyterorum, atque in eorum fraudem potestatem non tantum ordinandi, sed & quoslibet actus Ecclesiasticos ad se traxisse; utrobique enim par fuit usurpationis licentia. Commentarius Sancto Ambrosio ascriptus in Ephes. 4. 2. dicit moris fuisse in principio, ut tam Episcopi, quàm Presbyteri & Diaconi concionarentur, nunc verò rem aliter se habere; unde nunc, inquit, neque Diaconi in populo prædicant. In vita S. Augustini refertur moris non fuisse in Ecclesiis Africanis, ut Presbyteri concionarentur. Sic Baptismi administratio fuit penes solum Episcopum. Tertullianus de Baptismo cap. 17. *Baptismum dandi jus habet summus sacerdos qui est Episcopus, dehinc Presbyteri & Diaconi; non tamen sine Episcopi auctoritate, propter Ecclesie honorem, quo salvo salva pax est, alioquin etiam Laicis jus est.* Nempe qualescunque actus Ecclesiasticos peragebantur ab Episcopo, mutis & otiosis Presbyteris, nisi loqui & agere iussis. Sed

Sed quoniam hæc non ubique fiebant, & quasi ab invitis extorta videbantur; non desunt testimonia Conciliorum & Patrum, quibus palam fit Presbyteros commune jus ~~ordinandi~~ cum Episcopis habuisse, & in hoc ritu cum illis operas sociasse. Disertus est Canon. 22. Concilii Carthaginensis quo cavetur ut Episcopus sine consilio clericorum suorum clericos non ordinet ita ut civium assensum & conniventiam querat, & Canone 4. ut Presbyter cum ordinatur, Episcopo eum benedicente & manum super ejus caput tenente, etiam omnes Presbyteri qui presentes sunt, manus suas juxta manus Episcopi super caput illius teneant. Et Gyprianus multus est ut de se profiteatur se nullos actus Ecclesiasticos agere inconsciis Presbyteris. Quin reluctantibus Presbyteris non poterat Episcopus ordinare, Eusebius lib. 6. cap. 42. narrat Episcopos interdixisse Episcopo ne Novatum Presbyterum ordinaret; Episcopum verò obnixè rogasse ut hunc solum ~~χρηστέον~~ sibi permitterent. Nec qui Hieronymum & Chrysostomum ad suas partes trahunt, ut probent Episcopos, potestate ordinandi supra Presbyteros eminere, assecuti sunt aut assequi voluerunt eorum mentem. Dicit Hieronymus epist. ad Euagrium. *Quid facit excepta ordinatione Episcopus quod Presbyter non facit.* Ubi loquitur ex consuetudine sui, non verò Apostolorum temporis, quo antea dixerat, eosdem planè fuisse Episcopos & Presbyteros & per omnia æquales fuisse; præpositum quidem postea singulis co-

tibus unum quem Episcopum vocabant; sed id factum fuisse in Schismatis remedium; nec ~~neglecta~~ illam ob stare, quo minus & tempore suo par utrobique fuerit jurisdictio, nisi quod illeritus ordinationis seu vocationis testificatio, ac declaratio per orationem & χειροτονία, peragi solitus fuerit nomine totius cœtus à primo Presbyterorum, quem Episcopum vocabant; nec hanc prærogativam à cœtu, cuiquam præterea concessam: Quam quidem prærogativam qua sola Episcopi erant superiores, commentario in epist. ad Titum non Dominicæ institutioni seu juri Divino, sed meræ Ecclesiæ consuetudini tribuit. Nec plus est præsidii in Chrysostomi loco desumpto ex Homil. 11. in 1. ad Timoth. τῶν χειροτονίων μόνον αὐτῶν ἀναθεσθῆναι καὶ τὸ το μόνον δοῦναι πλάσσειν αὐτῶν τὸν πρεσβυτέρους: quorum verborum volunt sensum esse, *Episcopos jure ordinandi Presbyteros. sibi peculiari superiores esse Presbyteris.* Sed an potius hic sensus est? *Quod Episcopi sint superiores Presbyteris, id debere χειροτονία seu electioni Presbyterorum, qui eum è suo cœtu elegerunt.* Verùm, quod consentaneum est, demus, mentem Chrysostomi fuisse, Episcopos superiores esse Presbyteris potestate ordinandi, quæ Presbyteris non concessa est; dicendum nihil plus eo nomine attribuere Episcopis quàm fecit Hieronymus. Quid quod verisimile est, verbis quæ subnectit Chrysostomus, hoc ordinandi jus in fraudem Presbyterorum usurpatum ab Episcopis: credibile enim est Chrysostomum per παρὰ τὸν τοῦ πρεσβυτέρους intellexisse.

tellexisse *μεθ' ὅδ' εἶναι*, quod est circumvenire, ut amplius quam per æquum & justum licet in Presbyteros sibi arrogarint Episcopi : nec repugnat textura loci ; etenim postquam Chrysostomus paulo ante dixit, quæ Paulus capite tertio Epist. ad Timoth. de Episcopis dixit, eadem & Presbyteris convenire, & perinde docendi ac præsidendi munus utrisque competere ; apta ac naturali connexionem, subjicit nihil detrahi ab Episcopis de Presbyterorum jure, per quod fiat illis injuria, & obstet quo minùs Pastores sint æquales, quàm potestas quam in se solos assumunt ordinandi. Hanc interpretationem omnino admittit verbum *πλεονεκτεῖν*, quod Salmasius ait græcis interpretari *ἐπὶ τῷ πλεονεκτήσειν ἀξίωντων*, *De his quæ præter æquum, bonum & justum, quàm fieri lege licet capere conantur*; idque potissimum junctum cum accusativo significat obstare alicui & injuriam facere, ut *πλεονεκτεῖν τοὺς πρεσβυτέρους* sit injuriâ afficere Presbyteros, ar *πλεονεκτεῖν τῶν πρεσβυτέρων* sit πλεονεχέειν, potio- rem esse conditione Presbyteris, ut ait Suidas.

Secundò dixeram jus ordines sacros conferendi & manus imponendi Presbyteris, non pertinere ad Episcopos, quatenus Episcopos & habentes *πρεσβυτεῖαν* in Presbyteros, sed quatenus ipsi sunt Presbyteri ; Jusque *χειροθεσίαν* habere ratione Presbyterii, non ratione Episcopatus: cujus assertionis veritas pendet maximam partem, tum ex proximè dictis, tum ex iis quæ supra astruxi-

mus circa Episcoporum & Presbyterorum identitatem. Nam si Christus & Apostoli, nisi unum genus Pastorum instituerunt in Ecclesia, planum est ordinationem non posse conferri Pastori, nisi ab aliis Pastoribus ejusdem ordinis & gradus, cum ordine & gradu conferendo: sed & quam affirmarem cum Episcoporum ~~et~~ patris, Episcopos Divina & Apostolica institutione, ut gradu, sic officiis distinctos esse à Presbyteris: attamen quia ipsis fatentibus & ipsi Episcopi sunt Presbyteri pertenderem, quandocunque Episcopus ordinat Presbyterum, id agere quàm Presbyter, non quàm Episcopus. In naturalibus animans generat specie & qualitatibus essentialibus, & partibus integrantibus, plane sibi simile; ut accidit in omnibus generationibus univocis; veluti homo hominem, & equus equum generat. In civilibus Doctor Doctorem, & medicus medicum, & faber fabrum creat; sic in Theologicis, putà, in ordinatione, quæ habet aliquid affinitatis cum generatione naturali & creatione munerum civilium, fit processio unius ab altero secundum naturæ similitudinem; vel fit collatio ejusdem gratiæ & juris quo conferens prius erat præditus; veluti quando lumen de lumine accenditur: Quæ quidem inserviunt illustrandæ nostræ assertioni: Episcopus quandocunque consecrat vel creat Episcopum, id facit quàm Episcopus, & ~~et~~ communicans cum altero; At quando ordinat Presbyterum, cum nihil ~~et~~ suæ imper-

tiat

riat Presbytero, necesse est quod de se Episcopus promit, seu quod est Presbyteralis muneris communicet, ac proinde quâ Presbyter ordinet Presbyterum. Sic ergo statuere debent in ordinatione Presbyteri; Episcopi munus concurrere tanquam causam æquivocam, quæ sola non sufficiat; Presbyteri verò officium seu, ut vocant, characterem, concurrere tanquam univocam, quæ sola sufficiat. Atque hæc dicta sunt posito, sed non concessio *ὑποδωίας* Episcopalem in Presbyteros, esse Divinæ & Apostolicæ institutionis: Nam Episcopi & Presbyteri muneribus in unum confluentibus extra dubium est, unicam tantum esse *ὑποδωίαν* in ordinatione Pastorum quæ à Presbyteris fit. Id agnoverunt celeberrimi quique Pontificiorum, Aquinas & Cajetanus. Ille in 1. ad Timoth. cap. 1. dicit manuum impositionem illorum tantum esse qui sunt Ministri Christi, fuisse autem duplicem, aliam quæ à Presbyteris fiebat, aliam quæ a Diaconis: Nec procul absunt Patres; volunt enim *ὑποδωίαν* a Sacerdotibus peragi; nomine sacerdotum, tam Episcopos quàm Presbyteros intelligentes. Hic non possum non mirari magnam Hecani *ἀνεστη*, qui locum Theophylacti à me allegatum, *Aspice rem mirandam, quantum possit impositio sacerdotali-um manuum*, ut probarem *ὑποδωίαν* munus perinde pertinere ad Presbyteros atque ad Episcopos; interpretatur quasi per Sacerdotum manus, Episcopi manus intelligerentur, *Quis* (inquit)

Patrum

Patrum scripta vel à longè salutavit, qui nesciat Sacerdotum nomine, Episcopos designari. Sed secus est: nam quisquis Patres de limine tantùm salutaverit; compererit per Sacerdotes intelligi tam Presbyteros quàm Episcopos. Cyprianus epist. 68. *Plebs maxime habet potestatem vel eligendi dignos sacerdotes, vel indignos recusandi:* subjicit, de Divina esse authoritate, ut sacerdos Plebe presente sub omnium oculis deligatur. Et paulo post, coram omni Synagoga jubet Deus constitui sacerdotes, id est, instruit, & ostendit non nisi sub populi assistentis conscientia fieri oportere. Et Ignatius ad Heronem (et si supposititia, antiqua tamen est, & ad rem presentem facit) *μὴ δὲν ἀνὰ τὸ ὁμονόημα μὲν εἶναι, ἱερὰς γὰρ εἶναι, Nihil sine Presbyteris facito, etenim sunt sacerdotes;* ubi planum est, per Episcopos in plurali numero denotari Presbyteros, ut qui ad Diaconum scribit; subjicit enim, *Tu es sacerdotum Minister; baptizant, manus imponunt; tu vero illis ministras.* Perperam sanè Tertullianus loco citato, Episcopum vocaret summum sacerdotem, si omnis sacerdos esset Episcopus. Gildas non semel à nobis supra allegatus, loco proximè citato, per sacerdotales manus, vel Presbyteriales intelligit, vel saltem ad solas Episcoporum manus non restringit: etenim toto opere suo, nomine sacerdotum semper intelligit Presbyteros & Episcopos conjunctim sumptos. Quin, uno aut altero loco id nominis solis Presbyteris attribuit; Rabanus Maurus tom. 6. lib. 1. de institutione

tutione Clericorum dicit Presbyteros vocari sacerdotes. Quid quod vox *sacerdotis*, non tantum omnium est promiscue Pastorum, sed & omnium fidelium; nec unquam qui ad Presbyteri *sedes* descendere dedignati sunt, quicquam de sua dignitate imminui existimarent, si sacerdotibus annumerarentur. Paulinus epist. 16. ad Delphinum dicit cum Romæ esset delatum sibi Presbytero à Papa Anastasio, quod solet consacerdotibus suis, ut invitaretur ad natalem suum. Idem epist. 6. in una pagina dicit se Presbyterum initiasse, & sacerdotem factum. Ergo per sacerdotales manus intelliguntur manus quibus munus ordinandi incumbit, siue sint Episcopi, siue Presbyteri; sine quibus Hieronymus contra Luciferianos dicit, ubi non est sacerdos non est Ecclesia; hoc est, ubi non est ordinans; sic enim interpretatur Archiepiscopus Laudus Relat. pag. 176. in hoc tamen deceptus, quod per ordinantem non alium intelligit quam Episcopum.

Tertium quod circa ordinationem asserueram in mea Epistola, nempe praxim Ecclesiæ fidem facere, tam Episcopum quam Presbyteros manus imponere *ut* Presbytero, notius est quam ulteriori probatione indigeat. Sed antequam huic longiori quam putaram tractationi de ordinatione finem imponam; aliquot mihi sunt verba commutanda cum Ifcano: ridet inscientiam meam, quasi dixerim ante annum 308. solenne fuisse Presbyteris ordinare Presbyteros; At non

T

simpliciter

simpliciter, quod debueram, sed tantum dixi, con-
 jicere licere, Presbyteros sibi hanc licen-
 tiam u' usurpasse, ut absque Episcopo ordinarent,
 ex Decretis Synodi Ancyranæ; etenim Can. 13.
 Chorepiscopis & Presbyteris civitatis interdici-
 tur ordinare, nisi munitis literis ab Episcopo; &
 meritò licuit hoc, non tantum suspicari, sed &
 asserere; nam quorsum Synodus legem tulisset,
 in quam nemo hactenus contraivisset, Canon
 integer hic est, χειροτονίαν μὴ ἐξῆναι πρεσβυτέρους ἢ δια-
 κόνους χειροτονεῖν, ἀλλὰ μὲν μὴδὲ πρεσβυτέροις πάλαι χάρις ὅτι
 ἐπιτελεῖσθαι καὶ τὸ ἐπισκοπικὸν γράμματος ἐν ἐκείνῃ περιήλθε.
*Chorepiscopis non licere Presbyteros aut diaconos
 ordinare; sed nec Presbyteris civitatis sine præcepto
 Episcopi & literis in unaquaque paræchia.* Sed &
 hoc fidem facit, quod dicit Ambros. in Ephes. 4.
 & Augustinus lib. Quæstionum ex utroque Te-
 stamento, factitatum in Alexandria & Ægypto, ut
 Presbyteri consignarent & consecrarent, si nullus
 adesset Episcopus; ubi per verba consignandi &
 consecrandi intelligenda est ordinatio, quâ pub-
 licè Presbyteri & Diaconi initiabantur sacro
 Ministerio: Adde quodd, si licuit Presbyteris, ut
 Hieronymus dicit factum in Alexandria, Epis-
 copum à suo cœtu eligere, quod de ἐκκλησίᾳ
 intelligendum, nullâ à quoquam Episcopo
 χρεωθεῖσθαι accedente; quanto magis fas est Pres-
 byteris solis, salvâ humanâ ἐνταξίᾳ Presbyteros
 ordinare?

Hactenus de ordinatione, quæ præcipuum est
 jurisdictionis

jurisdictionis Episcopalis membrum & ornamentum: Placuit tamen Rever. Hallo de jurisdictione seorsim agere. Iscanus dicit pariter me errasse, cum de jurisdictione egi: *Non arripimus* (inquit) *Episcopi illam sibi, nec exercent soli*: Et paulo post, *Nos non fingimus Monarchicum Ecclesie moderamen, sed planè Aristocraticum*. Aut non fui compos mentis, aut hisce oculis legi planè contrarium in libro R. Halli. Ille enim postquam Part. 2. sect. 15. de ordinatione egisset, cujus conferendi potestatem solis Episcopis ascripsit; postmodum de jurisdictione sermonem instituens, sect. 16. dicit potestatem jurisdictionis evidentioribus demonstrationibus ad Episcopos pertinere, quàm quæ pro ordinatione attulerat: In quam rem multus est testimoniis & probationibus ex canonibus antiquis petitis, ut astruat, actus quoslibet jurisdictionis Ecclesiasticæ, valuti correctionis, excommunicationis & exauktionis, ad solum Episcopum pertinere; nulla ne minima quidem facta Presbyterorum mentione; tantùm abest ut concesserit aut affirmarit Presbyteros in dictorum actuum exercitio cum Episcopo operam partitos fuisse. Quod si Rever. Hallus credidit, Presbyteris suas partes fuisse, cur id conticuit? Aut si hoc solum voluit asserere, Episcopo primas tantùm partes datas fuisse in Ecclesiasticæ disciplinæ administratione; quorsum operose defudasset in probatione rei quæ nullum habet con-

tradicentem nemo enim est vel infensissimorum
 Episcopali qui id nesciat, aut ultro non
 agnoscat. Sed verò consentaneum est, ut quod
 dixi in ordinatione, sic in ceteris actibus juris-
 dictionis, plus contulisse veteres Canones in
 Episcopum, quam oportuit hominem solā
 superiorei suis collegis. Porro
 ut nulla est tam densa nubium caligo, quam
 sol non penetret aut dissipet; sic veritate
 obstantia perumpente, non ita sibi constant
 canones pro Episcoporum jurisdictione, nec
 tanta fuit Episcoporum veterum usurpata
 potestas, quam à Presbyterorum coetu in
 se transfulerant, quin subinde ex aliis cano-
 nibus & praxi Ecclesiæ atque Patrum testimo-
 niis appareat, suam quoque fuisse Presbyteris
 jurisdictionem, quam cum Episcopo communi
 consensu exercebant; ut nec Episcopus sine
 Presbyteris, nec Presbyteri sine Episcopo quic-
 quam in gravioribus actibus disciplinæ Ecclesia-
 sticæ exequendis moliri possent. Si canones &
 Patres jubent, ut nihil Presbyteri faciant *ἐκ
 τῆς ἐξουσίας*; vicissim quandoque aliis cano-
 nibus decernitur, ne quid Episcopus agat absque
 consensu Presbyterorum. Et canon quartus
 Concilii Carthaginensis LIII declarat irritam
 esse sententiam Episcopi quæ præsentia clero-
 rum non confirmatur; & Ignatius epist. ad
 Trallianos vocat Presbyteros, *συνεπιστάτους, ὡς συν-
 κρίνουν τὸν ἐπίσκοπον καὶ οὐκ ἄνευ αὐτοῦ*. Ibidem dicit Presbyteros esse
συνεπιστάτους

etiam presbyteri, diaconi, consiliiarii & assessores Episcopi.
 Cyprianus subinde inculcat se nihil absque con-
 silio & consensu Presbyterorum agere. Quod si
 Patres populum iubent obedientiam Episcopo
 exhiberi; in eadem requirunt Presbyteris obse-
 quium deferri. Ignatius epist. ad Ephes. *etiam*,
 &c. *Dilecti, subiecti estote Episcopo & Presbyteris;*
 & passim alibi. Polycarpus epist. ad Philipp.
subiecti estote Presbyteris & Diaconis. Irenæus
 lib. 4. cap. 47. *Oportet eis qui in Ecclesia sunt obe-*
dire Presbyteris, &c. In regimine Ecclesiæ, Pres-
 byteris sua fuerunt partes. Chrysostomus in 1.
 ad Timoth. Homil. 11. dicit Presbyteros, *munus*
docendi & presidendi simul accepisse: & Hierony-
 mi illud maxime urit, *communis Presbyterorum*
consilio Ecclesiam gubernatam fuisse: quem locum
 Gratianus videtur in sua decreta intulisse, causa
 16. cap. *Ecclesiæ, De consuetudinibus sæculi, Ec-*
clesiæ habet sensum Presbyterorum, sine quorum con-
silio Episcopi nihil agere licet. Ideo ab August.
 epist. 137. vocantur Episcoporum Collegæ. Longum
 esset instare in omnibus actibus Ecclesiasticæ
 disciplinæ administrandæ, in quibus partes suas
 Presbyteros habuisse cum Episcopis, fidem facit
 historia Ecclesiastica, & Patres testantur. Refert
 Cyprianus epist. x. postquam peccatores, iusto
 tempore poenam egissent, accepisse *jus communi-*
cationis per manuum impositionem Episcopi & cleri;
 unde patet reconciliationem poenitentium non
 tantum Episcopo, sed & Presbyteris concedi-

tam. Eusebius lib. 6. cap. 43. narrat, Serapionem lapsum & adhuc pœnitentiam agentem, cum in gravem & desperatum morbum incidisset, ab-
 solutionem à Presbytero accepisse : Cujus rei duo insignia habet exempla Concilium Toletanum can. 11. & 12. Sic cum Maximinus, Urbanus, Sidonius, & Macarius Presbyteri, qui cum aliis nonnullis ad schismaticos defecissent, in Ecclesia recipi postulassent; Cornelius Episcopus Romanus curavit Presbyterium convocari, ut firmato consilio, quod circa personam eorum observari debeat, consensu omnium statueretur: ut videre est Epistolâ 46. inter epist. Cypriani; Inter quas etiam reperitur Epistola quæ est 31. Presbyterorum & Diaconorum Romanorum ad Cyprianum, in quâ sic loquuntur, ut palam faciant se non res Ecclesiæ administrare precario: & in lapsorum causa dicunt ad Ecclesiæ pacem sustinendam factam collationem consiliorum cum Episcopis & Presbyteris. Ipse Cyprianus epistola 52. & passim alibi loquitur de simili collatione facta cum Episcopis & Presbyteris. Denique Patres fere uno ore pronuntiant, non modò Episcopum, sed & Presbyterum ex officio ligare & solvere. Diserti sunt, Hieronymus lib. 3. in Matth. & Basil. Magnus in Asceticis. Hic affirmat eandem datam potestatem quâ Petrus præditus erat, Pastoribus & Doctoribus, cujus signum id sit, *τὸ δεσμεῖν ἀπὸ τοῦ ὁμοῦς καὶ λύειν ὅτι περὶ πάντων*. Quem locum reponit, sed verbis parum immutatis, Lombardus

Lombardus sentent. lib. 4. distinct. 19. sect. alii:
Aliis autem videtur quod & mihi placere fateor;
cunctis sacerdotibus hanc clavem dari, scilicet ligandi
& solvendi. De Presbyterorum potestate ^{despiciunt}
 in Synodis superius egimus. Quod dicit Iscanus;
non fingimus moderamen externum Monarchicum,
sed planè Aristocraticum, omninò verum esset, si
 in Anglia singuli Episcopi qui suæ particulari
 Dioecesi præfunt, omnium Dioeceseon curam &
 regimen in commune susciperent: At cum raro
 Episcopi extra Dioecesim suam vagentur, & domi
 legibus soluti & ^{arundinis} gubernent Dioecesim
 suam, nec ullos assessores habeant Presbyteros,
 quibus jus sit dicendæ sententiæ; dicerem regi-
 men Episcoporum, non conjunctim, sed divisim
 sumptorum Monarchicum esse; nisi per comitia
 tertio quoque anno convocanda, sapientissimus
 Rex torrenti eorum jurisdictionis sufflamen ob-
 jecisset. Doctissimus Whitakerus docebit nos,
 cujus regiminis formæ participes sint Ecclesiæ
 controvers. 4. quæst. 1. cap. 1. *Ecclesiarum regimen*
si Christum respicimus, Monarchicum: sed si Pres-
byteros, qui in doctrina & disciplina partes suas
agunt, Aristocraticum; si totum corpus Ecclesiæ qua-
tenus in electione Episcoporum & Presbyterorum
suffragia fert, (ita tamen ut vtræque semper à Presby-
teris observetur) Democraticum; Sic partim Ari-
stocraticum, partim democraticum; partim etiam
Monarchicum fuit Ecclesiæ regimen. 1. Astipulatur
 Zanchius de statu peccati & legali in 4. præ-
 ceptum: :

ceptum: *Respectu Christi & Dictatoris nostri Regnum & Monarchia est; respectu Pastorum & Presbyterorum, Doctorumque, adde Principum piorum, Aristocratia: respectu vero plebis totiusque populi, Democratia.*

Paragrapho duodecimo & ultimo nihil video in Iscano, quod tantillum debilitet veritatem eorum, quæ pro Laico Presbyteris ex Scriptura, ratione & autoritate firmamenta, attuleram. In limine dicit se nullo modo refragari, si Seniores Laici faciant partem senatus Ecclesiastici, & unaquæque Respublica eam sibi statuatur regiminis Ecclesiastici formam, quæ paci publicæ conducere visum fuerit; modò tamen hic administrandi modus non obtrudatur pro causa Dei, & unico Christi regno & necessario: Quibus sanè Iscanus tantum concedit quantum velim; nam, tametsi crediderim juris esse Divini, ut primores de plebe faciant partem senatus Ecclesiastici; non tamen ita necessarium putarim, ut ea non censenda foret Ecclesia, à cujus senatu Ecclesiastico Laici arcerentur: Nec Episcoporum Patroni, neque ipse Rev. Hallus, quanquam pertendunt Episcopatum esse juris Divini, majorem in Episcopis retinendis in Ecclesiâ necessitatem imponunt; ut qui in ea sunt sententia, Ecclesiis reformatis extra Angliam quæ Episcopos non habent, nihil deesse ad essentiam veræ & visibilis Ecclesiæ: Sed mox Iscanus quod porregerat retrahit, negatque quicquam præsidii
in

in Scripturis inveniri quod Laico-Presbyteris faveat : Attuleram locum Act. 15. *Visum est Apostolis & Presbyteris & toti Ecclesiæ* ; quem dicit adversus me pugnare ; neque enim posse Laico-Presbyteros sub *totâ Ecclesiâ* includi, nec paucos discipulos dici, esse totam Ecclesiâ ; post modum tamen concedit, præcipuos è grege viros, posse in consilium vocari & res Ecclesiæ curare ; plus enim videre oculos quàm oculum : sed mox sui oblitus, ita parum sibi constat, dicit ab omni Theologia abluere, ut regimen Ecclesiæ, Laicis manibus committatur. At bone vir, nihil horum dixi, sed id tantum quod tu concedis. *viz.* Laicos in regimine Ecclesiæ posse vocari in consilium, & cum Pastoribus operam sociare : Quos quidem Laicos seu primores de plebe Christiana, existimo intelligi per *totam Ecclesiâ* ; neque enim potuit universus coetus Christianorum qui tunc erant Hierosolymis, cum Apostolis, convenire in unum locum, Subjunxeram alium locum ex capite 14. v. 23. *Apostoli in unaquaque Ecclesia ordinarunt Presbyteros per suffragia.* Quid ad hæc Iscanus ? Quid ? nunquid Laicos ? nemo sapiens dixerit : Hæcine erat Apostolorum cura, ut Laicos instituerent adjutores ? quasi eo loci usus fuisset, ut probarem Laico-Presbyteros fuisse ab Apostolis institutos, & Presbyteros, de Laicis intellexissem. At cuicumque mica est sensus communis, colligēt ex contextu, à me hunc locum allegatum, ut patefacere-

rem hos Presbyteros ordinatos fuisse per suffragia plebis; adeoque plebem Christianam, vel selectos ex ea viros, actus Ecclesiasticos exercuisse tempore Apostolorum. In eundem finem allegaveram electionem septem Diaconorum, factam à turba Discipulorum; quos quidem Discipulos dixeram non omnes fuisse Presbyteros; alioquin Tabitham quæ discipulis accensetur, Presbyteram fuisse: contra hæc Iscanus, nescio quorsum navigat Anticyram? & quid de Oedipo garrit? dicitque hanc prodigiosam esse Theologiam asserere plebem Christianam debere se immiscere Ecclesiæ gubernationi; cum tamen ipse, hocce paragrapho non semel assentiatur plebem Christianam, vel selectos ex ea posse in consilium vocari ad deliberandum in gravissimis quibusque Ecclesiæ negotiis: Hoc tamen unum constanter negat, selectos ex plebe viros seu seniores statò ordine debere cum Pastoribus clavum tenere Ecclesiæ; & cum illis pariter curam animarum suscipere: sed non video, quid impedit quo minus hi Seniores non possint admitti ad consultandum perinde in rebus minoris momenti, ac licet in gravissimis? aut cur non æque omni tempore, ac aliquando? quandoquidem quicquid in se assumunt Laico-Presbyteri toto provinciae suæ decursu, non extenditur ultra id quod pro tempore conceditur, & integrum erat Africanis Senioribus. Quod rogant, edant, in novo Testamento Apostolos instituisse Laico-Presbyteros,

Presbyteros, perinde absurdum est ac si postulare mihi dari locum quo Deus disertis verbis dicit, velle se, ut aliqua in terris extet plebs Christiana; aut præsupposito plebem Christianam juberi à Deo satagere regiminis Ecclesiæ, quo præcipit ut plebs Christiana adhibeat ad regimen Ecclesiæ Laico-Presbyteros; quoque Scripturæ loco id regiminis approbetur: concessio enim plebem Christianam præcepto Divino teneri operam partiri cum Pastoribus suis ad Ecclesiæ administrationem; concidit tanquam futilis hæc quæstio; Deus enim jubendo plebem Christianam, ut eligat Pastores idoneos; caveat sibi à Pseudo-prophetis; scandalis eat obviam; censuras Ecclesiasticas infliget; exploret omnia, & arctè teneat quod optimum est: non explicitè & expresse designat quibus modis quæve ratione id agere debeat; sed de circumstantiis confidit plebis Christianæ prudentiæ, quæ vix sciens potuit errare, & tantum aberrare à recto usu rationis, quantum fingunt qui naso suspendunt Laico-Presbyteros: Quos quidem, seu selectos de suo grege viros, commodum putavit plebs eligere qui suo nomine res Ecclesiæ pertractarent, & in quos id curæ rejicerent: Sic planè censendum Concilio Apostolorum, de quo Act. 15. non totam plebem quæ Hierosolymis erat, sed viros è grege præcipuos interfuisse, quos sive Seniores, sive Laico-Presbyteros voces, parum attinet, modò de re constet.

Argumenta in ratione fundata intacta relinquit Iſcanus; utcunque arcem cauſæ invadant, & ultro invitos ad noſtras partes trahant. An cenſebitur prodigioſum & pugnans cum Theologia, adeoque cum rectâ ratione, ut quis conſtituatur inſpector rerum ſuarum? An Eccleſia ſeu ſponſa Chriſti quæ maximâ ſui parte ex plebe Chriſtianâ conſtat, cui teſte Auguſtino tract. in Johannem 10. & lib. de doctrinâ Chriſtianâ cap. 18. commiſſæ ſunt claves Eccleſiæ, operam ſedulam non navabit, ut fideles ſortiatuſ Paſtores, ac certo regimine atque idoneis legibus aſtringatur. Aut quî poterit ſancta harmonia ſervari inter paſtorem & gregem, niſi mutuo amborum conſilio & conſenſu, diſciplina Eccleſiaſtica ſarta & tecta conſervetur? Aut ſi Paſtores omnes, malæ fidei ſunt ^{id est}, abducuntque gregem à verâ fide; quî poterit plebs Chriſtiana corruptionis gnara, malum avertere, ſi nullas habet partes in regimine Eccleſiæ? Aut quid juvat plebi Chriſtianæ juberi, ut diſcernat genuinos Doctores à ſeducutoribus; alienum non ſequatur; anathemate feriat eos qui aliud Euangelium prædicant, præter id quod ab Apoſtoliſ annuntiatum eſt; ſi Paſtores qui ſunt rei, judicis & actoris partes agunt, nec quiſquam de plebe ſedet iudex in foro Eccleſiaſtico? Forſan arcentur Laici ab hoc foro, quia ſolis Epiſcopis & & Presbyteris relicta eſt ^{audet copia}, ut quidam volunt, quaſi ſimul ac homo initiatus eſt ſacris,

iis sit instructus donis ad doctrinam & regimen
 requisitis, quibus nemo Laicorum aptus sit;
 quantumvis sit ingenio à natura subactis, & cul-
 tura eruditionis eximie studio acquisitæ, orna-
 tus sit. Qui quidem fastus Pharisaicus augetur
 distinctione vocum in Clericos & Laicos, quasi
 soli Episcopi & Presbyteri essent portio & hære-
 ditas Domini, cum tamen 1. Pet. 5. v. 3. vox *unus*
 propriè de plebe Christiana dicatur: Id debe-
 mus Pastorum Ecclesiæ Romanæ artibus, quod
 Laici amoti fuerint à gubernatione Ecclesiæ; his
 enim cum assuetecerint plebem credere Pasto-
 rum fide, ut jam persuasa sit Pastorem pro se
 responsurum in die iudicii; facile curam Eccle-
 siæ ad se solos traxerunt, & habuerunt sequaces
 Laicos, ultro reponentes id oneris in ductoribus
 suis. Pueris notum est Deum & naturam prius
 ad totum suppositum quàm ad aliquam partem
 quamvis nobilissimam intendere: sic facultas
 videndi non data est propter oculum, sed propter
 totum hominem; hoc si est, non video quid
 plebs Christiana propter quam & à quâ Pastores
 sunt instituti, non poterit ex se seligere viros
 idoneos, qui Pastores onere sublevent, & eos
 actus exerceant, qui non pertinent ad prædica-
 tionem & sacramentorum administrationem?
 Pastores autem à Deo institutos propter plebem
 Christianã dicit Paulus Apostolus 2. ad Corinth.
 ca. 3. v. 21, *Omnia vestra sunt, sive Paulus, sive Cephas,*
omnia vestra sunt: innuens non admittendos esse

Doctores, nisi qui à plebe Christiana approban-
 tur; siquidem in gratiam Ecclesie admittuntur.
 Tum cujus nomine & auctoritate fit executio
 potestatis & jurisdictionis Ecclesiasticæ in vocan-
 dis & eligendis Ministris, in solvendis & ligandis
 peccatis; illius potestas & jurisdictio est in
 primario & proprio subjecto; ac proinde illius
 est, servato decore & *irratiōe*, istos actus Ecclesia-
 sticos exercere, vel per se, vel per delegatos:
 quod quidem & non ultra Laico-seniores tan-
 toperè explosi sibi vendicant: non tamen suo,
 sed totius gregis nomine. Porro cum Ecclesia
 Judæorum haberet suos Seniores, qui membra
 erant senatus Ecclesiastici, quique nec Levitæ,
 nec Sacerdotes erant, ut ipse Saravia agnoscit, &
 cum Sacerdotibus confidebant, & vocabantur
ἐπισκοποι *ἡρώδης*; ut videre est Matth. 16. v. 21. &
 cap. 21. v. 23. necnon Actorum 4. nulla ratio
 est, cur Christiana Respublica suos quoque Seni-
 ores non habeat? Aut cur non licebit plebi
 Christianæ quod olim licuit toti congregationi,
 Numet. 8. vers. 9, 10, &c. in purificatione &
 sanctificatione Levitarum? Sed quod maximè
 vim facit adversariis; Ipsi qui negant Laicis locū
 in privatis Synedriis Presbyterorum, primas ses-
 siones concedunt Episcopis in publicis Laicorum
 conventibus. Et quod magis absonum est; Qui
 assentiuntur fas esse Laicis in publicis regni
 comitiis sedentibus, agitare res ad Ecclesiam
 pertinentes, atque de iis judicare; iidem Laicos
 excludunt

excludunt à Presbyteriis. Nec minùs abhorret à recta ratione quòd cum Synodus convocata ex tota Anglia, nihil possit decernere quòd vim legis habeat, nisi ratum habeant Laicorum deputati ex toto regno in publicis comitiis congregati; in privatis tamen coetibus Ecclesiasticis & Synedriis, idem privilegium & jus non concessum sit; ut quicquid in eis decernitur priùs assentientes habeat, vel totum gregem vel à grege deputatos, quos Seniores vocamus, quam ad ejus obsequium obliget. In hanc rem saepe subit mirari, cum administratio Ecclesiae visibilis propius ad Democraticum regimen accedat, quòd nemini de plebe Christiana ad ejus gubernationem liceat operam suam conferre, quam tamen in reipublica administratione locare solemne est minime de plebe, etiam in his regionibus quae Monarchiae subsunt; cujus rei fidem facit Senatorum ad publica comitia delegatorum electio, in qua unusquisque jure civitatis gaudens, habet jus suffragii. An credibile, plus cura adhibendum politico regimini quam Ecclesiastico, ut illi pluribus, huic verò paucioribus capitibus, opus sit?

Præsidia ex Patribus petita eodem pede, hoc est fideò, transit licamus; imitatus Rever. Plutium, qui alio opere hos sibi cines putat diruisse, contentus omnia fere recitasse loca, quae ex Augustino, Optato, & Africanis canonibus à nostris proferri solent: quae tamen si singula ponderarentur,

rentur, abunde probant olim Laicos fuisse ad-
 junctos clero in regimine Ecclesie. Ipse Rever.
 Hallus fatetur extitisse olim *Seniores Ecclesiasti-*
cos: sed ita eos extenuat, ut vix *Ædituis* æquet.
 Sanè Senatus Ecclesiasticus de quo Origines
 contra Celsum lib. 3. quem dicit esse compo-
 situm ex singularum civitatum Senatibus; & Seni-
 ores illi & Magistratus, qui cum Donatistarum
 Præpositis in unum locum conveniebant; ut &
 Seniores de quibus Augustinus enarratione in
 Psalmos, & lib. 3. contra Cresconium, non pos-
 sunt detrudi ad tam ima subsellia; ut nec illi
 Seniores de quibus in canon. 100. African, Eccle-
 siæ: *Cum requisiti sunt Seniores à nova Germania*
secundo ac tertio, & non sunt inventi quibus præ-
ceptum erat à primatu, ut occurrerent ad venerabile
Concilium. Gregorius epist. lib. 11. indictione 6.
 cap. 49: vult causas clericorum non agi, nisi cum
 senioribus Ecclesiasticis. Si clerici causa judicanda
 est coram laicis; quanto magis, laicis citatis com-
 parere in Synedrio Ecclesiastico, requiritur ut
 laici istius Synedrii partem constituent; Intel-
 ligit autem de illis senioribus qui non sunt de
 clero; quod & docet, quod paulo ante dixerat
 de non ordinando Tabellario absque consensu
Seniorum & cleri. In actis purificationis Cæliciani
 & Felicis, eo ordine recensentur Ecclesiastici
 ordines, *Episcopi, Presbyteri, Diaconi, Seniores*; qui
 quidem Seniores constituebant partem Senatus
 Ecclesiastici, & perinde ac reliqui de clero adhi-
 bebantur

bebantur ad consultandum & deliberandum; additur enim paulo post, *adhibete conclericos & Seniores plebis, Ecclesiasticos viros;* ibi enim disertè, utcumque distinguantur à clero; attamen includuntur pariter acclerici Ecclesiasticis viris, coram quibus Cælicianus & Felix comparere debebant. Eludunt quidam vim loci authoris commentarii sub nomine Ambrosii in 1. epist. ad Timoth. c. 5. *Synagoga, & postea Ecclesia seniores habuit, quorum sine consilio in Ecclesia nihil agebatur, &c.* utcumque pugnet satis viriliter pro Laico-Presbyteris; dum volunt Seniores dici de ipsis Presbyteris seu Pastoribus infra Episcopos constitutis; ut mens Ambrosii sit, Episcopos olim nihil egisse sine communi Presbyterorum consilio; sed lapsu temporis, seu per desidiam Presbyterorum, seu per ambitionem Episcoporum, amotos fuisse Presbyteros ab Ecclesiastico Senatu, & Episcopos ad se solos traxisse cognitionem actuum Ecclesiasticorum: Sed hanc esse loci interpretationem genuinam, vix crediderit qui nouerit, tempore Ambrosii, quanquam Episcopi potiores in regimine Ecclesiæ partes haberent, nondum tamen morem obsoleuisse, ut nullas omnino Presbyteri haberent. Alii, neutro modo interpretantur Ambrosium, è quorum numero est Rever. Hallus qui declinaturus iudicium istius loci, quem, ut loquitur, tantopere ostentant defensores nuperi commenti Allobrogici, Seniores, ait, dictos ab ætate, non ab officio; Dubium tamen

tamen, an velit hos Seniores fuisse Presbyteros, an verò Laicos: ut ut sit, affirmat fuisse Theologos senio venerandos; quasi incongruum & insolens fuerit ut juniores Theologi ad consultandum Episcopo adjungerentur; dicit enim hosce Seniores non fecisse partem Synedrii Ecclesiastici, sed accersitos pro re nata ab Episcopo; At sane, planè contrarium admittit sensus loci: duo enim dicit. 1. Quèmadmodum Synagoga Judæorum habuit suos Seniores, qui non erant Sacerdotes, quique faciebant partem Synedrii; sic postmodum Christianam Ecclesiam habuisse præter Pastores Ecclesiæ, Pastorum assessores, seu primarios de plebe, qui cum Pastoribus communi consilio regebant Ecclesiam. 2. Hosce Seniores neque precario; neque aliquoties tantum, Pastoribus adjunctos fuisse, sed perpetuum cum Pastoribus vel Episcopo operam sociasse in rerum Ecclesiasticarum administratione, nec quicquam sine eorum consilio, in Senatu Ecclesiastico transactum fuisse: Debile est quod Rev. Halkus præterea assert, ut huic loco suam fidem detrahat; ait, eò loci non affirmari, *sine Seniorum autoritate quicquam transactum non fuisse; sed tantum dici, sine eorum consilio: velim enim mihi operiat quæ fuerit mens Hieronymo, cum dicit, olim Ecclesiam communi Presbyterorum consilio gubernatam fuisse, nisi hæc; nempe, & consilio & autoritate sua Ecclesiam gubernasse: Ipse R. Halkus part. 2. Sect. 160. probaturus jurisdictionis*

nam at

X

præ-

prærogativam, penes solum Episcopum esse docet ex Conciliis & Patribus, Presbyteros, nihil actuum Ecclesiasticorum exercuisse sine consilio & consensu Episcopi, *unde ysaïas emendat*. inde tamen non puto velle confici, in exercitio jurisdictionis Ecclesiasticæ, Episcopi auctoritatem non fuisse interpositam. Non multum officit Laico Senioribus, quod Rever. Hallus alio opere dicit, locis à nobis allegatis pro institutione Laico Presbyterorum, Diaconos præponi Senioribus: sed id non mirabitur, qui scit tempore Hieronymi, Diaconos fuisse Presbyteris prælatos, ipso dicente: *Diaconos paucitatem honorabiles, Presbyteros turbam contemptibiles facere.* Quid quod a Paulo videntur præponi Senioribus, 2. Corinth. 12. v. 28. ubi inter Charismata, sexto loco ἀρχιεπισκοπῆς quæ sunt Diaconi; καὶ ὑποτάξεως, verò quæ sunt Seniores septimo loco recensentur. Theophylactus ex Chrysostomo hæc duo χαρίσματα, interpretatur de iis qui subveniunt infirmis & dispensant quæ fratrum sunt. Quid quod, non ubique verum est, Seniores semper in ultimum rejici locum; nam citato loco ex Gregorio, clerus postponitur Senioribus; Et Firmilianus Cæsar. Cappadox, qui & militat fortiter pro Pastorum *ἐποποιῶν* & potestate baptisandi, manus imponendi, & ordinandi, ad omnes Pastores ex æquo pertinente; Epistola 75. quæ est inter Cypriani Epistolas, loquitur de Senioribus & Præpositis in unum conveniendis per singulos annos; sub quâ quidem voce,

Præpositorum, sive soli Episcopi, sive cum Presbyteris juncti intelliguntur, utrobique, Seniores primo loco nominantur. Nec Seniores possunt dici de Presbyteris; neque enim usquam, legitur, quod sciam, ex quo cœperunt nominibus & muneribus distingui Episcopi à Presbyteris, in recensione ordinum Ecclesiasticorum, Presbyteros præponi Episcopis. Hic interim habes Seniores, sanè Laicos, quotannis cum Præpositis vocatos ad Concilium, & adesse jussos ex necessitate implendi officii quod sustinent; non verò quod eos non vocare integrum, aut eis abesse licitum sit. Sed mihi Cyprianus est instar omnium, apud quem plusculis in locis lego, Laicos cum clero convenisse, ut lapsorum causa ageretur. Epist. 52. ad Antonianum, loquitur de *collatione facta cum Episcopis, Presbyteris, Diaconis, confessoribus, pariter ac stantibus Laicis*. Itidem Presbyteri Romani epist. 31. ad Cyprianum agunt de *collatione faciendâ cum Episcopis, Presbyteris, Diaconis, pariter ac stantibus Laicis*. Pamelius ratus incongruum, ut Laici unâ cum Episcopis jus habeant sententiæ in Conciliis, perstantes intelligit vel permanentes in fide, vel lapsos; sed tunc vult stantes dici quasi astantes. Crediderim epist. 14. per *Stantes Laicos*, intelligi in fide perseverantes; verba sunt. *Vt Episcopi plures in unum convenientes præsentem & stantem plebem disponere omnia consilii communis religione possimus*. Sed non, si hic & alibi per stantes intelliguntur.

liguntur non lapsi ; impedit quò minùs cum Episcopis Laici convenerint ad deliberandum & consultandum. Porro Laicis juris esse & moris fuisse, confidere in Synodis, pluribus probat tractatu ad id edito, vir illustris *Edwardus Dering*, Baro secundi generis, & comitiorum Senator.

Habes, Iscane, tuæ Responsionis discussionem, in quâ non tam respondi ad id quod dixisti, quod sanè maximam partem jejunum fuit, quàm quod dicere voluisti. Quam velim ut ait Augustinus epist. 74. *te veritas vincat volentem*, nec molestus esse pergas mihi, qui in præsens aliud habeo quod agam. Si tamen apud te statuisti aliquid regere & me iterum lacescere ; scito te non inultum abiturum, teque damno tuo crabrones irritaturum, atque plus satis otii suffuraturum me, quo te probè multem, generosè tamen & candidè, atque procul à convitiis, & cum eâ modestiâ quâ tecum usus sum ; quamque in te desidero : Porro da nomen & laruam detrahe, priusquam in arenam descendis ; nec te pudeat partus proprii. Neque fastidium creent lectori, quæ ad nauseam inculcas, & quæ mihi tam liberaliter impertis elogia, Ignari, Indocti, Scioli, Tyronis, & quæ non ? reputans apud te inglorium esse vincere tyronem, qui sanè quisquis sit, fortassis tibi palmam præripiet, antequam è carceribus exierit : ut ut sit, da operam ut potius rationibus, vel vincas, vel flectas, ultroque ad tuas partes trahas, quàm contumeliis eneces : & si quidem tuo iudicio mea

chartæ sunt indoctæ & vix ipso contemptu dignæ, nec sapiunt tuo palato; ni ultro hæc verba exedis, age, limatiora æde, & à nemine operam exposcens, saniora atque doctiora edoce.

ADMONITIO.

NE pariat tedium Lectori hæc dissertationiuncula, continuato orationis filo texta, absque ullâ capitum distinctione, quâ, quid in ea tractatur, indicetur, placuit ejus summarium, & præcipua capita hic ad calcem attexere.

Scripturæ occasio & excusatio.

pag. 1

De prædicatione Pauli Sarpii.

p. 9

Responsio ad criminationes, quibus usus est Theophilus Iscanus.

p. 11, 46. & alibi passim.

Quibus artibus mysterium iniquitatis promotum fuit à Gannariensibus.

p. 17

De altaribus obiter tantum.

p. 22

De abjuratione Episcopatus à Grahamo factâ.

p. 24

Quantulum officiant nostræ, causæ quindecim fundamenta à Josepho Hallo posita.

p. 26

An

An. & quo sensu Aetius dicitur ad fuit hareticus. p.28
Quid de Episcopatu detraxerit honoris admittamta.

p.30
Instituitur comparatio Episcopatus Anglicani, cum
Episcopatu veteris Ecclesie: excutuntur Ecclesie
Anglicane aliquot ceremonie & ritus, eorumque
rigida inunctio. p.34

Ventilatur locus Matib: cap. 19. v. 28. Sedebitis super
duodecim thronos, &c. Nec non locus Augustini
de Civitate Dei: Presbyteros etiam dici Praepositos,
Praefatos & Apostolorum successores p.47

De distinctione muneris in ordinarium & extraor-
dinarium. p.54

De Episcopatu Ephesino, Cretensi, Romano, Antiocheno
&c. Quo sensu Timotheus, Titus, Marcus, &c. E-
piscopi fuerant. p.55

Speciatim de Episcopatu Polycarpi. vide. p.62, 63, 85
& 120

Per septem Angelos de quibus cap. 2. & 3. Apocalypsis;
id singulares Episcopi non esse intelligendos. p.68

Quando inciperit Hierarchia seu ~~ordo~~ Episcopalis.
p.71

De Epistola Clementis ad Corinthios. p.73

De Epistolis Ignatii. p.76

Identitas gradus & ordinis Episcoporum & Presby-
terorum asseruitur quatuor Theosis seu conclusio-
bus, quae quidem eisdem probantibus demon-
strantur fundari in Scriptura sacra; & confirman-
tur testimonio Patrum & authorum celebrioris no-
minis, qui intra octingentos proxime ab Apostolorum
temporibus

Temporibus suis placuit. p. 78. asper ad p. 121
Ordinandi potestatem ad omnes ex quo Ecclesia
sua pertinet. ibid.

Totidem auctoritate circa jurisdictionem. p. 138
Littere Seniores fundari in Scriptura. p. 144. ratione,
p. 148. & praei veteris Ecclesiae. p. 151

Porro quia non habui perpetuam ope-
rarum inspectionem, ut repleam placulis
in locis menda, quanquam non in omnia
exemplaria.

Legge pag. 1. l. 15. Proestitutum. p. 9. l. 10. fuerint. l. 25.
arripuerint. p. 10. l. 3. caligine. l. 15. l. 1. quarum. l. 22.
Hierarchia. p. 17. l. 5. detexunt. hult. dele. sed. p. 22. l. 24. ca-
dem fore. p. 23. l. 17. qui. p. 26. l. 5. Presbyteri. l. 11. lege
24. p. 29. l. 5. penam. p. 33. l. 5. de fide. p. 41. l. 15. reforma-
ti. l. 25. dele. Hand. p. 42. l. 10. arcessere. l. 22. parere. p. 43.
l. 6. Tescit. l. 11. ex oculis. q. ut qui ob. l. 27. Isup. p. 45. l. 11.
persequitur. l. 17. commissa. p. 48. l. 16. dele. parendi. p. 51.
l. 1. amicum. l. 23. velissentur. Sed. p. 53. l. 27. fuerint. p. 65. l.
26. qui. p. 67. l. 16. Presbyteri. p. 76. l. 11. vixit. l. 79. l. 16.
quid subjungam. p. 80. l. 7. seu illos qui. p. 83. l. 19. pater, vel
Petrum solos. p. 86. l. 13. quod pro. p. 89. l. 16. qui. l. 26. sem-
per eos voce. p. 90. l. 4. Antiochena. p. 91. l. 1. & cetera. p. 95. l.
13. qui quisque. p. 96. l. 6. assensu. p. 103. l. 5. poscat. l. p. 112.
l. 24. ab Hier. p. 113. l. 20. legemini. p. 115. l. 25. Metropolitae
a Patriarcha. p. 127. l. 21. probatur. p. 129. l. 19. petita. p. 37.
l. 15. de quibus Hieron. p. 142. l. 6. defecerunt. p. 147. l. 15. in-
finitis. p. 157. l. 13. regere.

F I N I S .

